



東方雜誌

期一第 二第



一九一九年正月二十二日發行

一本雜誌零售每冊大洋銀二角伍分預定全年十二冊大洋銀二圓伍角本埠外埠外國一律詳費

二郵局新章見第二期本雜誌又額額加增報紙寄費輪船火車直達之處爲口岸如購一冊郵費伍分全年伍角日本同輪船火車

未能直達之處爲輿地_{總郵局新定章程如行駛小輪之處}每購一冊郵費壹角伍分全年壹圓伍角外國同至未

通郵政之處民局寄費閱者自給

三凡至總發行所定購者務請將資費送交總發行所收銀後當付收據惟未能照章寄足者祇可照零售例每冊以大洋銀二角伍分計算寄足應得冊數爲止

四在總發行所定購者本埠按期派送不取酒資

五凡一人定購五份寄送二處者照價九折拾份者八折

六在總發行所定購者如遷徙他處務託妥人代收一面知照總發行所改寄惟已寄原處之冊不能轉寄其在代售處定購者請自向代售處商辦總發行所不能接寄

七總發行所按期寄送以郵局民局回單爲憑中途遺失閱者自理

八凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通常以八折核算除二折作爲酬勞惟至少以五份起碼代售至二百五十份者七五折五百份者

七折七百五十份者六五折一千份者六折再折扣悉依原定全年報資核算如一千份者六折即每份以大洋壹圓五角核算是也惟郵費分文不扣

一代售處收到資費即寄總發行所如定購者不將資費照章寄足照第三條辦理至代售處遣人送報不得另索酒資

一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局 有正書局 保定府官書局 長沙集益書社 常德啓智書局 武昌文明書局 中東書社 新政書局 沪口 商務印書分館 江左漢記 廣東開新書報公司 聖教書樓 美文書莊 南昌廣智書莊 南京明遠書莊 中西書局 杭州崇實齋 探辦書報處 蘇州開智書室 日本東京金港堂書店

東方雜誌第一期目錄

諭旨

圖畫

日本文部省

法國外海公署

日本橫須賀船場

俄國旅順船場

社說

述論附

論政良政俗自上而下之難易本社獨創

孟晉

論中國書報不能發達之故本社獨創

鶴谷

論英國之優勝本社獨創

依可

論俄民之貧本社獨創

依可

論中國不能合羣之原因

甲辰十月十五日華盛頓報

論中國人天演之深

甲辰十一月二十日中外日報

論模倣文明之弊

甲辰十二月二十五日時報

諭旨

時評

更調督撫問題

誤認官備兵與憲兵合而爲一

我國財政界之前途

獎勵華商

異哉我國民於世界之地位

旅順降日

咄咄今日之外交界

俄兵欲襲華人案

旅丁鬻女於西人

日商爲菜館運動

查辦留學生問題

留學界之怪象

目錄

二

正

內務

論中國人口之多由於政教
總甲辰十一月十一日中外日報

政務處議裁雲南湖北巡撫摺

理藩院奏擬請裁併各處所員缺摺

商部奏派大臣辦理福建廣東鐵工路礦摺

各省內務彙誌

各國內務彙誌

軍事

論中國所受旅順之奉勦
總甲辰十一月三十日中外日報

詳論圍攻旅順始末
總甲辰十一月二十九日時報大英士報

河南巡撫陳奏查辦符縣東鄉地方匪徒借端煽聚

摺

署江西巡撫夏奏統籌江西軍政更定營制鉞章摺

各省軍事紀要

日俄戰事紀要

外交

論王寅以來外交之變遷
總甲辰第三十一號三十二號合本外交報

論瓜分變相
總甲辰第三十二號第三十二號合本外交報

論外務部
總甲辰十一月十三日新聞報

中外交涉彙誌

各國交涉彙誌

教育

論政府擬設檢舉局
總甲辰十一月初六日華城日報

論中國士人腐敗之原因
總甲辰十一月二十五日華城日報

湖南巡撫陸奏籌辦湘省學堂情形摺

兩湖總督張札設存古學堂文

河南建設武備學堂開辦章程

各省教育彙誌

各省游學彙誌

財政

論中國古代經濟 謂甲辰十一月初一日新報

論今日宜整頓財政 謂甲辰十一月初二十三日新報

外務部奏撫議賠款用銀情形摺

練兵大臣兵部侍郎鐵奏陳查明江蘇省司庫局所造

出款項情形摺

練兵大臣兵部侍郎鐵奏請試辦八省土著統捐並派

員經理情形摺

署兩江總督端護江蘇巡撫效會奏遷黑龍江將江海

關道庫款分別存息摺

各省理財彙誌

交通

商部奏江西紳士等築鐵路並請派員總辦摺

署兩江總督端江西巡撫夏會奏籌辦江西鐵路摺

宗教

論釋教之害 謂甲辰十一月初一日新聞報

江西派辦政事處議准教堂用物免釐公文

婺源縣通稟公文

駐滬法總領事致新撫照會


廣南教案善後條約

各省教務彙誌

小說


期一、第一詩·羅·方·歌

酒
樂



西


正月




日 本 文 部 省



法國外交部公署



本日 横頭 賀船 地



俄 國 旅 順 船 塢

商務印書館出版紀戰俄

令長官(馬克羅甫)○俄旅順艦隊司令官(斯他司爾)○俄國哥薩克騎兵

第三冊●鴨綠江戰地圖○日本旅順海戰司令官(梨羽時起細谷資民東鄉正路)○日本艦隊在佐世保軍港駛行圖○日本魚雷艇隊第二次攻擊旅順圖
○日本放魚雷攻擊俄艦圖○俄太平洋海軍司令長官(司廓理羅甫)○俄陸軍大臣(塞喀羅甫)

第四冊●日本三艦長(中尾雄、加藤友三郎、山田彥八)○日本步兵戰圖○日本鐵兵戰圖○俄將斯他率兵渡貝加爾湖圖○俄國貝加爾之哥薩克兵隊渡冰圖○俄兵旅順礮臺禦敵圖○

第五冊●日本三親王(依仁親王、菊麿王、博恭王)○日本鐵兵鴨綠江激戰圖○日本堵塞旅順沈船情形○俄將苦魯巴金巡視旅順礮臺圖○俄將苦魯巴金巡視海參崴礮臺圖○俄戰艦彼得羅伯阿司克艦長(察科威烈夫)○旅順第七戰被毀之俄戰艦彼得羅伯阿司克○俄戰艦彼得羅伯阿司克中雷沈沒圖

第六冊●日本第十二師團長(井上光)○第二十三旅團長(木越少將)○第十二旅團長(佐佐木少將)○日本接應陸軍艦隊司令官(細谷少將)○裝礮汽艇司令官(關少將)○摩耶艦及艦長中川中佐○日本堵塞旅順口船員移乘小艇圖○日本堵塞旅順隊歸陣圖○俄國海軍大臣(阿韋蘭)○俄國道路大臣(喜勒廓甫)

第七冊●日本皇太子○日本威仁親王○日本載仁親王○日本騎兵斥候乘

商務印書館出版紀戰俄

夜偵察敵狀圖○俄國苦魯巴金晤吉林將軍圖○俄國關東軍團司令本部
俄國旅順守備兵第十一聯隊兵營並海兵團○俄屬西伯利亞布拉郭什臣斯
克曉景

第八冊●日本上村中將瞭望海參崴俄艦圖○俄將司廓理羅甫出海探敵圖
○俄司廓理羅甫艦隊攻擊日本商船圖○俄艦長與日本大尉在烟臺互毆落
水圖○海參崴港俄艦停泊情形○停泊海參崴俄艦（播憂禿艦、格朗保艦、露
西亞艦、路利克艦）

第九冊●日俄兩軍金州大戰圖○其一○其二○俄軍自九連城退入鳳凰城
圖○俄內務大臣（柏來維）小像○柏來維被殺時所乘車圖○瓦紹旅邸前柏
來維被殺情形

第十冊●日本看護婦會長錫島侯爵夫人小像○日本婦團隊歡迎麥基夫人
圖○日本紅十字看護婦會員練習繩帶圖○俄苦魯巴金率衆臨陣圖○俄逃
艦阿斯哥及格羅蘇堡○俄逃艦阿斯哥左右舷損傷圖

第十一冊●老鐵山圖○黃金角圖○日本東鄉司令官督兵備攻旅順圖○旅
順新舊市街中間之孫家溝○日本前駐俄國公使（栗野慎一郎）○俄國前駐
日本公使（羅善）○俄太弟（密喀爾）

第十二冊●奉天鐵嶺附近詳圖○日軍登山進攻遼陽圖○日本橫須賀船塢
○旅順全景○貝加爾湖○松花江岸○齊齊哈爾○俄國旅順船塢

社說

論改良政俗自上自下之難易 本社撰稿

我國近十年來舉國上下競言變法。揭其綱目不外政俗二端。揣其要旨則曰政治之所操者政下之所習者俗。變政而不變俗則政無由施。變俗而不變政則俗無由化。蓋政與俗決不能相離而論也。

然觀我政府自數千年專制以來積習相沿已若牢不可破。吾民之俗亦以神道設教相延而成。其迷信亦若牢不可破。以專制之政馭迷信之俗合之而成一麻木不仁之世界。排外不成轉爲媚外。鬧教不得驅而入教愈激刺則愈疲弱。愈疲弱則愈放棄。視賠款爲固然。視割地爲常事。喻以瓜分而不知恐。惕以滅種而不知憂。如是現象其政其俗尙堪問哉。

欲謀救國非改良政俗不可。而欲改良政俗厥有二策。一曰自上。一曰自下。自上者以政府爲主動。力自下者以民人爲自動。力近者政治家言咸以爲變自下。則基礎實變。自上則設施浮變。自下以民人爲本位。俗化而政自良。變自上以政府爲本位。必得聖君賢相以治理之。始克成爲善國。抑或不然。卽政教敗壞衰弱隨之。此皆據理之說而未揆我國今日之體。



勢今日之民情者也。

夫我國今日豈無主持民俗者哉。其隨聲附和。趁勢逐隊。爲製造名譽圖謀生計起見者。固不待論。其其實心實力。以道德爲經。以精神爲緯。熱心以謀救國。竭力以圖保種者。亦有一二。揆厥原因。在若輩初亦日望政府之變法。久之絕無所見。而又見列強之日逼受外界之激刺。顧同種之淪溼。於是铤而走險。其居心無他也。政府苟能自握主動之權。祛其隔膜。合全國之力。以禦外患。則若輩何苦而必欲冒險。以求進取哉。革命流血。原非人生所樂。爲激則生變。亦萬不得已之苦衷耳。

然觀今日政府。苟稍有覺悟者。斷不以保守舊政。苟安舊俗爲然。改良政俗之策。吾知其必不能已也。於是所謂自上自下二策。其間之難易。不得不揆今日之國勢。度今日之民情。而爲操主權者一陳之。

夫今日國勢之急促。盡人而知。固不容或諱者也。然邇來政府所亟謀改革者。自兵政財政而外。實無所設施。如練兵、籌餉之類。裁官節費。亦是財政。他如提調、規查局所各事。無一不屬財政。仍不外左黃鐵右朱提之故智。而於改良政俗之策。實無當也。假使一旦以實心行實政。毅然勃然如風雲雷電之迅速。定大計立國憲。頒發明詔。與民更始。如日本明治初年故事。按我成化三年。即日本壽永六年。美以吳權首。造日本通商英六。

廣達普開荷語會萬機決於公論。二曰上心下志，一心盛行，經綸三日，官民一途，下至庶民，各遵其志。如世令界急危，大振皇基，云云，詳見伊藤侯天日本憲法義解，可參觀之。使天下臣民咸知我國有維新之日，未有不鼓舞興起而願爲維新國之國民者。試觀日本近四十年來其進步之速，未可言喻。甲午一役，驟與列強並駕，而今則極東之戰，竟能屢挫強俄，合其農業界工業界商業界而觀之，凡百措施靡不追蹤泰西，有過之無不及此。雖由教育普及所致然，竟委窮源，未始不由明治初年之一詔，有以鼓舞羣情而振興國勢也。

況以我國土地之廣，人民之衆，礦山之富，物產之饒，不特遠超日本，即以較全球各大國亦莫之與京。又復人民之服從性質出於天然，一舉一動無不視政府之方針。如近時易服之謠起，而各省衣價爲之驟落，立憲之謠起，而士民想望爲之勃興，傳說者如是，實行者可知。政府苟能以真心待民，民豈甘自居化外乎？由斯以論，吾知改良政俗之事，操之自上，勢甚易易。如近日禮部有致安徵兩廣督撫請封神之案，各報載以稱頌之，謂為誠因之，希冀政府亦何樂而不爲哉。

若夫心醉集權之異說，墨守專制之遺規，奉暴秦爲導師，引強俄爲良友，又復擇一二無關緊要之政事，以綠飾皮，相之文明，如是而曰改良政治也，改良國俗也，其誰欺由茲以往，則

所謂變自上者既絕望矣。而我國之人種類一日不滅，則人心一日不死。勢必再演法民待拿破崙之大活劇，或演華盛頓美國獨立之故事。然而內顧我國民智如是其閉也，民心如是其散也。民風如是其偷也。民氣如是其餒也。數千年之國粹今幾蕩焉無存。而欲望其自治求其自動，吾恐即有數十華盛頓散布於各行省而居如是之國撫如是之民亦難於措手足。而況內外之掣肘乎？政府既多弊制則外人之干涉此必然之勢也而況華盛頓之不世出乎？其變自下之難也如是。

即曰不然。果有大英雄大豪傑崛起於草莽之間，鼓舞其人民，更變其風俗，自必行强硬主義。戕殺同種，翦除敗類，海內若鼎沸者數十年，亦未知能大定與否。即或能定而此數十年中，吾知其消耗民財者無算，傷殘民命者無算，國力之疲弱必更甚於目前猶之積病之軀，驟下峻藥其病雖去元氣已傷，而列強之視眈眈欲逐逐者得此機會，更將大張其勢力以逞鯨吞蠶食之謀。故內界雖清而外界之侵蝕益甚，瓜分之局仍恐不免。此其難之在於外，界者又如是。

若持和平之說，爲潛移默化之謀，任天演之淘汰，劣者去而優者存，則我國既無教育，又無兵力。處此競爭激烈之場，聽吾民之自生自死，必其腐敗也。日益甚其疲弱也。日益甚其麻。

术。不。仁。也。亦。日。益。甚。非。特。滅。國。抑。且。滅。種。試。觀。今。日。南。美。洲。之。紅。種。存。者。尙。有。幾。何。非。洲。之。黑。種。存。者。尙。有。幾。何。其。餘。各。國。之。土。人。存。者。尙。有。幾。何。吾。恐。不。及。百。年。而。我。國。人。民。之。跡。罕。見。於。全。球。矣。

然。則。改。良。政。俗。之。策。操。之。自。上。如。彼。其。易。操。之。自。下。如。此。其。難。操。之。自。上。則。凡。立。憲。法。廣。教。育。興。實。業。練。武。備。整。頓。內。治。收。回。法。權。事。事。可。次。第。舉。行。外。人。不。能。置。一。喙。操。之。自。下。則。民。間。欲。結。團。體。也。而。外。人。以。爲。妨。治。安。民。間。欲。破。迷。信。也。而。外。人。以。爲。關。宗。教。民。間。欲。開。一。礦。設。一。路。也。而。外。人。則。強。附。股。分。各省礦務之路及鐵路之類民。間。欲。闢。一。商。埠。開。一。航。路。也。而。外。人。出。爲。干。涉。如。廣。西。開。埠。及。電。報。航。路。之。類。目。前。如。是。日。後。可。知。政。府。即。不。愛。人。民。獨。不。愛。土。地。乎。而。何。以。內。任。會。黨。之。紛。擾。祇。知。剿。戮。而。不。問。其。所。以。紛。擾。之。由。外。任。强。鄰。之。欺。侮。祇。知。彌。縫。而。不。推。其。所。以。欺。侮。之。故。於。此。而。猶。欲。保。其。爵。位。守。其。貲。財。吾。恐。皮。之。不。存。毛。將。焉。附。豈。計。之。得。者。哉。

雖。然。今。日。之。政。府。所。以。不。能。急。於。變。革。者。亦。有。不。得。已。之。苦。衷。在。一。國。三。公。吾。誰。適。從。此。内。界。所。處。之。不。得。已。也。然。所。幸。者。大。事。未。去。國。家。猶。存。列。强。謀。均。勢。之。力。而。不。敢。明。言。滅。國。一。旦。奮。發。自。强。曉。然。與。天。下。以。維。新。之。實。政。則。地。大。物。博。民。衆。人。稠。上。下。一。心。猶。易。爲。力。以。今。日。

之國勢民情而論。有至急者二。曰普及教育。曰收回利權。教育之道。又有普通速成兩途。遍設蒙學。開通窮鄉僻壤之民智。則一切惑風水。阻路礦。崇僧道。設邪教之風可戢。而興工藝。重農桑。振商賈。練團防之政可行。此爲普通教育。其收效雖緩。然國家之命脈係之。速成教育者。即多派游學。廣設官報。是也。我國東西洋之游學生。固已不可勝計。其間畢業而可用者。豈無一人。諒其識見。學問斷不在科舉捐班之各司官下。已成者。則號召而用之。未成者。則貼費以助之。又復多派有志之士。以爲之繼。則朝廷何患無人才。如近來出外交涉案事例人業此日經營之不察耳。報章爲國家之機關。政府之督責。苟明定報律。捐除忌諱。裨益於政界學界者。既速且溥。則人民何患無智識。若欲收回利權。莫急於路礦。其利之廣。已爲全國所共知。苟政府免其報効。而提倡之官民合一。以從事於此。則外人何由而附股。何由而代辦哉。夫知事事悉聽政府公溥之命令。亦羣諒政府不得已之苦衷。而無不樂爲國家効力也。吾願操主動力者。揆其難易度其成敗。惕將來之莫爲力。知此日之尚易謀。睡獅一吼。百獸辟易。則今之老大帝國。安知不數十年而成爲蓬蓬勃勃之東方一強國也哉。

論中國書報不能發達之故 本社撰稿

鶴谷

新書報紙不能大行於中國者。其原因至爲繁縝。而民智不開鐵軌未通之說無當焉。抉其病根半在社會半在主持書報者。倫敦各新聞其銷數多者每種至數十萬紙。日本東京不及我國一大縣。而新書出版每日平均二百種。我國新聞紙每日銷售數不滿萬。而同業者已幾乎側目。書肆林立。間數月出一二冊。闐然無聞。印書一種。銷售經年不能盡少。亦擱置數百部。無人過問。是何相懸若此。吾知必有一物焉。作梗於其間。而沮遏新機之發達。不然。何無聊。至於此極耶。

所謂病在社會者。專就新聞一方面言之。則以吾國人太無名譽心。夫新聞爲輿論之母。清議所從出。左挈國民。右督政府。有利於社會者。則鼓吹之。有害於社會者。則糾正之。社會所疑。昭而析之。社會隔閡。溝而通之。有所褒。則社會榮之。有所貶。則社會羞之。此新聞紙之良知。良能也。雖然。此固由文明國人素重名譽。而名譽之所歸。惟新聞爲最著。而其所及。亦最廣。榮辱是非之所繫。不脛而走。一言甫出。萬方以爲觀聽。故其視新聞也。尊崇敬禮。若嚴師。之不可侵犯。而人人以讀新聞爲不可少之事。至若我國人。則從不知所謂名譽。非故自暴棄也。有物焉。其輕重。固遠出名譽上。遂不惜棄彼。就此捐聲聞以徇之。曾不顧惜。吾非好爲譴語也。夫我國平民不暇論於社會中地位最高。足以爲平民之代表者。宜莫如官。而官亦

有時無羞惡之心。官之性命繫於財。與其求財目的無大關係者。雖捐棄一切。猶或爲之。而何唾罵之足畏。故前數年報章之於官如風馬牛之不相及。至近歲說者謂官場風氣稍稍變革。辨誣之來函詰責之廣告多有。大員署名若甚愛惜名譽。以視前此絕不與報紙通往。還者固相去萬里。不知彼之稍稍閱報。見有損其名望。剖辨不遺餘力者。則以近今風氣御史每摭拾報紙之談風聞言事。以此去官者固不一其人。無官則無財。無財則無命。輾轉相乘。雖有所深惡於報。然不敢以河漢弁髦視之。而報紙始稍達於上官之目。至若平民本無所謂官。何有於財。故并此間接之名譽。而亦不顧。報紙之關係亦微矣。欲以振聾發瞞之言。冀國民之一覽。又何其扞格而不相入也。抑我國官紳又最畏西文報紙。聞西報揭其陰私。詆其頑固。則其鄭重之心。較華報爲獨切。豈本國人言無足恤。而反畏外人之清議。蓋深懼夫西人之權力。奪其官。剝其財。較華報爲尤捷也。觀此知我國人於報紙之關係矣。其次則東西各國新聞紙發達。其大關鍵。皆繫於政黨。黨派愈多。而報紙之銷行愈廣。一首領倡機關報。不假他求。卽其黨員中已銷至數萬紙。而世人欲窺此黨之風旨。舉動者。非讀其報紙。不能詳。轉移之間。又銷行數萬紙。故東西各報種類愈多。而風行愈盛者。職是之故。我國社會中所謂政黨者。何在。如或有之。不過窮酸數十人。不足以當一噱。至各地會黨。則更爲椎。

埋無賴之徒。目不識丁。何足以與聞報紙。此我國新聞事業通南北各大埠。不過數家。已覺其叢脞可厭者。此也。至於新書。則又關乎經濟問題。我國惟科舉期內。書價最昂。銷行最易。通稱曰考市。過此以往。則流風衰歇。非科舉之士。皆富家子也。其不惜數金數十金。以蒐羅卷帙者。蓋假此涉獵。以爲敲門磚。若曰吾願甚奢。此區區者。非所吝。其原理與。投金錢以媚佛者。正復相同。目的既終。束之高閣。而士人生活程度艱難。至於今日。誰復以閒錢購不急之物。宜乎新書之無人過問矣。匪第新書爲然也。惟報亦然。每紙價昂。三數錢。則閱報人雷取。其廉者。社會之經濟艱難。然不必一貧至此。蓋不別賢愚。美惡而惟錙銖之是較。此固中國人之積習。無所容其深諱。報紙如此。新書可知。此又原因之一也。其三。則今之社會。吾謂其直無讀書報之間。我國雖多游民。然細核其所費之時。則於書報實無暇披閱。官之事。最繁。若鑽營。若窺竊。若敲脂吸髓。若應對。趨踰。雖劉穆之其人。復生於今。亦難乎爲繼。而何多暇焉。其次。若平民。則種種方面。皆足以磨其日力。除謀生之外。或煙或酒。或冶遊。或懶病。稍暇。則又徜徉市街。以銷磨歲月。此數者。雖報紙或與爲緣。而新書。則幾爲絕無關係之物矣。

以上所言。皆種因於社會。而主持書報之流。不得不急謀所以改良者。亦自有說。夫新聞之

要素有二。一曰迅速。曰確實。新書之要素有二。一曰價廉。曰通俗。流行之數必以此四者爲定衡。今我國之新聞家。凡國家之政令。宮廷之內情。迺反抄襲於東西報紙。是則我國之內容。外人反較國民爲先覺。有是理乎。此而不察。是曰主客倒置。直使我國民輕視本國報章而已矣。卽有一二由採訪而來。或則毛舉細故。或則以訛傳訛。相沿不覺。以故又大失社會之信用。吾嘗聞京師某巨僚語曰。報章沸騰去題萬里。事之始末。轉不若吾胸中之了了。何必讀報章。爲嗚呼。此言雖不足以盡報紙之價值。然亦我同業諸君所不能不猛省者也。非然者。吹影吠聲。交相附和。詬報館爲造謠之地。惡聲且不絕於社會矣。今日之新書定價。雖不能謂之過昂。然我國至今日讀書者實爲少數之學生與夫幼稚之新黨。此二類者皆分利而非生利之人。則書價非極廉。不能銷行於各口岸。何況窮鄉僻壤乎。抑新書之大弊。一則在其內容腐敗。失社會之信用。一則在其措辭立說。介乎不文不俗之間。以爲文言。則支離詰屈。不能自明。其意旨之所在。某雜誌所謂語其國文不成片段者。是也。設以爲俗語。則又之乎者也。紛然滿幅。卽一說部。書已非盡人所能讀。是以長於國文者。則望而生厭。粗知文義者。又泛濫無歸。二者皆不適於社會者矣。吾謂今之書籍。除國文教科外。宜多用白話。而以科學書爲尤要。蓋我國人之知識。初不足以讀專門之書。重以文言。則索然寡味。欲求知識。

之普及。非以至淺之常言說。高深之原理。必不能達。或謂深邃之理。非文辭不能達。然則胡不觀宋人之語錄。其理亦惝恍而無憑矣。猶藉白話以明之。豈確鑿有徵之實學。迺反不能譬喻乎。不然者。顚頽飄忽。不足以發社會愛慕信用之心。吾見其扞格終古而已矣。亦何有發達之一日哉。

論海國之優勝

譯日本明治三十七年一月三日國民新聞
本社譯稿

依可

國勢之優劣。其出諸天然者。若面積之廣狹。戶口之繁渺。皆足以測其命運之脩短。與夫現狀之良惡者也。自日俄開戰以後。世之論者。僉謂俄之境域。面積八百六十六萬方里。日本則僅十六萬方里。依比例式算之。正成一與五十四之差率。今茲之戰。譬猶蠶臂當車。勝負顯分矣。然是徒以面積論而不以戶口論也。況俄境多荒漠不毛之地。而日本則壤地雖小。大抵豐饒乎。若以兩國戶口徵之。則俄以若干之地。僅有一億三千萬之居民。日本蕞爾小島。而居民乃四千八百五十萬。彼此相去不過十與二十六之間耳。或以俄國戰時能徵兵三百四十四萬。爲强大之證。然兵士出於人口。不關面積。日本當危急之際。有二十歲以至三十歲之壯丁三百六十二萬人。其次自三十歲至四十歲之男子。足爲後備兵者。尙二百八十三萬人。更有自十七歲至二十歲能勝國民役者。約一百二十萬人。合而計之。共七百

六十五萬較諸俄國不特可與並轡且駕而上之矣。

抑日足勝俄尙有一要點在則海國與陸國之優劣也。世人論國之面積每僅以陸地言而
不加以領海夫日本海國也。陸地雖若甚小然四面環海岸線延長公法家之慣例由國之
海岸三海里以內爲其領海日本海岸線長七萬四百三十三里則有千五十五萬里之領
海面積即六千二百三十九英方里增以瀨戶內海之領海面積五百三十方里則千五百八十五方里
矣。即九千三百六十二英方里此當增之於陸地面積者也。且海國之於海也融通自在非如陸國之接
壤他國犬牙相錯故其面積雖止能從海岸三里以內之慣例而利用海面則雖百千萬里
又孰能禁之。航海可以周世界水產取之而無盡此豈陸國之一出國境卽不能不假道他
國者所可同日語耶如瑞士如塞爾維亞如阿富汗斯坦如普拉格華皆陸國也。俄雖非純
然之陸國而其大部濱北冰洋海面無可利用若波羅的克海則每年三分之一有冰裏海
則四面皆鎖以陸黑海則爲國際條約所限而望其出路是則與一無領海之陸國何異耶
嗚呼二十世紀之世界一海權競爭之世界也吾輩觀之環球各國其擴張制海之權勢思
出而爲龍騰虎擎之事業者尙難數計若夫追溯前代則希臘之於上古羅馬之繼起義大
利之於十五世紀英吉利之於十九世紀皆海國優勝之證也夫過去已成陳蹟希望屬於

將來日本海國既蓄勢力二千五百六十餘年矣而今殆將發現矣時乎時乎頗與國民共歡迎之

論俄民之貧

譯日本明治三十七年十一月十日東京日日新聞
本社譯稿

依可

理財非策。日俄開戰以前俄戶部大臣維忒創議整頓官業國庫充牣而各地方轉負重稅義務致怨嗟之聲聞於道路今復輕啓蒙端大歛民財以經營西伯利亞軍用之鐵路及遠東要塞之防務而殖產之業概置不問馴至生計日蹙流爲盜賊俄民之貧亦已甚矣。西伯利亞鐵道政府自爲資本家而勞工則資本家之所傭也傭值至廉不敷工食視同牛馬僅供驅策是以人民相率背叛而內務大臣伯來維乃欲以威力鎮壓之相持不下而日俄戰爭起乃轉其內爭之力以禦外患。

商業不振。內爭中止境內固暫行安謐然他日外患既平而人民之激昂乃將什倍於曩昔請以實事徵之俄政府事業費之豫算額中提出一億三千六百二十六萬九千二百三十盧布以爲軍費於是政府所興工業或且中止而煤鐵之進口大減各工場或歇業或縮短其作工時刻失業者衆哀鴻徧地且西伯利亞鐵道爲歐亞貿易孔道今專用以輸送軍隊及軍需品而商賈不霑其利凡製造者裨販者悉以滯貨破產而商業大困矣。

波蘭慘況 西伯利亞所用之工業品常仰給於波蘭州之羅池。華爾墟。沛脫羅夫諸地。開戰以後。積貨滯銷。販路遂絕。小製造所陸續歇業。大製造所亦於每日製造時刻減其十分之二。以至十分之五。職工被辭者多而食物之價乃反騰貴。於是民人窮困而罪犯滋多。華爾墟之猶太人常合資設施粥廠以救其貧困同族。羅池之鐵道本以供工業之用。開戰以來。往返之數大減。四方土人殆皆失業。老弱者輾轉溝壑。少壯者流為盜賊。舉如此者非獨邊隅。即所謂工業中堅之地亦復不免。如皮愛羅陀司克市。壯丁之失業者千八百人。其善士集二千餘盧布以賑之。而待賑者日增。費尚不足。維迭伯司克市工人無食者三千六百人。里額及里波及波羅的克海沿岸諸市皆類是矣。

戰禍影響 聖彼得及莫斯科兩都貲金匱乏。商業萎縮。皆戰爭之貽害也。維阿額地方人民困厄較為末減而已。急求援於政府呼魯者鋼鐵工業之中堅也。其大工場製造之額減三分之二。有某工場請政府免其所負於國庫之債焉。俄之領土占全地球六分之一。雖不能以幾處窮狀概其全國。然其最重要之都市如是。則其他可知矣。

農民負擔之重 俄之財政其大部取給於農民。而商工倚居其次。開戰以後。農之魁碩者。皆已從軍赴戰。其戰而負傷者。殘廢者。運送歸里。則例由同地之農民養撫之。故俄之農民。

自納稅以外。又有地方兵營之經費。徵兵費。監獄經費。送囚費。給養。廢兵費。扶助軍人遺族費。各地方病院。皆有醫療傷兵之義務。又若維持赤十字社。及擴張海軍。亦不能不報効焉。更有甚者。俄之兵制法第三十八條曰。現役兵卒之家族。於其出征以後之費用。皆當供給。彼貧民負稅既重。衣食不贍。決不能爲此費之預備。臨時而籌之。其困厄可知矣。農民負擔之重如此。其應納地方政府之稅。遂不能不延欠。昨年五月由戶部大臣決議。此等欠額。悉由國庫支償。五年爲期。嗣是國庫每年支出二百五十五萬四千盧布焉。

年穀不登。各地方中。又有見年穀不登之徵兆。恐不免待援於政府者。政府之所豫想。則彼塞拉比亞等地。素稱膏腴。而豆麥之收穫。已下於平準。波爾泰瓦等處。亦有歉狀。燕麥。則彼塞拉比亞。謝爾科伯。維希迭布司克。華爾墟。皆下於平準。大麥。則彼塞拉比亞之所無。若開爾生。維希迭布司克。倫塞。沛羅科夫。諸廣土。皆下於平準。小麥。則冬期收穫。彼塞拉比亞。愛里塞。彼格蘭特。殆將絕迹。若波爾泰華。加科夫。基威尼科夫。維希迭布司克。其一部。皆下於平準。春期收穫。則彼塞拉比亞已無望。而開爾生。亦恐告歉。以上諸地。雖未足以概俄國之全部。而此大部分農業之失望。決不能無所影響。在俄政府豫算額中。雖例有饑饉之預備。然區域太廣。恐營救之術。不能不窮矣。

貧困之狀。深知俄事之人。嘗謂十五年來。俄民負擔稅額。與年俱增。至於今日。視昔爲倍。此非富裕之徵。而實貧困之因也。俄政府所派調查員之報告。亦曰。自稅額遞增。而其流弊。之隨以俱增者。若牛馬之缺乏。政府及人民賑濟之金。人民之壞血病。及霍扶斯病之因飢而生者。此等遞增之度。皆與稅額爲比例。於徵兵時。檢視體格。若胸部。若身長。皆在昔日之標準以下。又門塞林司克官吏報告曰。全國普及之窮狀。觀於農民而知之。農民之食糧。無肉類。無牛乳。無雞卵。惟黑麵包及磚茶而已。此類食物之害。以兒童之身體爲最顯。肉類及雞卵。非不產於其地。農民亦非不知其爲滋養品。然以貧困之故。得卽售之。不克自享。余所見。雖止此一地。而案上有二十九縣之報告書。所言皆然。俄政府以政略所注。軍事所需。提數十億盧布。以營鐵道。貯此預備巨款於國庫。而使農民以黑麵包。磚茶度日。顛倒實甚。或以俄民所納稅額。按人口而計之。視他國爲輕。以是爲俄民之福。然非確論也。欲知俄民負擔稅額之輕重。不當以德法國民每人納稅之均數爲比例。而當以納稅額與納稅者之所得者爲比例。莫斯科者。俄國殷富之都府也。然其調查委員之詳細報告有如下者。觀俄民之家族。姑以男三人婦幼數人論之。其所得每年四百有二盧布。其經費則三百九十八盧布。經費中四分之一以上。皆用以購重稅之物者也。故以其間接納於政府者而詳說。

之。則酒二十一盧布六十四戈比。茶十盧布七十五戈比。糖七盧布十六戈比。紗布一盧布九十戈比。石油一盧布五十四戈比。煙草三十戈比。馬非二十一戈比。此皆以至約之數言之。其實際尚不止是。即使止是而已。於農民歲入取其百分之十二。又加以直接稅十二盧布十六戈比。則已於所得四百二盧布中。納其七十二盧布又八戈比矣。而政府於地方稅截留以備地方至要之需者。不過全額中百分之十五耳。莫斯科縣中枯林地方一家生計均數。爲二百二十六盧布五十八戈比。其中七十七盧布又十四戈比。皆納於政府者。是取其百分之三十四也。而政府所截留之準備金。在地主或得霑其利益。其他多數農民出入不能相抵。至兼營他務於異地。而尙不能免納稅之債負也。以上所記。實足以觀俄國農民之一斑。塞拉東地方之巴拉墟。則一家所得之均數。一百十七盧布七十六戈比。須納稅六十二盧布二十八戈比。實過其半數。彼其一家之消費。不過五十九盧布五十六戈比。以人數派之。每人得八盧布八戈比耳。而農具家屋之修繕。家蓄之費用。取於此。債負及利息之償還。取於此。火災及牛馬之死亡。及其他不時之災害。所當預備者。取於此。此尙爲以數言之也。其實際恐更有不可問者。徵稅之不量民力。如此民之困苦。如何耶。

今日之戰與納稅者之負擔。俄政府如不舉陸海軍及鐵道工事之費。而減損之。則不能。

不更徵新稅。如以新稅之病民而減損軍費。鐵道費則俄國內政外交之方策皆將由是而變動。日俄之戰。俄國財政之勁敵也。數年之所貯蓄。以數月間消費之。其後之所需。不得不資於將來之財源。概算戰費。五月間所費。凡八億三千二百二萬九千三百三十六盧布。乃與一年間國庫所入直接間接諸稅之總額相埒。然則一年之軍費。至少亦必倍於國庫收入之數。又加以通常之政費。是開戰時。政府之費用。三倍於其通常之歲入也。如此巨款。雖富裕之國。猶難爲繼。況俄人之窮困哉。軍費者。徑由國庫支出。不問其財源之在現在。在將來。而皆感應於民間之財力。蓋軍費雖徑資於國庫。而其財源在國家之歲入。勢不免與年遞減。而入不敷出。乃不得不乞靈於十年二十年後償還之國債。然國債雖足以應軍費。而人民之商工業。勢不能援此例以維持之。故商工之萎靡。直有不可復振之勢矣。

外債日增。論者或謂日俄戰局之終。俄國工商業非無中興之望。蓋凡事皆有反動力。若羅池。華爾。爐。波蘭之諸大工場。今雖萎荼衰頹。而戰局既結。將乘西伯利亞之交通。而大振雄圖。且俄國所糜軍費。止於國內。尙未流出外國。夫商工業之沈鬱。概由於失信用。今俄國雖軍事屢敗。財政不舉。而於海外財政之信用。程度尙高。其新募外債而未集者。非其信用力之薄弱。而彼欲以自利之章程募債故也。聞俄國大藏省欲發行國債券。以爲流通之紙。

幣云。於是有一大可慮者。金之流出國外是也。現金流出。則國庫之準備金爲之搖動。準備金之穩固。基於不換紙幣之信用。與國庫決算之報告。相爲比例。現今視流通紙幣之全額而爲之保證者。其額頗多。然其大半不在銀行而在國庫。一千八百九十二年以降。政府之歲入。雖超於歲出。而國庫決算之報告。甚不可恃。故不能不以準備金之故。而每年募集外債。一千九百一年。集美金八千一百八十七萬七千三百四十四元之債。而實收七千八百九萬五百二十元。一千九百二年。於德國募債七千一百五十二萬六千八百十二元。而實收六千七百八十六萬一千六十三元。明年。集鐵道公債三千三百四十萬七千五百一元。以百分之九十六收之。實收三千二百七萬一千二百二元。自一千九百年至一千九百三年間。俄國所集外債。殆及美金一億七千八百萬元。而此三年間準備金之增加。亦與外債之額爲比例。即美金一億五千四百五十萬元也。一千九百二年。及其明年。雖外國貿易。尙稱贏利。而不足以抵公債之辦事費及俄人遊歷外國之旅費。故俄金實流出海外。而國庫準備金。則已以外債彌補。夫戰爭以前。其藉外債之力。旣如此。則戰爭以後。之仰財源。於外債。又將何如。

農民負擔稅額之難要。之俄國財政最大之危險。非一時戰爭之所激起。而實由於民人。

貧困之痼疾。四十年前奴隸制度尙存農民平均之境遇尙視今日爲優。今則諸種之稅金已日費十一仙半。三分之二爲農夫及妻子之食糧。日費三仙六分。幾有入不敷出之憂。人民之境遇如此。不特無增加稅額之餘地。恐今日之所負擔亦將不能維持。故曰俄國財政之危險。不在一時戰爭之激起。而實由於民人貧困之痼疾也。

論中國不能合羣之原因

錄甲辰十月十五日羊城日報

中國志士號呼奔走於國中。曰合羣合羣者。如是蓋十餘年矣。然而合羣之效。茫如捕風舉國上下。互相水火。匪特不能合其羣。且往往毒其羣。害其羣。嗚呼。是以故論者曰。是無愛國心。故是無公共觀念。故雖然欲舉國。而皆有愛國心。有公共觀念。則非舉其病。而一一療治之。廓清之。未易以語。此其病原維何。

一。因於官民隔而上下之情不通也。立憲之國。有上下議院。民氣不患遏鬱。中國以專制立國。固無議院之可言。所恃以爲恤民瘼達民隱者。曰官吏。顧今之所謂親民之官。如州牧。如縣令。平日文書旁午。案牘紛紜。其能留心民瘼者。蓋絕無而僅有。至若崇高牙建大纛。坐糜餉糈之輩。則又危坐堂皇。深居簡出。而求其以通下情。達民隱。難矣。吾聞泰西各國君多道長。恆惜遨遊以爲閑曆。故於民間疾苦。政事得失。無不周知。卽中國古者天子諸侯。亦不廢。

巡狩述職之典。陳詩以觀民風。納諫以觀好惡。所以關心民事。至詳且悉。今縱不能上稽古制。下法當今。然令爲官吏者苟降心相從。一屏其妄自尊大之念。則官民何嘗不可以聯絡。一氣顧在上者。惟巍巍然默默然斯在下者。亦踞踞焉懦懦焉。加以胥吏爲之蠹隸。卒爲之僂。而官民遂成一不關痛癢之身。轉側不靈。跛瘡病。瘞官自官。民自民。以民爲橐中物。民視官爲眼中針。由是而官自爲羣。民自爲羣。合中國之官吏爲一羣。合中國之民爲一羣。而刀橫龍斷之紳商。以附益官吏。飽私計者。又自爲一羣。一省一邑之中有無數羣焉。而一羣之中。又人人自爲羣焉。嗚呼。此所以日言合羣。而迄無羣之一日者。亦由於官民之氣隔也。此其一。

一因於省界分而彼此之情隔也。夫劃省分疆。原因山川所隔。風氣所殊。而易爲節制。非曰孰優孰劣。孰富孰貧。而遂生歧視也。故禹分九州。唐分十道。宋分十五路。而集其權於中央。政府。此在專制國統一之時代。固然。至今日則勢積弊生。無論官其地者存一畛域之念。即生長其地者。亦存一彼此之心。一財政也。則彼省之財不得籌之此省。一兵防也。則此省之兵。礙難調之。彼省鄰封有急。漠不相關。卽或有急。類救災之義。脣亡齒寒之憂。慷慨代籌。而噴有煩言者。已不可勝數。此無他。由畛域之成見。印於腦筋。而不能破也。甚至下等社會。

販商騙僧者流爲本土外來之說。欺生畏熟，希圖漁利，然此固無論矣。至若上等社會平日所號稱文明志士，乃亦不免出於畛域之見，恒視其省爲已有物，而視他省若秦越人之不相關。若曰以某省之人辦某省之事，而他省不得旁代。夫同一種族同一中國，緩急相關，利害攸共，惟視公益之何如，更無彼此之可言耳。昔楚王遺弓，孔子曰：盡不言天下人失之。天下人得之，吾敢曰：中國之事，中國人辦之，又何必區區存一畛域之見，致令彼此相忌相勝？相恫相疾？故今日之中國一省實不啻一羣計，有若干省卽成若干羣。夫以中國區區數萬萬之民，而爲羣若是之多，何怪乎？日言合羣，迄無合羣之效者，亦由於省界分而成見深也。此其二。

一、因於滿漢分而種族之界限嚴也。中國維新之士，約分二派：一主急進者，一持和平者。主急進者曰：政府決不可待，彼且以我爲家賊，將魚肉我而寢處我。居今日而欲保我族類，非從事於破壞不可。持和平者曰：有破壞而無建設，愈破壞則愈微弱。爲今計，非尊王以攘外，非諭立憲法不可。祇此二派已同室操戈，互相水火，未知孰是。然吾爲合羣計，吾不得不舍急進而主和平者。彼辨種族之說者，謂中國爲神農胄裔，固矣。然吾稽諸史乘，自禹貢九州而外，若閩粵若黔蜀，當時皆狉獉半化，無異黑人。則今日黔蜀諸省之民，強半非神農胄裔矣。

又況中間五胡之亂。晉元之代宋。若突厥。若契丹。其遷居內地。與漢人通婚姻者。禁不勝禁。至今日而欲辨其種類。更孰從而辨之。況我朝定鼎之初。迄今垂三百年。其沾濡仁澤。對越王庭。或羈廩糈。或糜官爵者。皆今日之子孫。其祖若父也。滿漢之界。似可泯忘。苟其不然。而斤斤焉以辨。孰爲滿。孰爲漢。幸邀一時之破壞。吾恐內亂愈殷。外患彌熾。滿之防漢也。愈甚。漢之猜滿也。益深。由是而爲滿者。爲一羣。爲漢者。爲一羣。其有勢力之官吏。而附滿者。又爲一羣。其主張和平。而倡尊王者。又自爲一羣。集此無數羣。而自相猜忌。自相魚肉。而中國更無合羣之一日矣。亦由於滿漢之界。爲之阻力也。此其三。

一、因於新舊分而學界之攻擊盛也。近來中國學界。有真守舊者。有真維新者。有僞守舊者。有僞維新者。僞守舊僞維新者。吾無論矣。卽真守舊真維新二派。一以仇洋保教爲宗旨。一以尊王攘外爲目的。其意見已不相合。勢必門分戶別。伐異黨同然。當此中國若存。若亡。之日。凡屬在國民之一分子。宜如何各顧大局。各盡義務。戮力一心。同禦外侮。而乃騰其口說。互肆誹謗。譬猶盜將入室。而不謀禦外之策。反父子兄弟。閭牆詬諐。自相交責。使盜賊聞之。竄不大快。今日新舊之紛爭。何以異。是更可異者。報館之設。其天職原在監督政府。勸勵國民。非以爲口舌競爭之地。乃或因一事之品評。一言之苛刻。則互相攻訐。連篇累牘。曉曉不

休。雖在維新志士亦所不免。試問今世何時而可專事口舌之競爭乎。有識者當自知之。吾願熱心愛國之士。忽略小疵。顧惜大義。勿爲好勝之念。勿存執拗之心。則道德可興。國可強。而羣可合。苟其各存私意。紛曉莫解。勢必各樹旗幟。門戶判然。維新者爲一羣。守舊者爲一羣。僞新僞舊者各自爲一羣。而半新半舊者又自爲一羣。嗚呼。此所以日言合羣而迄絕望於羣者。亦由於學界之腐敗爲之阻力也。此其四。

以上四端。其勢皆足以相刺相激。互相爲果。而成今日種種不羣之怪狀。故欲官民之情通。則莫若立憲法。開議院。欲省界之說破。則莫若一事權并行。省欲滿漢之界不分。則莫若易服色。同權利。欲新舊之學不爭。則莫若明教育重義務。苟能一一舉行之。安見我國士民其愛國心不油然以生。公共觀念不勃然以起者。不如是而漫曰合羣。合羣焉有濟也。焉有濟也。

論中國人天演之深 錄甲辰十一月二十日中外日報

處乎今日之世。以中國人與西人較。其粗者。日用之器物。如宮室舟車衣服飲食之類。其精者。學術之程度。如文字圖畫算術政治之類。其最精者。形體之發達。如皮毛骨格體力腦力之類。是數者。無不西人良而中國淺。西人深而中國淺。西人強而中國弱也。其不及之象。

已無適而不然。不能曲爲之諱。如以天演學論之。則西人之天演實深於中國人。即中國人之天演實淺於西人。可無疑矣。此在今日之西人。無不居之不疑。而今日之中國人。又無不自慚形穢者也。於是論者排比人類之次第。首白種。次黃種。次褐色紅色種。最下黑種。而黃人所居之位置。乃如天定之不可逃抑。若此各種人所成之風俗習尚。皆本其天演之淺深。以定其強弱苦樂焉。此豈非今日通行之論說哉。雖然。本報之意。則以爲中國人之天演實深於西人。而西人之所以致勝中國人者。正以其天演淺。中國人之所以被迫於西人者。正以其天演苦。深之故。而西人之所以致勝中國人者。正以其天演淺之故。蓋淺者。強深者。弱。淺者。樂深者。苦也。然則將謂日用之器物。學術之程度。體力之發達。亦皆西淺而中深乎。有是理乎。曰。是不必然。然而無礙於吾說。何以言之。蓋天演之進行者。如人適於地之路也。路必有方東行者。固不可以兼西而南行者。固不可以兼北也。此據地理而言。非謂地球也。如是故。凡物各自有其天演而天演各不同。迨其演之皆熟。彼此相遇。其強弱之較。卽其所演者。誤與不誤之較。而非其深與淺之較也。亦有以淺深爲據者。然非定理。而其誤與不誤之故。則不繫乎其後世之作。而繫乎其祖宗之所遇。如有一族於此聚居於一處。其後散而之於四方。當其往也。決不能料千萬年後。有此無窮微妙之因果也。而適於平原大陸無高山大川之地者。則其後爲專制之國焉。適於

華離破碎海灣叢島之地者則其後爲民政之國焉從此去而日遠幾於遊魚飛鳥之不相謀各安其處各遂其生風馳水逝不知幾何年一旦引而相見相見而後有強弱其風雲萬變不可紀極之事非他各食其未相見以前所種之果而已矣其勝負決於未相見以前非決於已相見之後也而於深與淺之分固無與也蓋如其所趨之道而不誤則雖淺而可以致強所趨之道而誤則雖深而可得弱且不惟弱而已所入愈深迷途愈遠若於其後欲從而洗滌之則所用之時日必與其得之之時日相同而後可如此習以三千年演成者非以備舉一言蔽之則西人之外界多人爲舉之類而內界多天然嗜好性情中國人之外界多天然而內界多人爲而已矣

論模倣文明之弊

錄甲辰十一月二十五日時報

人之言曰文明人銷費多野蠻人銷費少何以故以國家愈進文明則其品物愈精良而其使用也亦愈利便故文明人一月之支出常較野蠻人一歲而有餘者此積極之言也雖然學說因時而宜隨地而變有不可以一概論者若以半開化之民而欲模倣文明人之使用則其弊必致影響於一國之經濟界影響於一社會之道德界影響於一身一家之經濟界

與道德界何言乎影響於一國之經濟界也吾國凡百工廠皆未興而外洋凡百品物皆適於用以不興工藝之國而遇最適用之物則我國人之樂於購用者天演之勢也雖然是有界限焉不可以不辨吾國近年統計出入口貨常立於貢差之地位其故有數因一由於花紗煤油等之銷路愈推愈廣也二由於外人模倣我國所固有之物而適於常用者以餌我也三由於我國民之從事於邑業者耳觸目接喜用洋物也夫由前二端言之若同一物也彼物質佳而我劣彼物價賤而我貴則其用之也亦宜若後一端則本非我社會所常用而爲可有可無之物今不之察必欲盡物而模倣之以爲適時甚則盡人而模倣之以爲諧俗其漏卮又安有既乎此可慮者一

何言乎影響於一社會之道德界也道德之進退全原因於社會之奢儉儉則道德易於維持奢則道德易於墮落故論智識之進率常與道德之低率成一反比例大抵邑業之社會其智識進一步其道德即退一步野業之社會其智識之進率常不如邑業之速然其道德之低率亦不如邑業之甚此豈野業之人其心理上獨優於邑業之人哉無他奢儉所由分也奢則心理本良者轉而爲惡奢則心理本直者轉而爲狡今日一邑業之社會如是明日一野業之社會亦將如是而國幾不國矣又何取此以智識之進換道德之退者且所謂智

識進者非真進也。今日文明各國其最奢者莫如南歐。其最儉者莫如中歐。然但聞南歐之道德不如中歐未聞中歐之智識不及南歐也。今若以模倣外人之奢侈而爲智識之進步。勢不致不變爲埃及不止此又因道德範圍而牽涉於政治範圍者矣此可慮者二。

何言乎影響於一身一家之經濟界與道德界也。一國之人數無論累千萬萬大抵資本家少而勞動家多資本家吾無論矣吾所欲論者爲勞動家以今日吾國勞動家之工值與西人勞動家之工值較其高低之率不可以倍蓰計以吾國勞動家之家累與西人勞動家之家累較其高低之率又不可以倍蓰計何則西人工值以普通者論之多則每月數百少亦每月數十而家中子女又能操活以自給故常綽然有餘若詢之吾國之勞動家問其能否今明知其不能而乃欲效其所爲是不啻如繭自縛也殆至如繭自縛勢必致涎及於非道非義之財而道德界遂因經濟界而累及而惡果由之而生矣此可慮者三。

以上三弊彰明較著如此而今之自號新吸文明空氣者動曰文明人銷費多野蠻人銷費少一若以使用多即可以屬於文明之列也者徒襲文明之皮毛而不吸文明之精神記者以爲使用則文明矣其如工值不文明何又其如經濟道德俱不文明何故與其學南歐之奢不如學中歐之儉。

諭旨 十一月十三日至十一月二十九日

上諭本年恭逢慈禧端佑康頤昭豫莊誠壽恭欽獻崇熙皇太后七旬萬壽隨班祝嘏之革休等項人員經軍機處開單呈覽所有單開各員除另有餘罪業經開釋及軍臺新疆釋回人員毋庸加恩外五品以上者均著照原官降一等賞給職銜六品以下者均著賞還原銜其餘有職銜等均著賞加一級隨同耶祝之者民等應如何賞賚之處著該衙門查照成案辦理單一件併發欽此十一月十三日

諭旨本月十七日所有進內當差之王公百官均著穿蟒袍補褂欽此 十六日

上諭浙江鹽運使司缺著信勤調補所遣廣東鹽運使司缺著恩霖補授欽此 上諭直隸撫河道員缺著謝希鑑補授欽此十八日

旨廢生鶴立著以侍衛用玉連著以旗員用成煦著以文職用者綿著以侍衛用錦德著以旗員用裁取內閣中書許文勳大理寺評事王金綬俱照例用擬補內閣中書金梁馬士杰中城兵馬司副指揮江湘俱准其補授保送知府翰林院編修胡鼎彝著以知府分發省分補用分發江蘇道張毓琦奉天道王志修直隸道劉倫鎮江蘇道李瑞清陞樹藩何亮標浙江道余鎔四川道沈致堅安徽知府張樹建浙江知府任國華江西知府席業直隸同知王清鼎江蘇同知單漢元浙江同知姚文潤彭麟保湖北同知黃厚成江蘇直隸州知州章楨安徽直隸州知州魏有慶廣東知州潤惠甘肅知州潘祖慶廣西通判周第兩浙鹽運判查景綏直隸知縣王遂善高景祺范英卓郭清山東知縣徐致倫侯鴻勛山西知縣張志曾浙江知縣徐浚章四川知縣孟桂庭廣東知縣鄭樹藩直隸知縣劉策濬晉肅彭牛桓姚耆年江蘇知縣陳厚植饒乙然張培昌王晉涵劉燦吳祖恩陳定遠連岱英張篤黎觀光燦安徽知縣劉秉

授山東知縣左恩鴻山西知縣周丕緯劉祖述河南知縣尤福丁壽鑑陝西知縣劉鼎元甘肅知縣朱希孝潘祖光李聯慶何培光新疆知縣陳丙寧浙江知縣鄒樹勤黃肇楨俱照例發往刑部員外郎著廷順補授工部漢字堂主事著松清補授盛京刑部主事著榮泰補授奏留吏部學習筆帖式官順著准其留部擬補綏遠城將軍衙門筆帖式榮麟著准其補授開復前直隸晉州知州劉瑞著准其開復原官原銜翎枝仍留原省補用欽此二十日

東方雜誌第一期

上諭吏部左侍郎著特圖慎調補薩廉著調補禮部左侍郎欽此 上諭盛京兵部侍郎著鍾靈兼署欽此 旨左翼監督著納欽泰去欽此 旨壽耆著調補廂藍旗滿洲副都統所遣正白旗蒙古副都統著溥倬補授欽此 旨廢生黃兆麒著內用黃兆蘭著外用葛紹助著內用趙慶堂著內用黃熾祥著外用陸大湘著內用張允愷著外用鐵璫著內用吳曾志著外用葉琪著外用袁觀瀾著內用傅博修著外用賀廷棟著內用鄭迺鑑著內用劉敦吉著內用戴取吏部郎中張檢著照例用唐古忒學筆帖式著桂璋補授黑龍江通肯倉官著維清補授黑龍江通肯新設屯官著增慶補授擬補長蘆濟民場鹽大使趙壽臣著照例用分發浙江知縣虞廷鑑江西知縣余繩金劉芳沈廷焯湖北知縣許瑋林長忻包樹齡汪文鈞李文鑰魏寬襲而安湖南知縣陶延譽四川知縣孫兆麟張廣枏張誠唐嗣祿袁家聲廣東知縣富謙鍾玉田廣西知縣龔其華雲南知縣路承熙浙江布政司庫大使李燦奎四川鹽大使唐嗣壽俱照例發往保舉山東候補知縣劉國藻湖北候補知縣李道謙俱照例用開復前山西補用直隸州知州李益智著准其開復原官照例用開復前山西補用知縣趙爾頤著准其開復原官仍發原省照例用欽此二十一日

上諭曹鴻勛奏武職大員短額餉餉藉端克扣請旨懲處一摺貴州護古州錢補用總兵劉仕旺前因游匪竄擾防軍失利業經交部議處予以降調處分茲據該署撫查明該員前帶安義右營缺額甚多領發餉銀復有藉端克扣情事似此貪劣營私竊塘痛恨劉仕旺著卽行革職該革員現已回籍卽著湖南巡撫派員押解赴黔歸案審訊勒追侵款從嚴懲

辦以昭炯戒該部知道欽此 上諭恩願著充國史館清文總校欽此二十二日

上諭江蘇鎮江府知府員缺著承璋補授欽此二十三日

上諭陞元鼎奏舉劾屬員一摺升任浙江糧道湖南長沙府知府顏鑑署衡州府知府唐步瀛辰州府知府劉若曾永綏廳同知吳傳綺署武岡州知州補用同知劉桐封麻陽縣知縣沈保宜署善化縣知縣候補知縣胡日升石門縣知縣諱承元祁陽縣知縣余屏垣平江縣知縣羅葆祺來陽縣知縣胡揚祖署綏甯縣知縣候補知縣黃啓容均著傳旨嘉獎署麻陽縣知縣道州知州程鼎元昏憤糊塗事權旁落東安縣知縣劉燦藜辦事操切罔恤民艱候補通判孫森鑽營無恥行止乖謬候補知縣徐藻借公漁利物議沸騰候補知縣鄧紹禹辦運營私帳目舞弊試用知縣胡太庚負氣任性辦公滋事新化縣典史談鳳藻習氣已深操守難信撤任麻陽縣典史候補巡檢吳楚年少氣浮與情不洽武陵縣典史呂希珍少有才能嗜賭濁職湘陰縣典史劉肇吉好賭敗名不知自愛試用縣丞吳慶瑞營私罔利告發有案瀘陽縣敎諭毛宗興違分干預外論不孚通道縣敎諭王厚根鑽營漁利遇事生風均著即行革職善化縣知縣何莘卓馭下欠嚴難將煩要著開缺另補常甯縣知縣林澤歷任地方措置失宜惟年力尙屬可用著開缺留省察看撤任桂東縣知縣周廷楨辦事輕率不通民情惟文理尙優著以敎職選用永興縣敎諭向沅翰精力衰頹著勒令休致除著照所議辦理該部知道欽此二十五日

上諭直隸永定河道員著裁缺湖南督糧道陳慶麟補授欽此二十六日

上諭四川成都府知府員缺緊要著該督撫於通省知府內揀員調補所遺員缺著景方昶補授欽此二十八日
旨英蓮著調補青州副都統所遺廂紅旗漢軍副都統著連魁補授欽此 旨全芳著調補京口副都統所遺江甯副都統著振格調補遞遣廂白旗漢軍副都統著劉永慶補授欽此 旨理藩院代表章嘉呼圖克圖請移授印冊一摺著加

恩准其補授印尉欽此 三十日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨謹奉奏元旦禮儀一摺元旦奉節皇帝率王公百

官著在皇極殿行禮停止筵宴其在外公主福晉命婦均著進內行禮欽此 十二月初一日

上諭史念祖著賞給道員發往湖北交張之洞差遣委用欽此 初二日

旨順天府糧馬京府通判著陳祖蔭補授湖北羅田縣知縣著危士修補授山東曲阜縣知縣著劉晉庚補授山西太谷縣知縣著方榮麟補授山東沂水縣知縣著奎保補授河南新鄉縣知縣著徐引源補授直隸博野縣知縣著鄧彥芬補授直隸樂城縣知縣著劉瑞麟補授湖南新化縣知縣著郭中廣補授糧取舉人黃文德著以知縣用張廷鈺孫維源劉榮誠馬鴻光俱著以知縣用陳鑑補張兆桓丁樹第俱著以敘職用傅滿欽職李恩銘著以知縣用齊生蘇勸園恩秀俱著以侍衛用全明岳盛俱著以旗員用內閣典籍著札克丹補授升補黑龍江理刑員外郎全瑞著准其升補擬補吏部主事李紹烈著准其補授吉林拉林倉官著瑚圖禮補授職取內閣中書胡鑑著照例用保送知府理藩院員外郎長春著以知府分發省分補用保送同知都察院都事福全著交部記名以撫民同知用保送直隸州知州戶部堂主事馮雲著交部記名以直隸州知州用保舉分發江蘇試用道袁熙著照例發往保舉四川候補同知知州趙萬春山東候補直隸州知州陳同善馬吉梅山東候補知縣劉榮綏俱照例用補授甘肅甯夏撫民同知成縣提捕盤京刑部筆帖式成安俱准其補授欽此 初四日

上諭江西巡撫著胡廷幹補授楊士驥著署理山東巡撫欽此 上諭連韜著來京營差烏里雅素臺將軍著奎順調補察哈爾都統著升允補授欽此 上諭本年十二月二十八日歲暮抬祭 太廟朕親詣行禮東西廂著派恩輝承陸各分獻二十七日告祭 太廟後殿著派載功行禮中殿著派溥偉行禮二十八日祭太歲壇著派訥勒赫行禮兩廂著派

諭德左參同各分獻欽此 刻五日

上諭吳廷斌著調補雲南布政使山西布政使著張紹華調補欽此 上諭江南布政使著黃建寧調補山東布政使著尚其亨補授欽此 上諭山東按察使著余壁廉補授欽此 上諭廣東雷州道員缺緊要著該督撫於道省道員內揀員調補所遺員缺著葉平補授欽此 刻六日

上諭湖北刑宣施道員缺著俞鑑額補授欽此 上諭松壽奏摺勸文武各員一摺署甘肅蘭州府知府候補府知府張大鏞平番縣知縣署蘭皋縣知縣李瑞徵靈州知州慶葆奏調補甯夏縣知縣高光斗清水縣知縣袁範大挑知縣杜景沅候補縣丞李潤藩記名總兵莊浪協副將傅殿魁陝西潼關協副將岳登龍肅州鎮標中營遊擊朱應龍署永昌協副將候補將金造以上各員均著傳旨嘉獎署平番縣知縣過班知府裕瑞氣質駢疊難責蓋率著以同知通判選用甯州知州姚長齡才具平庸聽斷草率平羅縣知縣榮春辦事竭蹶人地不宜兩當縣知縣胡爌年辦事操切人地未宜均著開缺另補靖遠縣知縣劉文海資勦賑務藉公營私候補府經歷徐澤中膽大妄爲貪婪有據均著革職永不敍用補用參將楊有成營務不振勇有缺額撤署靈州營參將補用總兵張鳳鳴辦事額塗營規廢弛撤任靈州營守備曹鶴退事敷飾巧詐營私均著即行革職以示懲儆餘著照所議辦理該部知道欽此 刻七日

上諭前任刑部尙書貴恆持躬端謹學問優長由翰林游陟正卿迭司文柄外授將軍再任刑部宣力有年克勤厥職前因患病准其開缺調理茲聞滋遼邁特惜殊深加恩著照尙書例賜卹所有原任內一切處分悉予開復應得卹典該衙門查核具奏欽此 刻九日

上諭光祿寺奏請簡署卿缺一摺光祿寺少卿著楊善權署理欽此 上諭山西平陽府知府員缺著楊士燮補授欽此 刻十日

旨巡視西城事務著朱顯廷去欽此。旨西城兵馬司正指揮員缺著朱鴻祥補授欽此。旨北城兵馬司副指揮員缺著呂長純補授欽此。旨吏科筆帖式員缺著世平補授欽此。硃筆圈出廣饗補授兵科掌印給事中欽此。硃筆圈出劄學謙補授工科掌印給事中欽此。十二日

旨分發直隸道徐撫辰廣西道彭毅孫直隸道李作霖鑑澤春山東道張鳳岐湖北道孫璣雲南道郭策勦直隸知府張標仁四川知府岑兆鳳山東知府李豫同江西同知夏翊宸直隸直隸州知州劉寶泰江蘇直隸州知州陳德琛張留山西直隸州知州穆騰武安徽直隸州知州魏曉義直隸知州鄭潤東甘肅知州蔣廷奎貴州知州李鳳元山西通判李榮震廣東通判傅博修陳同爵貴州通判王韶甘肅直隸州同胡有煥甘肅知縣惠占鼈湖南知縣周培祐四川知縣全鼎元奉天知縣施世杰張振鵬張慎齡直隸知縣汪炳江蘇知縣張鑑秦涉秀肅敷余鑑炎山東知縣王鑑周鑑宣楊洪山西知縣徐星朔河南知縣何嘉澍胡景霖申祐之毛汝源陝西知縣鍾鏡璽浙江知縣潘雲興福建知縣譚紹襄周丙燮鄭思隆湖北知縣周維琪宋紹錫湖南知縣胡應雲四川知縣石貴鈞吳劍莊陸椿趙文彬張正南廣東知縣湯昌熙雲南知縣陳先濂謝晉侯貴州知縣吳駿烈長蘆鹽大使朱有孚福建鹽大使廖襲華何肇模俱照例發往擬補禮給事中彭述著准其補授光祿寺署丞著世誠補授保送直隸州戶部主事旭懷著交部記名以直隸州知州用擬補吏部主事宗室盛冕刑部司獄叢寶林黑龍江通督副都統衙門銀庫筆帖式德亮俱准其補授保舉察哈爾都統衙門候補筆帖式托麟布著照例用試署期滿山東兗州府捕河通判高凌雲准其實授服滿原選湖南黔陽縣知縣馬丙炎著不必坐補原缺開復前署浙江溫州府知府啓續著准其開復原官仍發原省照例用保舉浙江候補知縣涂道康著照例用保送知府戶部員外郎黃念先著以知府分發省分補用保舉遇缺即選道馬景融著加一級欽此。十二日

旨蘇州織造著崇啓去欽此。上諭湖北荆宜施道員缺著毛慶善補授欽此。上諭明年正月初八日祭新穀填朕親

詔行禮欽此 上諭明年正月初九日孟春朔享 太廟朕親詔行禮後殿派內勤務兩庫派立瑞黃永安各分欽

欽此 十五日

上諭太常寺奏請簡署卿缺一摺太常寺卿著台布署理欽此 十六日

上諭袁世凱奏擬試辦直隸公債票一摺外洋各國遇有軍國要需隨時募債無不出風頭獨中國辦理公債額多額望不前良由官吏不能設言民信未孚之所以茲據該督奏稱開募債票以取信使用為宗旨洵為扼要所陳籌有的款按張付息分年還本發給票據准其交納本省官款關稅各項並隨時皆合兌用擬具章程尙屬周妥著即准其試辦仍責成直隸總督及藩運兩司無論現任接任各員一體認真經理實力信行經此次奏准之後作為永遠定案斷無改易倘該官吏違章失信仍蹈前轍或啓弊端定行從嚴治罪決不姑寬欽此 十八日

上諭廣東潮州府知府員缺緊要著該督撫於通省知府內揀員調補所遺員缺著慶斌補授欽此 上諭政務處奏議覆裁撤漕運總督一摺江北地方邊關宜有重職順治年間改設漕運總督原兼管巡撫事現在漕運全停惟巡撫以符名實而資治理即以原駐地方為行省江甯布政使原屬之江淮揚徐四府及通海兩直隸州全歸督運仍著兩江總督兼轄各專責成餘依議欽此 二十二日

上諭江淮巡撫著恩壽調補陞元鼎著補授江蘇巡撫欽此 上諭江淮揚海道兼摺察使司著徐樹鈞調補楊鴻度著調補江南鹽法道江淮徐州道著袁大化調補李經楚著調補福建興泉永道欽此 吏照藍旗蒙古都統著調順補授欽此 言著派戴卓管理圓明園八旗包衣三旗官兵並鳥槍營事務欽此 二十三日

督加恩土爾扈特多羅貝勒達什庫克諾爾多羅貝勒林沁旺濟勒著賞戴

雙頭花詔察哈爾輔國公羅布桑策特巴喀拉喀頭等台吉達木黨札布均著賞戴花翎欽此

旨加恩敍罕多羅郡王楞札勒諾爾贊鄂爾多斯固山貝子圖們巴雅爾沁輔國公衝頭等塔布囊幹噶札布均著挑在乾清門喀拉喀多羅貝勒噶喇木色楞著賞戴雙頭花翎克什克特恩頭等台吉那木齊勒喀著賞戴花翎欽此二十三日

旨速順尚未到京廝藍旗蒙古都統著博良兼署欽此 上諭貴州遵義府知府員缺著袁玉錫補授欽此二十四日

上諭協辦大學士禮部尙書徐郎前馬蘭鎮總兵理薦院右侍郎堃岫經京將軍指祺署兩廣總督岑春煊前廣西巡撫謂捕貴州巡撫柯達時與京副都統鑑熙山海關副都統倭恆額所得革職恤任及降級留任各處分均著加恩開復欽此二十五日

上諭錫良奏甄別庸劣各員一擢四川試用道唐鴻舉年少輕浮閱歷甚淺著勅令回籍候補知府牛鑑聲名平常難資表率著以通判歸部銓選前署敍永廳同知准補成都府水利同知李忠鑑操守難信然躊躇興署理番廳同知試用同知陳邦堦信用劣暮形同傀儡石泉縣知縣胡永榮治獄草率玩視民命前署慶符縣知縣候補知縣陳啓明庸劣無能心地昏憒試用縣丞黃以清一意營私試用從九品吳鑑增假公濫利試用未入流沈福基有心弊混均著即行革職前署壁山縣知縣范廷芝才欠開展取下不嚴惟文理尙優著以敍職歸部銓選餘著照所議辦理該部知道欽此二十八日

上諭大學士孫家鼐外務部尙書張銅內務大臣莊山加恩均著賞穿帶膝綢緞欽此 旨哈密回子親王沙木胡素特著賞穿帶膝綢緞欽此二十九日

編 新 商 務 申 書 館

初 等 小 學 教 堂 科 書

修身教科書	已出未全
國文教科書	已出未全
算學教科書	已出全
中國歷史教科書	已出全
地理教科書	近刊
習字帖	已出未全
歌譜	已出全
體操教授法	

高 等 小 學 教 堂 科 書

修身教科書	已出未全
國文教科書	近刊
算學教科書	已出全
中國史教科書	已出全
外國史教科書	
中國地理教科書	已出全
外國地理教科書	已出全
理科教科書	已出全
習字帖	已出全
歌譜	近刊
體操教授法	

編 新 印 書 館

中 學 教 科 書

國文教科書	植物教科書
國文典	鑄物教科書
算學教科書	生理教科書
代數教科書	法制教科書
幾何教科書	理法教科書
三角教科書	習字帖
中國歷史教科書	習畫帖
外國歷史教科書	用器習畫帖
中國地理教科書	歌譜
外國地理教科書	體操教授法
物理教科書	化學教科書
英語教科書	日語教科書
地文教科書	已出全
動物教科書	近刊
	近刊

植物教科書	已出全
鑄物教科書	已出全
生理教科書	已出全
法制教科書	已出全
理法教科書	已出全
習字帖	已出全
習畫帖	已出全
用器習畫帖	已出全
歌譜	已出全
體操教授法	已出全
化學教科書	已出全
日語教科書	已出全

商務印書館編新等初小學教科書

最新

修身教科書

第一册
大洋一角

我國經傳多言修身祇以理境精深非幼童所能領會雖曰蒙養而實未嘗有所養也是書爲初等小學堂第一年前半年之用多取古人嘉言懿行之易於奉行者繪爲圖畫不著一字務令兒童見之不生厭倦教員就圖解釋涵養德性自能收效無形

修身教科書教授法

第一册
大洋一角

依教科書編纂每課均註明出處詳列教法教員得此
固便指示即家庭教育亦可采用較彼甘四孝陰陽文
有益多矣

商務印書館新編初等小學科教學書

習畫帖

全八册
每册大洋七分

是帖爲初等小學堂第二年至第五年學生所用由
簡而繁所繪皆尋常易見之物用毛筆臨寫計共八
册每册十圖每兩星期臨摹一圖約半年畢一册

教員用習畫帖

一册全

此帖專備初等小學堂所用易學易精

共八十圖均標明用筆先後最便教授
每册大洋二角

時評

更調督撫問題

往時中國之政界弊在不動。近來中國之政界弊在浮動。不動不可也。是麻木而至於死也。浮動更不可也。是恐其死之不速而以斧斤以摧折之也。中國官制不善其弊雖不止一端而明於治理者咸以任官不專數數更調為一大原因。然此猶以前事也。至今新政行而更調更速前以五年十年為一任兩任者今日數月數十日矣。試觀江蘇於此三年中督已四易撫已三易而十一月初七日又有江蘇湖南兩撫對調之上諭此何為者耶夫更調非必其不可也更調而有益於國是更非必其不可也。然而蘇撫何以必以湘撫補授湘撫又何以必以蘇撫補授此實百思而不得者也。如謂蘇撫不宜於蘇湘撫不宜於湘故對調之耶則其不宜究何在且安知對調之後而各相宜也。如謂蘇撫宜於湘湘撫宜於蘇故對調之耶則其特別相宜之點究在何處而必爲是僕僕也。夫蘇之於湘均我中國行省也。方今當此各省舉行新政之時而爲此忽三忽四之政令致使各大吏所定之政策無一不有始而無終以空費此可寶之時日可貴之金銀其可憂一也。方今各省虛款支給各官員繁多而又以此無謂之舉動斂民而傷財其可憂二也。

誤認常備兵與憲兵合而爲一

近有某疆臣條陳軍制其第二條有云各省宜設師團各府宜設旅團吾竊有所不解何以故以其誤認常備兵與憲兵合而爲一之故夫常備兵所以拒外憲兵所以堵內如此爲憲兵乎則第一條所陳不應有預備後備國民諸名目如此爲常備等兵平則第四條所謂國防者宜擇要地而設防不應各省各府均設防雖然此不特某疆臣爲言也觀於

京慶常備練餉各軍亦將分發彈壓京城。是亦以常備兵而兼憲兵巡警之任者也。

我國財政界之前途

悉索常賦以供上國。我國今日之謂也。中央政府之餘款搜括盡。各地方公積之餘款搜括盡。嗚呼。今日盡矣。明日奈何。今年盡矣。明年奈何。日部之促各省解鎊金曰。極移各款俟明年借到外債後仍舊還。中央政府今年之信外債必矣。鄂督之要挾戶部也。曰。當許各省以自借外債。由各省自籌。自還是各省。政府今年之信外債又必矣。惜外債必有利息。利息愈大。是以後政府之出款年大一年也。信外債必有抵押。多一件抵押之物。即少一方籌款之處。是以後政府之籌款年難一年也。出款愈大。籌款愈難。則我中國之財政終必至於不倒帳不止。我國民之於國家權利思想也。既稍稍發達矣。有割我土地者。則知爭之。有奪路權礦權者。則知爭之。獨於此外債之事。何故勿問。問之徒亂人意。仍無益於實事也。何故。勿合力而補救。本館知其事之大。患之深。故再三記之。再三論之者。非好爲張民謠以播之萬國也。非好爲大其詞以恐我萬民也。非好爲執政者知所警戒。不執政者之謀所扶助已耳。何則。政府而倒帳。我民固同在交付之列也。

獎勵華商

讀商部奏請獎勵華商章程。可謂詳盡。然吾竊有疑焉。謂其有獎勵而無保護也。夫華人本有經商資格。苟有利可圖。雖無獎勵。彼固趨之若驚。此實一善謀。經濟之大策也。又吾國歷史上素來皆貿易自由。政府絕不干涉其事。與歐洲中世時。絕異。雖漢代有重農抑商之禁。然不久其禁遂弛。故歐洲之貿易由干涉而放任。不得不出於獎勵。獎勵不獲濟。又不得不出於補助。此近來各國政府所以有興業補助金之支出也。吾國歷史既與人殊。而性質又與人異。吾謂今日商部。

宜先定保護之法而獎勵之。且所謂獎勵者與其獎以頂戴之虛名不如獎以補助金之實惠。今日國家既萬萬無此餘款則區區之頂戴未必能招之使來。又況辦有成效而始行獎給則虧折者既失鉅利又不能得虛名亦誰樂而爲此。縱有肯爲者則其不爲頂戴而來也亦明甚今欲懸此以爲餌是不啻以冰致蠅以狸召鼠愈求而愈遠也。今日而真欲振興實業乎非擬定商法國家力任保護吾未見有效也。

異哉我國民於世界之地位

甲國之人有甲國之土地乙國之人有乙國之土地此萬國之公例也。甲國之人不能干涉乙國之土地乙國之人不能干涉甲國之土地此又萬國之公共法也。甲國之人不能自私甲國之土地而不與乙國人往來乙國之人亦不能自私乙國之土地而不與甲國人往來此又萬國所謂文明之新法律也。然而我狃於我國之長我國之土地而不能無侵者如謂甲乙兩各有其土地甲乙兩各不能干涉人之土地則外人何爲以兵力迫我道高開我海禁來我土地貿易如謂甲乙兩各不得自私其土地甲乙兩各不得禁他國之往來其國之土地則我華工何以至美洲而被禁至澳洲而被禁此其事不亦大可異耶更進者如謂各國之人均當往來獨我中國人種賤之極野蠻之極至其地則地墮人其國則國亂獨不得與他國同其例則我華工何以始招之來終驅之去既逐之於美又招之於非更有過者我國之人而至他國之土地其或納或否彼可自便我何得過問然有其地本爲我國之土地其人又爲我國之人民或以人之欲來我土地而許與之彼反不欲我入彼地即我與彼之土地而又禁制之此其事更可異今試聚其諸異而比觀之則我有土地而人處之一異也人得處於我之土地我不得處於人之土地二異也我欲處於人之土地而不得我欲不處於人之土地而又不得三異也我欲處於人之土地而不得我欲自處於我之土地而又不得四異也有此四異而我國

之土地可至無有。我國之人可絕跡於天壤。今者美洲禁制華工之約又將續定矣。澳洲滅絕華人之策又復競起矣。各國人之來我中國而反禁制我中國人於其地興利者又萌芽矣。各國人之來我中國欲於我中國興利而我中國人欲禁制之而不得者又數數聞也。

旅順降日

旅順降於日矣。又自俄人之手而移至日人之手矣。日本人聞旅順降而喜。喜其得也。俄人聞旅順降而悲。悲其失也。其餘各國人雖亦有悲有喜。然其於旅順無直接之關係者也。若我中國謂其失耶。則不在今日。謂其得耶。則安降者非我。謂其與旅順無關係耶。則在前。何以待俄。自後。何以對日。然則我中國人其喜歟。其悲歟。抑或不喜而不悲歟。旅順者。我祖宗之土也。我與日人失和。而曾爲日人所奪者也。自日人奪後。俄法德三國出面干涉。而曾令日人還我者也。自日人還我後。俄人又以租借爲名。而又爲俄人所奪者也。旅順今日之降。自我送之於俄人。而俄人又送之於日人者也。抑又言之。自旅順降日而俄國東方海軍之根據地。絕波羅的海之艦隊。東來無所用。自旅順降日而日本轉輸之道。更便。普魯巴拿之陸軍無恢復之望。故日俄之戰事。或從此而得結局。戰事之得結局。乃外交之所以開始也。今日與日俄之外交。乃我中國自今以後十年間外交。所以利害者也。且也。今日我中國之與俄。亦多事矣。阿斯哥艦水兵殺人之案未了。而又又有旅順俄艦逃至煙臺之事。又有波羅的海艦隊東來。當借海口之說。夫今日與俄外交之事。又爲與俄外交之媒孽者也。可不慎歟。

咄咄今日之外交界

自北海漁船案起。世人方以英國與俄國不日將大起衝突。及不期而美俄之交誼親密。更堅矣。英荷同盟。世人方以

此次英必嚴守中立暗表同情於日本乃近觀俄艦通過蘇彝士運河時英奧二國皆以客禮相待而葡萄牙西班牙二國雖宣言中立亦有暗助俄國之舉動德國社會黨領會對衆宣言吾黨於嚴守中立之事甚為懈怠而法國之許俄艦躉煤石泊之事已見於報端歐西各國何以有此舉動英美兩國人何以有此舉動母亦爲俄人黃禍一言所發動果出於是則白人之視黃人感情冷淡如是彼日本雖勝且岌岌可危而吾中國無論矣此吾國苟能利用時機而張百政而與日本相聯合日必出全力助我無疑也倘猶不自知懼則日人對於白人自當乘機自衛遑暇及我憲告國至今日莫所謂孤立無助矣黃禍乎抑白禍也

俄兵砍斬華人案

阿思哥艦水手斧斬華人一案辦理殊爲失策查該艦從戰地逃至中立國境內照公法論凡解除軍裝扣留人員之艦該艦及船員均在主國國權監督之下即應爲主國法律所管東今該艦之水手無故行兇殺斬我國之平民似此第凶之徒理應依例解交華官照我國之辦理方爲合法即謂犯事地在租界亦應交與租界中國公堂辦理今該領事託言此係軍事之案照俄國海軍律例既辦夫俄國海軍律例紙能行於俄國軍艦區域或他處軍港今該艦已逃至中立港內受人拘留則上海非俄兵耀武揚威之地亦非俄國施行軍律之地俄領事乃猶引軍事犯之例爲言果何意也總之該兇手實應交與華官辦理不應歸俄官訊判照中國律例或租界章程辦理不應照俄國軍律辦理此是定理亦是定法設此次不加開辨則我中國監督之權直歸烏有我中立國之體面全行掃地該艦水手奚止一人日後設再上岸行兇無故殺人萬一激動公忿猝讓大禍抑或傷及日本人與他國人讓成國際交涉我又將如何辦理乎此吾所以不記不咎華官監督之疏而望其力爲國家護持大體也

特評

六

正月

旗丁鬻女於西人

滿漢通婚。雖見明詔。而各處駐防竟餽習未化。等若弁髦其明。畫種界。縱築壁壘。抑何毅力之堅強耶。乃鎮江駐防某甲。忽售其幼女於旅館西人。僅得價銀四十圓。殆以白人勢力正強。苟足以攀龍附鳳。蓬華猶有光輝也耶。

日商爲菜館運動

常鎮道諭禁西菜館挾妓。而百尺樓評花軒一枝春三家。公請日商達風翔赴甯。向駐甯日本商務總辦事部君。聚會華官。弛禁。夫挾妓雖非美事。然與其徇外人所請。何如逕自弛禁。勿令娼妓下流亦倚外人。爲護符。否則。地方行政權。自我操。亟應嚴申禁令。雷厲風行。不因外人要求。遽行解體。持之以毅。力折之以正辭。外人。強其奈我何。語云星火燎原。禍成海失。此不察。恐將來一舉一動。莫不爲外人干預矣。

查辦留學生問題

同仇華興之事。差涉東京留學生。此事之是否。不可得而知。吾謂辦理此事者。不宜操之過急。其原因有數端。一。恐阻留學界之進步。二。恐長江會匪。伏莽甚多。保無有牽涉。波累者。三。恐此風一開。各挾匪皆以圖報復者。得所藉口。而大獄從之。而起。夫秀才作反。三年不成。無論留學之未必有此事也。藉令有之。與秀才作反。何異。袞袞諸公。無爲若輩所恫嚇。而爲學生者。亦當思今日爲外界侵入時代。無徒輕舉妄動。以貽累我同胞也。

留學界之怪象

駐比楊星使。貽書外務部。謂湖北所派至比游學諸生。太不挑選。大率僅學一二年英文。甚不足用。又品行亦多不佳。在比屢屢滋事。甚致持槍向人恫嚇云。按湖北派往比國學生。係癸卯年所派。梁星海太守實贊其成。近來於此等要政往住。但舊虛名。不求實際。致反爲人口實。良可歎也。

內務

論中國人口之多由於政教 錄甲辰十一月十一日中外日報

今之論事者動輒曰四百兆人以見其人之多而蓄力富也即本報亦未能免俗時一稱之雖然此四百兆人之成數多則多矣若就此四百兆人之資格而一思之則爲喜爲懼尙未可知也嘗試論之今日者試與諸君遊於京師上海與夫各省城商埠之間步其通衢而中國之人滿焉矚其戲場而中國之人滿焉察其酒樓而中國之人滿焉觀其女闈而中國之人滿焉此夥頃沈沈者不能不歎中國人之多也然一旦有一事於此而需一人其新事如輪船鐵道開礦製械之類其舊事如軍政河工財政商務之類此不過舉一以例萬事也無論所需之人或爲要領或爲下走如使欲其真能稱職則憂憂乎其難之用人者興乏材之歎焉是又何中國人數之少也夫飲食游戲則見其極多而陳力赴功則見其極少然則此多者特多於耗天地之資糧以使之速貧耳烏足與別種人相見於一日百戰之劇場哉夫國家至於其民不足以備用則其生齒爲不足恃而一切救亡禦侮皆無可著手而國非其國矣間嘗思其致此之故則國家之特造此等人而非此等人之負國家也論其遠因其教則以

後嗣代靈魂。故人皆以傳種爲不死之樂。其政則以子孫爲產業。故人皆以繁衍爲致富。方積此二原。昏嫁自苟。蓋其政教皆可爲縱慾之興援也。如女門苟則有資格不足以爲父之見。引見有國出不無定例也。母而爲父母者爲貧爲弱。悉此之由此其遠因矣。論其近因。朝廷之待士也爲考試爲引。是者令人無智愚社會之論人也有動鬼神洞金石之志節。彼由此而獲貧賤則天下以爲獸有狗彘不食其餘之穢行使由此而得富貴則咸從而服之。如是者令人無賢不肖。此又其近因也。夫由遠因之說其民必衆而窳。由近因之說其民必愚而詐。合衆而窳愚而詐之。民以爲國。雖上帝不能善其事也。外人之論吾民者。至比之如羊豕之羣。蠢蠢戢戢。但知就食不知其他。又如河岸之沙。隨風排擁而不知其所以然。此雖醜詆。然吾人實有以召之矣。近來此患已大形於世。然鄉里之間。尙多昧此義者。爲父兄者。養子弟至十餘歲。即爲之娶婦。而其餉口之計。則不暇計。如此數年。富者貧。貧者不堪矣。於是謀一不必技而得食之地。此皆吾人所常見之事。久已視爲固然。然若深求其故。則千條萬緒。可一一引而歸諸政教。之精微。於是歎天下無無因之果也。

此等事中固有之。最久之此等事亦終歸於無。而此等入亦終歸於死。此亦既學自然之理。

政務處議裁雲南湖北巡撫摺

光緒二十年九月二十九日軍機處交出雲南巡撫林紹年奏雲南巡撫一缺應可裁併一摺奉 碑批政務處會同吏部議奏欽此查原奏內稱各省幅員廣闊政務殷繁無過直隸四川兩省皆以總督兼管巡撫措理裕如雲南必無獨須督撫並設之理且多一衙門卽多一經費裁此一缺已可抵各項差缺數十俸糈養廉文案巡捕標營官弁兵丁等項數更不少究其所辦之事又無非總督所必當兼者徒使通省大小各衙門多一分案牘之繁於事究無甚益是裁此一缺就屬員論則稟承專一就巡撫論無庸多此駢枝就總督論更不至有所牽掣前年臣兼署督篆數月署督臣丁振鐸前在巡撫任內兼署總督年餘前督臣松蕃兼管兩篆更將三年毫無貽誤可見兩缺原無須兩員若併而爲一以總督兼管巡撫責成愈專事權歸一必於一切公事尤有裨益等語臣等查督撫同城有損無益情形尤爲剴切近年福建巡撫久經歸併閩浙總督管理湖北廣東督撫屢經兼署亦均無貽誤是其明證臣等悉心酌度督撫同城往往或因意見參差公事轉多牽掣現在時艱日亟督撫尤宜專其責成自不如即爲裁併以一事權而免推諉所有雲南巡撫一缺應如該撫所請卽行裁撤所管

內 謂

四

正 月

事務照直隸四川甘肅福建辦法歸併雲貴總督兼管標營官弁以下如何裁併應由雲貴督臣丁振鐸奏明辦理其湖北廣東巡撫與雲南巡撫事同一律亦應酌擬歸併湖北巡撫係督臣張之洞兼署擬請即予裁併惟廣東巡撫一缺廣西軍務未竣廣東盜風亦熾署督臣岑春煊現駐西省尙賴廣東巡撫鎮攝地方應俟署督臣回東後察看情形再行請旨謹奏

理藩院奏擬請裁併各處所員缺摺

五月初八日內閣奉 上諭朕欽奉

慈禧端佑康頤昭豫莊誠壽恭欽獻崇熙皇太

后懿旨方今時局阽危百端待理內務府司員太多應如何裁汰歸併著政務處會同內務府大臣妥議具奏其餘內外各衙門亦卽仿照核辦次第推行等因欽此又五月二十七日奉 上諭凡京外各項差缺有應行裁汰歸併者著各部院堂官各省將軍督撫破除情面認真釐剔奏明裁併等因欽此仰見 聖朝力戒浮糜躬行節儉立法自近跪讀之下欽惕難名施於八月間准政務處咨送會奏妥議裁併內務府司員一摺聲明各衙門仿照核辦次第推行等因咨照前來伏思設官分職各有專司值此時局艱難尤應力除冗濫務使人各盡職振刷圖維以期治理蒸蒸日上臣等自上年以來卽通飭臣院所屬各司等處司員

筆帖式務當爭自磨勸勤慎趨公倫有怠惰偷安定行懲處所有掌印主稿各員逐日辦公原可隨時考察其餘烏布較次之司員筆帖式另設考勤簿不時查考藉資甄別業將各員中勤奮者予以滿檔房存記怠惰者分別重輕或本署記過或咨吏部記過候補中滿洲筆帖式致祥蒙古筆帖式崇溥恒齡等三員則咨回本旗候選並查有年老多病司員宗室郎中載作則咨宗人府吏部開缺破除情面不稍姑息用示勸懲各在案查臣院所屬旗籍王會柔遠典屬從遠理刑六司滿漢蒙古三檔房司務廳當月處督催所銀庫飯銀處分設宗室滿洲蒙古郎中十二員員外郎三十六員滿洲蒙古漢軍主事十六員滿洲司庫一員滿洲蒙古司務二員滿洲蒙古漢軍筆帖式九十五員各司職掌承辦內外札薩克六盟四部落及歸化城所屬土默特黑龍江所屬布特哈巴爾虎達呼爾鄂倫春伊犁科布多所屬杜爾伯特吐爾扈特青海察哈爾阿拉善魯特蒙古暨新疆所屬四部王公官員陞降襲替賦稅比丁捐輸賑濟議敘議罰旌表致祭朝覲宴享貢輸俸糧行圍頒歷軍政驛務命盜案件承緝逃犯以及呼圖克圖喇嘛轉世建廟錢糧劄付度牒並西藏廓爾喀四川土司入貢宴賚各國人員游歷勘合各事綦繁且臣院滿蒙公事向係司員筆帖式親自經理從不假手吏胥所募書手專司繪寫漢文故額設司員分隸各處僅數分布每遇年班典

禮差務尤繁實缺人員尙不敷分派往往藉資候補人員現經奉旨裁汰歸併自應欽遵辦理臣等細心考核分別繁簡酌量裁併查臣院六司職掌最繁卽滿檔房爲閩署領袖並接收庫倫西甯兩路摺報代爲轉遞司務廳接收各處咨文管轄閩署官役當月處接收在京各衙門文件等差銀庫支放蒙古王公來京該班廩餉銀兩飯銀處經理閩署辦公飯銀差務亦較繁重均請免予裁撤至漢檔房職司繕清譯漢與六部不同雖近年題本均已改奏事務尙繁亦請毋庸裁撤惟查蒙古房僅司蒙文題本現旣改奏繕寫清文又查督催所專司督催各司處奏咨文移期限及每月彙造註銷冊籍事宜差務較簡擬請一併裁撤其督催註銷一切事宜均歸滿檔房辦理原有關防一類亦歸滿檔房掌管專備鈐用註銷冊籍再查原設題署主事滿洲二員蒙古六員因向年外差較多司員不敷分派奏明添設現在熱河所屬八溝塔子溝三座塔烏蘭哈達等四處差缺陝西所屬神木一處差缺均經先後奏裁自應將滿蒙題署主事共八員擬請全行裁撤又查蒙古房旣擬裁撤其額設之蒙古員外郎一員蒙古主事一員擬請全行裁撤以上共擬裁撤十員應請自奉旨之日起遇有缺出卽行裁撤謹奏奉旨依議欽此

商部奏派本員辦理福建廣東農工路礦摺

竊臣部於光緒三十年九月十三日接准補二品京堂張振勳咨呈稱竊振勳奉 召來京
於八月十九日赴閩仰蒙 皇太后 皇上殷殷垂詢以招徠華商振興商務爲命
跪聆之下欽佩莫名嘗聞世之策商務者莫不曰招徠外洋華商振興農工路礦不知不接
其言論不祛其疑慮則所謂招徠之術終隔膜也去年振勳蒙 恩召見 皇太后

皇上卽以招徠華商爲訓迨 賞假南旋所到各埠當華商集議之時竊有以窺其疑慮
之所在或謂中國地大物博外人涎羨自通商以來或招洋股或掛洋旗捷足爭先莫可紀
極吾儕一旦歸自海外主客之形幾於倒置縱挈巨資無從著手又或謂商之爲道乘時趨
利者也中國官商久成隔閡設爲奸商所驅土惡所歎加之有司節節羈留層層鈐束累月
經年尙不得直費時曠業所損實多至於外埠僑居已成土著公司之設則股本不可遽提
合同之立則期限不能遽滿今若舍舊謀新恐非一朝一夕所可期許他如天時之寒燠土
地之燥濕起居飲食之異宜猶其小焉者也振勳爰思外埠華商籍隸閩廣者十人而九其
擁厚資善經紀者指不勝屈中國商智未開商力較微而各國莫不藉商戰以爭利於中原
商務一端在我已有不能自支之勢居今日而思補救固非招致外埠華商維持商務不可
振興商務尤非自閩廣等省入手不可如由商部擇其聲望素孚之員奏請 特派考察外

埠商務大臣督辦閩廣農工路礦事宜予以保護華商之任周歷各埠切實開導動之以祖宗廬墓之恩欲之以衣錦故鄉之樂閩廣之距外埠輪船往還一水可達室家產業并顧兼營一人而給況商部設立以來綱舉目張以保商爲己任一切下情可由督辦逕達商部凡督辦所到之地商部即在目前地方不致有掣肘之虞官商一氣內外一心如是祛其疑慮有不襁負而至者哉且所謂招致華商者非盡市人而羅致也業必世業財必已財知其以農起家者畀以開墾種植之任以工起家者畀之製造工藝之任以路礦起家者畀以開礦築路之任先由督辦湊集華款認真提倡選擇要地築路一段開礦一區墾種工藝創辦一二事以爲程式二三年後著有成效昭示大信再勸華商出其資財承辦各項公司極力經營由南而北逐漸擴充開闢利源講求物產窮黎賴有生計四境漸無游民則公家無一錢之費而中國增億兆之資利權既挽主權自尊戰勝之機固不盡在折衝間矣抑更有請者廣西土匪已成蔓延廣東一帶盜風日熾一日推原其故皆由地多曠土民無教養今日治兩廣者籌的餉練勁兵以顧目前之急不得不然而振勵以爲開墾種植者默化未成之匪也教習工藝者隱散匪之羽黨也故言商務於閩廣入手不得僅謂爲善後之策也振勵屢蒙聖諭旣周且擊謹就管見所及縷悉上陳如蒙轉奏請旨施行商民幸甚等語臣等

伏查農工路礦諸政爲今日刻不容緩之要圖自去年奉 命設立商部 朝廷銳意振興
 風氣所開商情漸奮祇以用人不易籌款維艱一時驟難著手茲據該京堂呈稱前因臣等
 詳加披閱所陳不爲無見至其謂外埠華商籍隸閩廣者十人而九振興商務須從閩廣入
 手一節竊維海外僑氓涵濡聖澤俱有不忘故土之思祇因官商隔閡相習成風遂不免
 意存觀望誠能派員周厯各埠切實勸導招徠鼓舞自極輿情是整頓商務從閩廣入手亦
 係切要辦法該京堂張振勳素居外洋家道殷實聲望素孚其惓惓愛國之忱久邀聖
 明洞鑒此次條陳各款意在公家不煩籌款而要政可以次第舉行其志願實堪嘉尚如果
 界以事權當能力圖報稱合無仰懇天恩准將侍郎銜候補二品京堂張振勳特派爲
 臣部考察外埠商務大臣兼督辦閩廣農工路礦事宜遇事咨呈臣部核奪辦理先令湊集
 華款認真提倡選擇要地築路一段開礦一區墾種工藝一併趕速開辦以爲程式三年以
 後由臣部察核果係事事確實成效卓著即令接辦由南而北次第擴充如日久無功仍由
 臣部奏明將差使撤銷免致有名無實至於路礦二事關繫利權尤爲重要該京堂允認湊
 集華款應令一切遵照臣部奏定章程辦理由臣部隨時詳細稽查以昭慎重如此官商一
 氣內外一心各省督撫地方官均有照料襄助之責并由臣部隨時電咨核辦以收通力合

作之效庶幾隔閡胥除而富強可期漸致矣謹 奏奉 旨依議欽此

各省內務彙誌

京師 吏部奏裁滿檔房稽俸廳督催廳三差已奉 旨依議 又吏部會同政務處議定以後京外各官不論大小只論到官先後到者飭令迴避以先到者公務熟悉一旦對調未免有礙吏治也

河南 鄭州爲十省通衢近又鐵路將竣他日交通便利人煙稠集奸撫隙中丞恐一知州不足鎮撫因 奏請將該州改升直隸州並以附近之舞陽舞陽汜水密縣四縣歸其管轄已奉部覆允准

安徽 試省警察除和州大連宿州蒙城宣城霍山六處已辦外其餘各屬亦將陸續舉行並聞所有鄉團皆一律改爲巡警

江西 贛州府屬觀音閣通判已改爲虔南廳撫民通判即以龍南縣屬之大龍新興太平三堡信豐縣屬之楊溪等四堡撥歸管理後因太平堡土民均稱不便仍歸隸龍南縣管轄已由贛撫咨部立案

四川 川省奏裁各缺如下成都府通判夔州府通判嘉定府四望關通判眉州直隸州判成都水利縣丞華陽縣水利縣丞縣州魏城驛驛丞劍州劍門驛驛丞劍州武連驛驛丞射洪縣走隴渡鹽大使蓬溪縣康家渡鹽大使敎職因科舉將停應俟屆時通籌辦理 叙永廳屬地遼闊實有鞭長莫及之勢且東北各屯素稱盜藪又與縣屬地段混連不免此拿彼竄近由建昌道趙觀察議將永甯縣治移駐古蘭州將廳縣界限劃清各專責任以免雜謠又瀘衛九姓鄉分州土司地與雲南緊接距離尚遠亦經趙觀察稟請改作瀘衛縣並將興文縣與滇省交界勘定精楚以免匪徒挾拿此實為奉部覆允准照辦

廣東 粵省京官奏請舉辦清鄉團練以弭盜患業已奉 詔允准

各國內務彙誌

日本 帝國議會已於甲辰十月二十四日行第二十二次開會禮

俄國 謂我內務大臣布黎威之兇手沙遜諸夫已定以終身監禁之罪兼作苦工 曼納思脫總督已由俄廷撤退因其虐待猶太人且不俟命而行也 俄皇近頒改良國家行政政策於參議院其開篇云帝國祖宗成法萬世不易朕擬竭力維持夫常顧念國家永遠之基業是實政府職責惟當改革之機欲實行此事不可不準情酌理應時而發中又云如農民生活苦況實朕所肖旰軫念者前既特命臣工力籌所以贍其生計之策刻下正在調查朕先臚列一切改革綱領於左昭示天下 第一朕以爲全國私人謂一般人民及法人謂公司社員學校教員等之生活安甯應受法律之保護是以施行完全法律實爲要務著一鵠官員無論對於何人均當本公明以行法律而盡義務苟有違法行爲應受法律上之懲罰凡有因官憲冤抑致受損害者許其上控伸理 第二凡地方各團體概授以寬大限制使辦理地方安甯事務並擬明定各團體之法律圍範俾有所依憑凡與地方事件休戚相關之一應人民許其舉代表者使于與各團體之舉動又各鎮市擬設立公共團體以處辦地方事務 第三凡訴訟應遵辦法概歸一律且確保法廷之獨立俾一應人民於法律上皆立於平等地位 第四擬明定國家保險制度以保護一應勞動工人 第五茲所頒布之非常法乃因犯案者迭出不窮所設茲擬加以改訂凡應用此律者不得越其圍範 第六對於奉基督教以外各教團體之法律及關於人民權利之法律茲擬特加改訂 第七某地現行法中有限制各外國人及土人之權利者茲擬加以改訂 第八凡一切法律上所不必要之限制茲應悉行撤消除明定法律限制外概不束縛出版言論之自由 其末又云朕不久當大行改革茲正

當審思方法之際特先將朕心昭示天下願國家萬機要在協力輔翼凡爾大臣總督務體朕實心改革至意各籌最適
法案明白具奏以待採擇飭下施行云云

義大利 倫敦電急進黨領袖瑪可拉君已選爲議院長

匈加利 匈加利首相蒂芬鑑柴在議院中議畢出院時有無數人民羣起爲難聲請退位并拋擲雪球後由警察兵放
空槍彈壓始得解散時有四十人被拘

摩洛哥 摩洛哥無律法之情形愈趨愈下近由國王所用之歐人辭去仍復舊制

日俄戰爭圖



第二號已出定價每冊大洋二元五角

日俄開戰以來其一切勝負情狀各報章無不記載詳盡然百聞猶虛終不如一見之爲實本館有慨於此特倩東京美術學校能藝之士用最新之照相法就其實地圖其實事計一巨冊共圖一百數十幅凡兩軍臨陣戰爭現狀纖悉無遺俾披閱是圖者如身歷其境一目了然至裝訂之精妙猶其餘事

日露陸戰地精圖

每幅定價大洋一角五分

不明戰地形勢不能詳勝敗之蹟本館特延聘名手據最新測定本繪爲此圖於戰地之疆界山川里程等瞭如指掌用潔白堅厚洋紙五彩石印最便攜帶

商務印書館

華英音韻字典集成

洋裝布面 每部一冊 價洋七圓五角

金英譯書館編校○共集字語十餘萬有注以發音標其讀法繼以英字注釋華字譯義並經文法字類音讀以英儒輯納耳本爲宗譯義以英國羅布存德本爲主並加增訂附圖千有餘幅異物奇器一目便明末附英國假借他國俗語解義減筆字解記號彙釋及中西地名表全書一千九百十四葉鴻博精審昔所未有侯官嚴先生謂爲獨出冠時世所寶貴非過譽也

華英字典

每部一冊 洋裝布面 洋紙 價洋一圓二角半

洋裝華紙 價洋六角

袖珍華英字典

布面 每部一冊 價洋一圓

本館編譯○胡文南君其照會輯華英字典頗便學界顧世人尙嫌缺略茲特增錄二萬餘字全書計四萬言釋義詳明注詞綴雅并以文字聯綴成句以便選用附錄減筆字解各種記號有志西文者不可不手一編也

軍事

論中國所受旅順之牽動 錄甲辰十一月三十日中外日報

日俄之戰。有要點三。曰旅順。曰海參威。曰哈爾濱。此皆日俄所以定勝負之點也。而三者之中。以旅順爲尤要。蓋旅順最在南方。與日本相近。若俄人能常保其旅順。則日人海陸兩軍。皆爲所牽掣。不得盡全力於北方。而海參威哈爾濱。亦無由拔。故旅順一隅。尤爲海參威哈爾濱之關鍵。亦即俄人全國之關鍵矣。以此之故。日人欲得旅順之志甚堅。而俄人不許。日人得旅順之志亦甚決。乙未之約。日人旣得之。又復失之。俄人旣公之。又復私之。而日俄二國。遂因此結不解之仇。致有日俄之戰。是旅順之於日俄。非但有利害之關係。抑更有體面之關係也。自去年十二月二十三日。日人始行攻擊旅順。於今適一周。此一年中。天下之人。延頸企踵。以觀旅順之攻守。幾於眼爲之穿。管爲之禿。豈僅注意於此區區之彈丸黑子哉。誠以旅順一隅。卽日俄勝負之表。而日俄勝負。又足以牽動各人之利害而已矣。此牽動之局面。其廣漠無垠。實徧於全地。而與之關係至密者。則惟中國夫。日俄之戰。之必有結果。此不待智者而後決也。其結束之日。動浪所及。必使全地球爲之改變。此亦必然之。

勢也。列強之政策一動，則中國必不能脫然事外。此又三尺童子所當知也。以是決之，則我政府諸公必已於日俄開戰之始，宣告中立之時已定。一日俄戰事之將結時，我國有若何之應付矣。但廟謀神秘，非草野所及知耳。然今但就其外而觀之，則若徒以宣告中立爲得計，幸日俄戰局延長一日，則我國中立可以逍遙一日，而於將來若何因應之法，則毫未講求者，然夫使日俄之戰之終古不結也，則我國之中立豈非甚得計？而無如其不可得也。今者旅順已降，日本之海陸軍均得逍遙不制，以與俄人從事於滿洲，而俄人則波羅的海艦隊未必真來，來亦無益。西比利亞之輸運亦不能達其軍畧之目的。加以皇威既挫，亂黨內訌，更有不能兼顧之勢。設自今以往再戰一年，則俄人之敗更至不可收拾。海參威哈爾濱必不能守，甚而至於烏蘇里江流域亦不能保全。皆意中事。使至其時而言和，其所失必甚鉅。蓋至今日而日本利速戰，俄人利持久之成說，又一變矣。俄政府非懵於事機者，竊料及中國之問題，始如我政府諸公於告中立之時，胸中早有成算，則亦已耳。若其無也，此豈堪設想者哉？雖然，猶幸日俄之戰局未久也。若經此可以停戰之機會，而仍不能和，勢必須戰。一年而後再議，至彼之時，強弱愈懸，波瀾愈闊，其掣動中國也，更甚矣。是日俄而在今日，再。

言和猶中國不幸中之幸也。

詳論圍攻旅順始末 錄甲辰十一月二十九日時報譯太晤士報

向所稱爲金城鐵甕易守難攻之旅順。不料今日復爲日軍殘破。而日本太陽國徽不久又將第二次在該處臨風招展矣。當一千八百九十五年中日之役。彼時日軍耗費兩日之力。即攫諸中國之手。而今則大非昔比。蓋俄將司陶司爾之苦守此孤懸之旅順也。已二百二十一日於茲故日軍全以汗血易之。此次日軍圍攻旅順。可從四月十二起算是日日軍攻得南山。斷絕其火車來往之路。越四日爲十六日。火車東面之安子山亦爲日軍所得。由此即進攻城兒山。至五月二十與二十二兩日。日軍在城兒山激戰三日後。將其地占領。俄兵即退往分水嶺。是役俄軍有海軍協助。故日軍備受艱苦。安子嶺俄兵築有鞏固之防具。故六月十四日日軍攻撲二十四點鐘。仍未奪獲。十五日日本軍從青泥窪來撻攻大白山。然有俄艦助之。故亦無效。至晚間復往攻撲。激戰至四點鐘。凡將其地占領。翌日天明復向前進攻。旋又奪獲距黃金山東六英里之一地。此處山嶺險要天成。利於守而不利於攻。即素長山林之獸類。亦望而卻顧。而日軍得之。實出意外。十八日復占領從大孤山至土城子一長帶之山地。俄兵退至旅順礮臺內。自此即為日軍圍攻旅順礮臺實行之期。

嗣後俄兵亦不敢遠離礮臺。二十一日日軍占領陶爾天。七月初二日占領龍山。初四至初七日襲攻龍山南面之登階山。又得一進步十一日猛林山越三日占領。從此日軍即逐退椅子山上之俄兵。仍未占領其地。然自橋莊溝之礮臺無聲響。而鳩灣附近管理鳩灣之一小礮臺亦被日軍奪獲矣。十三至十六四日日軍襲第二號堡壘及二十二號礮臺無效。故暫停攻擊。後日軍從椅子山力攻。卒占領盤龍鞍子山礮臺口之操場。然不久此處又有大戰。至十九日日軍死傷甚衆。遂退至盤龍鞍子山礮臺。水師營西面之火藥局。七月下旬被日軍轟毀。八月初十日日軍占古魯巴金礮臺。初時俄人尚不認。後果得確報。此礮臺之名爲苦魯巴金者。因爲苦魯巴金所躬親勘造。以保護旅順各礮臺水源者。自被日軍所得。而旅順水源斷絕矣。自初十至十二日大孤山方面連日有大戰。日軍遂在此數日中奪獲椅子山附近之一小山。後因爲俄兵礮火逼迫。旋即舍去。自此以後各停戰多時。至二十五日俄兵併力進攻。擬奪還白魚山。旋被日軍擊退。隨後數日戰事又作一小頓。因其時日軍正在搬運大礮。俄兵亦在挖掘濠塹。無暇攻擊故也。先是日軍雖嘗奪獲旅順東面兩小礮臺。然因其地當俄兵礮火之衝。故未佔守。九月十八日雞冠山上火藥房被日軍轟毀。同時日軍復佔據松樹山。築塹。旅順西北椅子山方面之日軍亦有進步。得進至該處焚燒。

屍骸之地。自此旅順內防線遂爲日軍破碎。從是日起。日軍大起總攻旅順。預備在二十六日。將其陷落。以作日皇誕辰之醉禮。然終不能滿望。惟九月十九日。右翼軍已占領歪頭山。二十日。中央軍之一部分亦奪獲松樹山之外壁。及東雞冠山北面之諸礮臺。并攻毀東雞冠山外濠。稍東右翼軍之一部分。於下午二點鐘。奪獲盤龍山。迄東雞冠山中間之一礮臺。至十點半鐘。此礮臺仍爲俄兵奪還。逾半點鐘。日將市野邊部下之兵。又往占之。同日左翼軍占領瘤山礮臺。嗣後日軍遂得有堅固之陣地。能令海軍助攻陸上。二十三日。日軍注攻幾利亞一艦。其時屯泊口內之各運船。亦大受傷害。二十四日。二十五兩日。有三船沈沒。二十六日。旅順船廠及附近房屋等。被日本海軍礮攻擊。多致焚燒。二十九日。日軍用海軍大口径礮猛攻製造廠。鄰近房屋。因之火發。并使松樹山上火藥房轟炸。二十三日。日軍奪獲松樹山。附近俄兵所築之一長線堡壘。乘此復攻撲此山主礮臺外防線內之暗礮臺。并斷其與別礮臺聯絡之路。同日在西面之日軍。與俄兵激戰。後又奪獲二百零三米達高地附近之一帶堡壘。翌日天明。即攻撲二百零三米達高地。俄兵抗拒。方至下午五點鐘。日軍一枝隊之兵。奮登山巔。將其地佔據。此後復有一枝隊之日軍。則從東北角撲入。至八點鐘。

二百零三米達高地全部遂爲日軍陷落。其時松樹山又在夜攻。十月二十八日日軍在二龍山暗礮臺獲礮兩尊。同時陸上日軍亦以大礮攻擊。港內各艦自二百零三米達陷落後赤坂山亦瀕於危故俄兵即於三十日退守同日日軍又占椅子山東北之三里橋及北面之刺兒溝。同時日軍復攻擊港內各艦。波耳打仗、德彌山排陽三艦負創甚鉅。此外停泊白魚山南之各船亦遭損害。十月三十日聞波耳打仗一艦沈沒。十一月初一日聞各艦又被痛創。從二十七至初六日日軍不甚注意陸上礮臺所有各礮悉用以注射順港內海軍。其時日軍礮火之猛烈使港內海軍不能照顧。口岸初七日日軍又轉而攻各礮大半注射於老虎尾半島之製造廠魚雷營及附近各處。初八日大雪中色伐斯德、波、太、英、處、美、之。已、波、陸、旅、俄、艦、被、日、本、魚、雷、所、撞、負、重、傷、日、魚、雷、艦、一、艘、亦、在、是、時、沈、失、十二、日、得、官、報、謂、旅、順、各、俄、艦、全、不、合、戰、鬪、之、用、同、日、日、軍、又、攻、撲、東、雞、冠、山、北、一、礮、臺、雖、損、失、頗、衆、然、至、夜、半、即、奪、據、之。翌、日、午、後、又、擊、敗、俄、兵、於、大、劉、家、屯、占、之、後、復、往、攻、距、二、百、零、三、米、達、高、地、南、一、里、半、之、後、楊、樹、溝、一、小、山、旋、占、其、地、日、軍、即、從、此、處、及、二、百、零、三、米、達、高、地、發、礮、遙、攻、西、

陽溝二十二日中央軍之左隊攻毀旅順東北二龍山礮臺前面之外壁冒死突進至傍晚七點鐘日軍遂占領二龍山全部按二龍山爲旅順東北之鎖鑰與二百零三米達高地之爲旅順西北鎖鑰者無所軒輊故日軍自得二龍山之後未幾松樹山及盤龍山東面一礮臺即相繼淪陷二十五日午前十點鐘日軍又向松樹山內礮臺猛撲至十一點鐘日軍遂占領松樹山全部俄兵向內潰退同日日軍又往攻三羊頭村南一高地雖俄兵竭力抵禦然卒被日軍逼退占領其地二十六日晨日軍奪獲日礮臺後俄軍見勢已迫雖苦守亦無益故自將旅順礮臺及兵艦等悉數炸毀即於傍晚九點鐘時遣使齎書詣日營投降翌日日將乃木答書許之

河南巡撫陳奏查辦祥符縣東鄉地方匪徒借端煽聚摺

竊照祥符縣屬現值清查糧賦東鄉簿鎮治臺等村有刁民借端抗阻煽惑糾聚多人約期滋事經臣派隊馳往彈壓當將大概情形電奏欽奉 電旨著即遴派賢員查拿首要務當妥慎辦理分別解散等因欽此遵即遴委開歸陳許道曹福元常備軍翼長袁世廉親赴各鄉查拿解散並經隨時電達軍機處在案茲據該道曹福元等將赴鄉撫諭一律敉平情形並據營務處司道會同布政使瑞良按察使鍾培將查緝訊辦各節先後稟報前來謹將此

案始末爲我皇太后皇上縷晰陳之查豫省各屬糧賦缺額甚鉅尤以祥符一縣爲最多前經奏明遼旨清查當飭該縣督同正紳切實勸辦並擬定辦法由縣發給執照凡有已墾荒地分別全熟半熟輕荒重荒廢荒五等由民開墾自行據實開報既往概免追究報明後酌定年限納租上等每畝納租錢百文中等以次遞減下等酌量寬免並不准假手胥吏免滋擾累紳民之深明大義者業已陸續開報惟以多年積弊一日認真清釐鄉民不盡樂從刁徒從中嗾使勢所難免前升任撫臣鹿傳霖於光緒十年曾飭祥符縣清查旋以輿情不靖事遂中止況豫省民情强悍五方雜處本地無業游民每結外匪生事連章聚衆滋事之案又未加以懲儆誠恐狃於積習羣聚阻抗臣前次附片奏明後卽一面出示剴切曉諭一面飭清源局司道責成該縣妥籌辦理迨經多方勸導違稟開報者固已不少乃有不法之徒輒敢造謠煽惑甚至傳布匿名揭帖相約攔阻糧草當經臣嚴飭營縣訪拿並飭署祥符縣知縣孔繁潔躬親赴鄉查看務期家喻户晓勿任滋生事端詎意九月二十九日查悉東鄉治臺一帶地方有回民李沅慶在該村禮拜寺內寫立傳單糾衆約近萬人揚言抗糧罷市攔阻米麵柴草不准入城等語適有糧車經過該匪等竟將糧食搶劫車輛焚燒又將茶岡小黃鋪招討營等處電桿砍毀約十餘里並聞擬於十月初一日城中匪會

之期乘機取事維時人心惶惶風謠四起臣聞報後即督飭文武各員密爲布防鎮之以靜又慮鄉民驚擾因飭常備軍翼長袁世廉揀派該軍分統楊榮泰帶隊會同縣委馳赴東鄉安爲彈壓解散楊榮泰等於二十九夜間拔隊初一日黎明馳抵治臺先於村外遠處駐紮選派弁兵十數名改裝入村查探詎皆被匪圍困打傷內有兵目李玉林受傷尤重雙日刺瞎及督隊進至該村忽聞撞鐘集衆又見四面舉火該分統嚴禁隊勇不准擅自開槍乃身先士卒好言勸解匪等置若罔聞竟敢抗拒蜂擁直前該分統仍僅令放空槍震張聲勢不料該匪等警不畏法首先放槍擊斃弁兵崔振河等數名並去砸毀毛瑟槍各一杆勢頗洶洶我兵不得已放槍還擊致被登時格斃四五人衆始相率潰退該分統當即召集鄉長開導旋卽一律解散查拿匪要李沅慶業已乘間脫逃奪獲槍械數十件拿獲陳松洪福海等五十二人解交營務處司道督同府縣隔別研訊僉稱係回民李沅慶爲首起意結匪糾衆借端滋事當經懸賞購線嚴密緝拿並由臣繕發簡明告示多張徧貼曉諭俾知祗緝首要不究脅從復督飭司道派員四出安撫人心因之大定嗣奉電旨欽遵遴委開歸道曹福元帶常備軍翼長袁世廉督同府縣躬親周厯各鄉分別查拿解散該道等邊卽輕車減從先赴東南鄉小五莊治臺等處嗣復周厯各鄉每到一村召集老幼村民剴切諭誠將現在

廳辦首犯凡無知附和概予從寬免究及此次清查墾熟荒地係分別等則從輕酌定租數並非一律升科之語反覆開導鄉民無不悔悟俱各畏法感恩並稱回民李沅慶武斷鄉曲業不安分該回民自有地畝多係全熟意圖抗匿造謠煽誘各村民均爲李沅慶威脅如有不從身家莫保並非甘心滋事現已深自悔恨等語由各社長出具永不滋事甘結所有已墾荒地概願遼寧開報體察各鄉情形實已相安無事民情帖然柴草入城亦復異常躊躇從前聞謠驚徙者皆已相率歸來各安生業並據該道等稟稱匪首李沅慶因捕拿甚急逃至陳留縣韓岡北馬莊村外曠地桑樹上畏罪自縊經飭陳留祥符兩縣會委詣驗並傳該匪首族鄰地保人等往認確係正身取具切結已將屍身押解來省聽候核辦此清查沙荒刀民藉端煽聚分派文武員弁前往查拿解散及匪首畏罪自盡之實在情形也伏查此次清賦乃係查照部章奏蒙 前尤欽遼飭辦所籌辦法凡有可以體恤之處無不格外從寬種地完糧與他項派捐不同該匪李沅慶乃敢借端謠惑糾衆違抗並將電杆砍毀已爲法所必懲及派隊前往勸解猶復抗拒官兵實屬目無法紀幸經先事防範登時解散未至燐原該犯雖已畏罪自盡仍應飭令戮屍傳首犯事地方示衆以昭炯戒其拒捕受傷身死各犯咎由自取應照例拒捕格殺弗論所獲各犯內陳松一名供認同謀滋事不諱罪有應得

業經在監病故應與訊無凌虐之看役人等均無庸議又洪福海一名係回教禮拜寺教士當李沅慶在其寺內寫立傳單糾衆滋事該犯知情同謀亦屬玩法已極應即飭縣監禁二十年限滿查看情形分別辦理又口華李和生苗景山暴璧張其明等五名訊係鄉愚無知隨同附和情有可原分別枷號滿日杖責發落其餘馬得良等四十五名訊係無辜被脅飭令取保開釋以省拖累此外脅從附和之徒並非甘心爲亂亦無拒捕情事既違諭解散安業具給照章報查自應悉從寬典概免深究奪獲器械照例入庫受傷弁勇均飭醫治速痊具報署祥符縣知縣孔繁潔違飭辦理尙未操切病民惟匪徒煽聚其造謀集議必非一日該縣不能先幾覺察消患於前疏玩之咎實所難辭相應請 旨將署祥符縣知縣孔繁潔暫行革職仍留該任以觀後效俟該縣荒地一律清查完竣再行籲懇 恩施儻仍因循玩忽不知振作卽行從嚴參辦開封府知府石庚於清賦要務未能率同該縣悉心籌畫亦屬不合應行司將該府先記大過一次仍責成督率妥速辦理倘再未能得力卽一併參處並由臣督飭文武官將善後事宜妥爲籌措加意鎮撫被毀電杆八十餘根飭縣趕緊如數賠修其有鐵路教堂處所亦屢經通飭切實保護至清查缺額事宜仍當督飭司局及各該員紳等妥慎辦理以重正供現在地方照常安謐堪慰 震嚴謹 奏光緒三十年十一月初

一日奉硃批著照所請該部知道欽此

署江西巡撫夏奏統籌江西軍政更定營制餉章摺

竊臣自蒙恩擢署之日卽念江防緊要而贛軍疲困已久非改絃更張不能作其朝氣前奏酌改軍制仰邀聖恩尤准在案受命以來又經累月訓練猶恐不足當有勇知方之選此則臣所夙夜恐惶者也謹將全省軍政分別舊章新制陳乞聖鑒訓誨遵行一爲常備軍中軍五營因舊編者二營新募者三營及衛兵一隊駐省操練臣隨時親行校閱不輕調遣以免疏曠衛兵一隊仿憲兵之意以備稽察各營前軍五營皆係新募駐潯操練臣於五月間前往校閱已有可觀嗣後間有調遣恐妨操習已急調集加意督練此常備二軍十營其營制餉章皆臣暫仿鄂規而因地制宜變通酌定者也一爲九江礮臺因舊改編者臺勇一營酌加護臺勇一隊由南洋撥來龍驤兵輪一艘礮兵初設命中甚難蓋由原修礮臺未盡完善舊存礮位亦少精良現惟有精選教習先練能知礮法之人徐籌改築礮臺之法此礮臺一營及護勇兵輪其營制餉章皆臣暫仿南洋酌定者也一爲續備軍左軍五營分防吉袁瑞臨右軍五營分防廣饒建後軍五營分防南贛等處地方山澤遼紓風土異宜既重操防尤嚴巡察添設續備隨營學堂以資教練此續備三軍十五營其營制餉章暫係

因舊辦理者也一爲水師軍內河左軍二營巡警省西河道內河右軍三營巡警省東河道
贛防軍三營巡警贛南河道諸軍船艦二十年未修均將朽敗已飭籌款新造以期堅實江
西商舟繁盛水道紓阻緝姦護旅必不可疏此水師三軍九營其營制餉章皆稍有變更者
也一爲練兵選鋒省標三營九江鎮標二營贛南鎮標二營其營制餉章皆前護撫臣柯逢
時所定臣爲補奏者也臣查江西全省軍制續備重在分防礮臺重在守險水師重在巡警
選鋒重在土著惟常備二軍三千餘人士卒倍加精選軍餉亦從優例全力整頓專備朝廷
隨時征調之用未敢因籌款艱難於軍中必不可少之需稍從刻覈以懈士心贛省他軍
亦不引以爲例以昭節省至現定營制將來如有未盡事宜應行更改之處容隨時奏明
辦理伏乞 敷部立案施行謹 奏奉 碑批該衙門知道單併發欽此

各省軍事紀要

京師 圓明園之八旗火器營近經該管王大臣奏請於本營兵丁改練常備軍本營自籌經費業已奉旨依議該營

卽咨練兵處調取直隸武備學堂畢業學生二十名委充敎習官長以資訓練

直隸 热河建平狼頭峪等處馬賊猖獗據人勒贖該處附近挖金貧民極多因此輒業隨從附和聚衆至三千人政府接松都統來電卽飛咨馬宮保就近剿辦

山東 曹州兗州等各州縣人民因徵稅過苛大爲憤激遂致擾亂館陶縣濮州等土匪亦與之呼應該縣僅以身

逃官兵即已前往彈壓

山西 晉省永靖縣屬五十餘村村民三千餘人因官吏征稅不善起而反抗竄擁入城焚毀縣署委統領前往彈壓亦爲瓦礫擲傷勢甚洶洶晉撫函電致政府請革職以慰民心

江蘇 駐鎮新勝營統帶徐寶山參戎前奉署督端制軍飭長江一帶現有匪徒設立同仇華興會潛謀不軌速宜嚴密查拿等情因卽購線值緝於江北七濠口地方拿獲會匪黃鳳山等九名并起出華興票多張當卽押赴寶垣稟請發落浙江 雙龍會黨頭目王金保現由松陽鄭紳在桐廬縣境拿獲解往松陽其黨張小岩亦在蘭溪拿獲一併解縣訊辦湖北 票匪頭目傅經魁由廣西至黃州爲王仙舟游戎緝獲搜出票布八張解省審訊供認不諱並有逃匪多名現尙

按名緝捕

湖南 湘撫陸中丞自聞桂邊滇軍變亂後特札營務處將湘防大爲布置計發字旗駐紮古宜應將斗江之發字右旗調防古宜駐紮一處以厚兵力而爲右路前敵毅字旗應以現紮長安堡之一旗調防雙江司以紮靖州之二旗調防通道所屬之播揚廳以紮青林界之三旗調防通道所屬之牙屯鋪以爲右路援應以紮通道之鎮毅鎮標續備軍調防靖州保護糧臺以現駐通道之定字一旗調防斗江以忠毅軍先鋒營調防青林界以爲中路前敵忠毅軍中營調防長安堡適中之地既可爲中路援應又可策應各軍剛字旗應將現紮橫水隘之一旗調至龍勝與該軍二旗併紮一處以厚兵力該軍三旗仍紮瓢里司原防爲左路前敵以忠毅軍右旗駐防城步之橫水隘後旗駐防江頭司以爲左路援應左旗駐防新甯之客上關前旗駐武岡州保護糧臺

新疆 新撫潘中丞近有密電到京略言回匪張大淵曹六平等運蓄槍礮謀爲不軌聲言割據新甘川滇四省獨立爲

清真教主請密迅添兵預早圖辦

廣東 廣甯會匪首爲副元帥曾忠禮潛匿佛山被搜獲解交廣協堂訊直認不諱并搜出圖章單據各件均有
特逆字樣

廣西 桂匪陸亞發自在柳州叛變後竄踞油麻峒四十八之一負嵎自固而褚大歐四等匪又分踞梅寨等處與之聯絡互相接濟柳慶兩府均受其害嗣經王芝祥觀察先將褚敗匪巢相繼攻破岑制軍復調集各營合力進剿至甲辰十月初旬水師補用游擊宋尚傑直搗油麻峒復經楊草鎮發費督率各營四路齊進遂將匪巢攻下陸亞發鎗傷肩背竄遷他峒爲中渡團總張振德所擒岑制軍訊供後飭卽凌遲處死傳首柳州示衆一面飛電外務部代奏請將出力各員論功行賞 四十八峒攻破後各軍入峒搜捕餘匪搜出被掠婦女六百餘名分別資遣回家定武軍中營在峒斬斃匪首潘二一名當卽獻首報功 馬平縣屬六都匪首黃老龍潘華浦等率黨千餘人攻劫附近穿山城之雄良村竹根村紅田村合村一帶殺斃鄉民男婦數百人又有土匪四百餘人攻劫藍家村大肆焚掠柳防軍往捕匪已獸散以上柳州

慶遠府宜山縣屬之忻城土縣爲大股游匪攻踞土知縣莫君及忻城典史某少尉均帶同殘隊逃回府城 甲辰十二月二十六日龍觀察濟光偵悉褚大一股向盤旋於恩寧縣羅漢山鷹山一帶當督率濟字各營約會張副戎得貴率貴字等營分路兜剿匪見官軍大至併力聚於鷹山負嵎死拒二十七日濟字前鋒兩營先到奮勇攻剿兵匪均死戰勝負未分二十八日龍觀察張副戎統濟字貴字大軍繼至分路夾攻用快礮轟燬匪寨復用排槍猛擊斃匪數百人匪衆駭潰竊追逃匪以上慶遠

貴字營統領陳世連在遜江縣斬獲女匪頭目黃五娘及小頭目四名女匪十餘口以上^{惠昌}

搜集與廣甯相連之紫洞城經派管帶盧文廣駐辦清鄉忽被土匪數千圍困屢戰兩晝夜當經搜集縣令移行鄰縣赴援德慶高明封川各處陸續分撥救兵到時盧已出險生擒匪黨二十餘名并擊斃前攻宣城之孔八林石餘黨數十名
鬱林州屬興業縣磨槍山地方綿亘數十里山迴路曲林密著深有匪首羅十一糾黨百餘人麇聚其中欲圖起事該縣劉大令會同鬱防親兵營三哨及團練數十名前往圍捕行至中傳村地方與匪對敵槍傷匪徒多名生擒數名匪力不支各島獸散以上梧州

象州屬北鄉之中平墟被游匪攻破圍挾李大時被擒并誘殺丁兩人常備軍汪管帶稽隊崔雲帶督勇往剿匪遂將李及練丁殺害各軍兩路截擊與匪相持半日之久匪力不支相率而竄州屬王田地方向為土匪老巢聚黨數股約千餘人自孫牧蒞任竭力剿捕匪目陳社生陳社求等股竄往馬平屬六都及來賓地方以上象州

貴州 劉藩司春霖所部達字各營奉旨回滇遣撤因飭派總兵謝鳳生知縣黎肇元沿途督率照料距達字後營行至黔境巴沙地方搶掠叛變並劫去逼碼甚多巴沙距桂邊不遠督率軍當調黃忠浩陳兆棠等營堵扼險要分兵剿捕並電黔撫撥營會同夾擊黔軍在西山地方與之接仗哨長王正寅陣亡並斂散勇多名叛勇由黔境竄入桂省經各軍攔擊沿途殲散其餘未拔各營仍由謝鳳生等督率回滇妥為遣散

日俄戰事紀要

旅順陸戰

二龍山戰 攻圍旅順日軍於甲辰九月十七日預備進攻二龍山十八日午後三鐘以服部部隊之一部編成混成隊

由冀南大尉率往俄軍第二堅壕前進突擊至五鐘即佔領之然俄軍猶據第一堅壕極力還攻並於二龍山最高礮臺以破四尊猛擊日軍破兵則於後面高地還擊戰至日沒始止是夜日軍前哨警備極嚴十九日午前三鐘三十分俄軍分為左右兩隊向第二堅壕逆襲左隊經日軍擊退右隊則頑堅忍戰至天明始漸退却日軍遂又準備進攻第一堅壕自十九夜起激戰至二十夜即漸將俄兵擊退占領其地是役日軍冀南大尉陣亡并牟田松本松田特務曹長三人受傷

東雞冠山戰 甲辰九月二十二日攻圍旅順日軍之右翼隊及中央隊之一分隊攻克東雞冠山之北礮臺又分兵佔其P字礮臺俄兵極力還攻於是P字礮臺日軍得而復失然僅越數時仍為一戶少將奪還俄軍乃棄野戰礮三尊機器破二尊魚雷二具及死屍四十具而退日軍左翼乘勝攻戰瘤山礮臺亦為所佔次日復用攻城礮及海軍破猛攻其船塢擊中機利牙艦數彈並沈其汽船兩艘二十六日復破其東港各處火勢四延直至翌晨四鐘始熄是役也以北礮臺之攻為最激烈日軍當其任者為步兵聯隊之第二大隊而尤以第七中隊為勇力戰之下傷須賛少尉宇都宮大尉二人死中田特務曹長明神上等兵二人東雞冠山北礮臺既為日軍所佔至十月十五日夜俄軍逆襲又至然仍為日軍擊退不克奏效而還

松樹山戰 松樹山礮臺接連旅順街道俄軍在其東面一帶開掘堅壕以阻日軍進路於是日軍之攻松樹山者不得不先奪此堅壕甲辰十月二十三日日軍猛力攻擊佔領壕之外崖及其附近一帶更進攻松樹山之極高地並其旁近堅壕皆為日軍所佔俄軍死者甚多然礮臺全部猶未一時即陷兩軍相持至十一月二十五日日軍復以炸藥毀其圍牆俄軍不能無遂於午前一鐘全部佔領俄軍又於第二防禦地炸發地雷然為沙土所陷日軍因以無害當松樹山礮

臺圍牆之炸毀也俄將校被壓者二人又兵卒一百六十餘人嗣經日軍援救得以不死遂為日軍所擒其餘戰利品有野戰砲及機器槍等甚多皆為日軍所得云

二百三遇當山戰 二百三遇當高地為旅順西北要塞之鎮輪高冠羣山可以俯瞰一切並控制椅子山鞍子山太陽溝等處各礮臺於俄軍防備極嚴甲辰十月二十四日黎明日軍進攻俄軍併力抗守日軍不能拔東面赤坡山一小坡自人名之攻觀該山之要區也日軍先攻得之至晚五鐘再由此處撲攻得達距山頂三十遇當之地相距既近攻擊益猛至七鐘日軍援兵復由東北協攻並得海軍礮艦之助至八鐘遂將高地全部佔領自是海陸交攻燬其藥庫殲其艦艇坡廟答瓦坡北大新士坡沈沒逃列斯微士些巴無不得手蓋旅順存亡全以此山為樞紐日軍得之故成破竹之勢也是役俄將伊爾曼與昆拉登科戰死福克受傷其餘兵士死者甚多日軍陣亡者中佐一少佐一大尉三中尉八少尉十四參謀軍曹九負傷者武弁四十八內少佐四

日艦西迎

日本偵探巡洋艦香港丸與日本丸於甲辰十一月十六日由旅順駛抵星加坡以作日本艦隊之先導該艦隊計戰闘艦兩艘頭等巡洋艦兩艘二等巡洋艦兩艘魚雷船一大隊均向西往接波羅的海艦隊

日將返國

日本艦隊司令官東鄉平八郎及上村彥之丞以第一期海戰事畢於甲辰十一月下旬同時回國

旅順降日

日軍圍攻旅順幾及一年大小數十戰至甲辰十一月二十七日俄力不支守將司多塞爾遂送降款於日其條如下一

在旅順之俄國礮臺與在港內俄國兩軍之人以及義勇兵官員均作爲戰務俘虜二所有在旅順之礮臺戰艦輪船小
 船軍械子藥馬匹及一切軍用品房屋政府產業須一概交與日軍三西正月三號即中甲辰十一月廿八日正午爲止將椅子山小鞍
 子山大鞍子山各礮臺及此等礮臺東南高地礮臺防兵須全行撤退而將各礮臺交與日軍以爲前二款之擔保四若
 俄國海陸兩軍將此約簽字時所有第二款所載各物擅行毀壞改變者則此約即行作廢日軍可行自由之舉動五俄
 國海陸軍武弁須將旅順礮臺內分配防兵圖地雷水雷圖危險防禦工事圖及旅順海陸兩軍清單海陸軍武弁官銜
 清單文員官銜清單陸軍戰艦魚雷艇清單船員名單一概交出六所有軍械子藥軍用物材房屋政府產業馬匹戰艦
 魚雷艇及一切附屬品須照目下地位存留至如何交送之法則由日俄兩軍專員決定七因日軍視俄軍勇武甚爲榮
 羸故俄國海陸軍之武弁文員可許帶劍並攜帶要用之私有品若該武弁文員義勇兵寫明切結日後斷不再執軍械
 以反抗日本海陸兩軍直至戰務停歇爲止者則可許其歸國海陸兩軍武弁各可隨帶兵十二人或水手一人該兵士
 或水手一經發誓以後亦可釋放八無軍械之下士兵士小武弁水手及義勇兵須服軍衣前往日軍所定之地攜帶帳
 幕及私家所用之物歸各該武弁督率其詳細情形則日後由日軍專員酌定九旅順海陸兩軍之衛生部經理部各員
 須陸續辦理此等事務而由日軍之衛生經理兩部人員指揮直至滿足日軍所訂期限爲止十處置非戰屬員及交出
 民事廳財政廳與一切文籍紙張並施行此約各款等事須載入此約附件此等附件與此約原文之效力無異十一俄
 日兩軍各將此約抄錄一分俟此約簽字後即可施行二十九日日軍實行受降之事至甲辰十二月初二日收受楚鑑
 除一切物件外共計武弁八百七十八名兵士二萬三千四百九十一名其中武弁四百四十名下士官二百二十九
 名業已發誓福克斯露諾夫哥比總司開三將軍及威爾門提督願意前往日本作爲捕虜司多塞爾將軍則定於十二

軍事

月初七日由青泥產歸國

中立彙誌

中國 甲辰十月初十日俄艦勒斯起及納逃至煙臺自行炸沈其登岸弁兵四十九員名即由外務部電飭何觀派察海容兵輪送滬安置並商令駐煙俄領事出具中途不再脫逃切結二十日抵滬後由海關稅務司好君會同袁觀察點交俄副領事一併送至滿洲巡洋艦安置所帶各項軍械存儲製造局原存俄械棧房 駐俄胡星使電告外務部據俄外部覆稱接苦魯巴金將軍電稱並無砍伐 陵寢樹木之事并查得 陵外垣牆殘破守護官兵自將樹木盜賣等語 諸即咨奉天將軍查照云云外務部得電當即照咨增將軍令卽加邊防護 俄人裝載彈丸六百五十餘箱將由北戴河運入戰地經直督袁宮保偵悉因執中立條規特令某統領赴天津收取云 駐京日使以俄人賄託華商至錦府新民屯一帶採買牛馬糧食并聞奉天某大臣有代向雙城堡購買民糧之舉照會外務部請卽嚴禁 政府密電兩廣閩浙各督撫以俄國波羅的海艦隊東來在即臺灣海峽恐有衝突令嚴加防範恪守局外中立 駐京俄使照會外務部署謂貴國內地商人常有私運糧食禁物裝運出關私入戰地務望查明嚴禁并飭車站關員認真稽查以符條約 駐紮遼西馬官保部將在福興里地方捕獲俄國逃兵六名褫其軍裝留置營中 奉天委員馬文卿大令至新民廳查賑為事該處商民認其爲俄人間諜遂被日兵殺害 遼陽州鮮華甫刺史因與日員不睦經增將軍調之回省行至海城被該處日員羈留 俄國士官自旅順逃至煙臺後在煙日領事照會東海關道將其扣留東海關道特向俄領事索交俄領事以該士官等非戰鬪員不允 俄國滅魚雷艇四艘於甲辰十一月二十九晨行抵煙臺將其所發之誓簽字後許其船員登岸其軍裝則照例拆卸三十日晨又有俄國滅魚雷艇一艘魚雷小輪船一艘驶入日本巡洋艦秋津洲與

魚雷艇二艘滅魚雷艇四艘均在港口盤視。俄國滅魚雷艇於甲辰十一月二十九日駛入青島大港卸下軍裝。

各國 機國波羅的海艦隊擊沈英國厚爾漁船一案已由駐俄英使與俄外部大臣在聖彼得堡訂立約款其文如下

英俄兩政府因彼此允照一千八百九十九年七月二十九號海牙條約第九號第十四號兩款辦理以便將爭辯之事和平了結故願派員查察一千九百零四年十月念一號至念二號之夜在北海所出之案當時俄國艦隊所擊之船致令英國漁船沈沒一艘傷者若干被毀甚

人兩名船員亦有因此喪失者今彼此應允訂立各款如下一各國所派查究此案專員計共五名其中英俄各派海軍大員一名又請美

法各派海軍大員一名作爲專員其第五名則由以上四員公選之若該四員彼此不表同意以公選第五員則須請奧

國皇帝另選一人今彼此兩國須各派法律官一人充各專員顧問又代理人一名以辦會中之事二各專員須將北海

之事詳行查究詳行報告又須查察此案之責任及過失實應由何國人民擔任或應由他國人民擔任三各專員須將

查究此案之法詳細議定以便照此辦理兩國交托之事四兩國須盡其能力將所有案中各事實交與各員以便使彼

等得以明悉所爭辯之事五各員一經此約簽押須早日在巴黎集議六各員須將其報告聯名簽字呈交彼此兩國七

各員之決議意見則從多數爲定八兩國須將各員未集議以前查究之費用及集議以後查究之費用由兩國分任其

半當由英使哈丁奇俄外部拉斯道夫簽字蓋印此約書寫兩分各執一分爲憑俄國旋派喀司那科夫提督英未詳法

國遣派福尼亞提督美國遣派維斯海軍少將前往辦理第五公斷人則選奧國提督斯盤同赴法京會議旋議定俄

將犯事之人懲罰惟不得將此事明載約內餘悉照允此事遂結 英政府嘗向俄官稱說謂英國終不讓黑海艦隊駛

出達旦納爾海峽 德國商船培戴蘭裝載衣服毛布藥品等物意圖駛入旅順爲日本艦隊拘捕送往佐世保 俄國

巡洋艦理安與滅魚雷艇數艘在丹國北境司料灣下碇欲將滅魚雷艇一艘之輪修妥方能開行丹國不許其擅用佛

理特烈軍艦 英政府因日本查詢英國輪船裝載煤斤供給波羅的海艦隊之事已允查辦日後必將設法以免有再犯中立之事。俄國請美國將領兵會之期暫行展緩至戰事結局為止美國允之。佐世保捕拿物裁判所於十月二十九日將所捕德國商船微特爾連所裝貨物一律考究實與船單所載不符即判定充公其中德人四名華人二十四名一律釋放。俄國波羅的海艦隊航抵蘇彝士運河時該處知事即限令統帶官於二十四點鐘內出口並不許裝載煤糧等物致礙中立。甲辰七月俄人拘留太古洋行喀爾策斯輪船近已釋放。日本照會中立各國不可讓波羅的海艦隊借用各海岸。法外交部照會俄政府波羅的海艦隊不准在法國境內及領海界線內駐屯又不准借用各處通商口岸。英外部命喀迷甫地方官員禁止輪船裝載煤斤運往波羅的海艦隊。日本巡洋艦對馬在縣山外查驗奈格列提亞輪船係開往海參崴載有戰時禁品甚多即拘往佐世保。荷蘭政府揣測波羅的海艦隊將來或在荷屬之東印度海岸取給煤斤故特傳令禁阻。西平北平兩輪船為日本拘後於甲辰十一月十一日在佐世保審判其應送至牛莊之綿布業已發還餘銀幣糧食等物判令充公。錫蘭政府下令謂非得有特別允許不准在哥倫巴海口供給俄艦煤斤。法蘭西西班牙荷蘭等國均承認日本之意命各口岸地方官嚴守中立若俄人有要求之事須照公法辦理。俄國巡洋艦狄耶那扣留在西貢復由該處逃往澳洲港口。

各國軍事紀要

日本 日本改定徵兵之令凡後備兵役原為五年今改為十年補充兵役原七年四月今展限至十二年四月原國民至三十二歲免役者今須至三十七歲。臺灣苗栗廳管區內北洗手坑地方有生番襲擊日人至日人死傷者四十餘人。

俄國 聖彼得堡男女諸學生羣起倡亂大呼推倒專制停止戰務警察兵前往彈壓互相攻擊學生傷者四十餘人被捕者百八十餘人 又莫斯科學生三千人亦圖作亂警察及哥薩克兵往攻學生傷者六十人被捕者三百人該處總督已向聖彼得堡請增防兵以備亂事 又革命黨乘波蘭舍特姆地方徵集兵士時開槍攻擊致斃大佐一人亂黨亦死一人 又色伐斯施波俄國水師兵忽然作亂蓋將兵房拆毀巡兵開槍擊之受傷者甚多 又威基布士克府有豫備兵三千餘員赴戰場忽槍斃其司令官該處守兵開礮彈壓反為所敗死傷甚夥各處社會黨員咸謀叛應警視總監奈尼脫維士克大將近已馳往鎮壓

布國 布加里亞國國會允籌英金一兆七十五萬鎊購快礮九十尊推廣黑海沿岸防務

德國 德屬非洲西南之亂日見猖獗該處享特利克維蒲衣族人亦與聯合嗣經德兵將其要塞佔據亂黨始向東竄去

英國 英國海軍省總理海軍大員威廉亨利美海軍少將升為海軍中將統帶大西洋艦隊該艦隊以直布羅陀為根本地內有戰鬥艦八艘其餘巡洋艦分為三羣一東羣一東羣凡駐紮中國澳洲與東印度者皆在其內二西羣凡駐紮北美洲與西印度者皆在其內三開普羣此羣則間於他羣之間而作接應者以外尚有巡洋艦隊三隊以作特別巡洋之用即大西洋長尼爾與地中海三隊是也又海軍省擬使全國海軍之預備艦隊按時在洋面執役以備遇有要役立可從事又擬於一千九百零五年與一千九百零六年全調世界之英國艦隊會操將來如有戰事所有預備艦隊立可調齊由海軍少將統率應援當互相協力運動之時皆由各處司令官自行調度 又海軍省發出公文與各統帶官聲明一千九百五年正月一號施行海軍更新之事英國艦隊於和平之日分為出海艦隊與豫備艦隊各艦差遣之期以二等

軍 事

二二四

正月

爲限出海艦隊每年輪替一次在本國港內豫備戰鬥艦十二艘巡洋艦若干艘以備不測 坎拿大創辦海軍業由英國海軍部允准先用巡洋艦三艘駐紮該處艦中諸職悉用坎拿大海軍民兵充當至陸地亦預備守備兵並擬於海利佛克司地方設立船廠

美國一千九百零五年美國海軍預算表已計定美金一百四兆五億元據海軍省大臣摩頓君言總統羅斯福之意務欲使美國海軍爲世界第一 菲律賓島陸軍中佐韃脫及警察兵三十七名在薩馬島被坡拉琴司族人殺害又有監犯五百名欲從比利牛斯牢獄遁護兵以格倫威之獄官亦放槍相擊犯人死十五人傷三十七人蓋自馬拉希島陸軍犯人逃往他處後該處犯人始有叛意

委內瑞拉 南美洲委內瑞拉國已在拉塊勒及拍拖喀般羅兩處安設大礮因華盛頓政府欲迫其更改法度並優待外人故也

剛果 非洲中部剛果國防英國襲攻籌集七百萬佛郎克以備在歐洲建築礮臺及在盤勒爾甘才爾興造營壘

外交

論王寅以來外交之變遷 錄甲辰第三十一號三十二號合本外交報

今者暮雨深燈。圍爐促坐。相與檢舊報而觀之所紀。皆若前日事也。而此塵勞無已之地球。已不知自轉幾周矣。本冊爲本報今年之最後一期。而又卽本報自開辦以來之第一百期也。溯本報開辦於光緒二十七年辛丑之十二月至今年光緒三十年甲辰之十二月。實約三年。歷此三年。試就一小己之近狀觀之。齒髮未必卽衰。生事未必卽促。與三年前無大異也。卽試就一羣體之近狀觀之。西園鬻爵之金。北里纏頭之費用之者如泥沙。受之者若糞土。亦與三年前無大異也。惟一觀國家。則與三年前大異矣。非惟歲殊。且具月變。豈惟月變。兼以日化。其江河日下之勢。恍如重物之落於地。愈近地心。速率愈大。有令人失色驚歎不及援手。而卽已陷落者。此非本報之誹謗也。此三年之實事。卽具於本報自一至百之諸冊中。

本報以外交爲主體。而外交不過爲國政之一端。不能據此以論國家之全體也。然其中有辨焉。有主權完備之國。有主權墜地之國。夫主權完備之國。先有內政。而後有外交。其謀國。

者必先自審其內政用何等之方針而後自定其外交用何等之政策。今日列強之外交是也。主權墜地之國先有外交而後有內政。其謀國者必先望外交現若何之情狀而後於內政用若何之支吾。今日中國之外交是也。至於國權愈失則政治愈以外交爲轉移及外交之影響徧及全國則國非其國矣。斯時也宵旰之所焦勞爲外交也。臣工之所鞅掌爲外交也。商賈之所折闊爲外交也。勞侶之所呼吟爲外交也。故不妨僅以外交爲說。即全國大政之綱領已可推尋矣。

由積極之勢而有拳匪之橫決。由消極之勢而有今日之畏怯。其變化皆以庚子爲關鍵。故庚子者存亡之界也。本報創於辛丑冬。則皆迴鑾以後之事。同屬於庚子後之時期。而其中又可分之爲四。

一、爲難分賠款議結教案時代。

此期大約自辛丑冬至壬寅春

二、爲改訂各國商約時代。

此期大約自壬寅春起至今尚未已

三、爲商議俄國撤兵時代。

此期大約直至癸卯年夏而止

四、爲日俄交戰時代。

此期自日俄開戰起直至目前

此四者皆爲義和團而起者也。若無義和團則無此四者之事。雖國家未必因無此四事而卽於富強。然欲謀救治之方。斷不至若今日之棘手。此所以歎息痛恨於庚子也。今此四事其波流之所極。雖不可知其究竟。然欲診將來必明。已往欲明。吾人今日所料後事之爲得。

爲失。當觀於吾人往日所料後事之爲得爲失。則此三年中吾人對於四事之感情不可不一考矣。

於第一時代。吾人亦知賠款過鉅。皆以責之小民。小民之力必不能勝。將來必有變動。斷無上下相安行至四十九年之理。然其時吾人之所料者不過二塗。吾嘗默觀中國民人知識未啟如此之民本可以萬年一系。永無革命之事。而所以仍有革命者。則以中國有一習慣。下之視上。上之政治無論。若何。皆不置意。惟在上者。有直接搜括之事。則蜩螗沸羹。不免革命之役。圖書具在。不可誣也。幸而吾民思想極簡。端緒稍繁。卽難研究。故朝廷取財之法。不用直接而用間接。則民卽日受其困。而不知釐捐之設。五十年於此矣。商人之外。農民有一議。及其事者耶。此吾人平素所以服中興諸老之巧也。今朝廷既毅然行其直接之術。加賦加稅。鉅細不遺。明犯歷史之禁忌。而不卹。則民之所報。當亦以歷史之舊例報之。此吾人所料之一也。即使革命之事不能再見於今日。古者道路未通。器械未備。上之與下。才力等耳。故有僥倖失之時。今則輪船鐵路電線郵政槍礮警察之權。無不握之。朝廷而非草野。所能有。則強弱之勢懸。而勝敗之數定。故今壓制之政。可以行之而不疑。然卽小民帖耳。聽命。期會有時。而以如斯之土。如斯之民。如斯之術。每年所產。必有常率。斷不能因賠款

而有逾格之收數年之後民窮財盡雖欲納而不能壯者散而之四方老弱轉平溝壑皮之不存毛將焉附賠款亦無所出矣此吾人所料之二也此爲第一時代之感情於第二時代吾人以爲各國與吾國所定商約大都奪我主權脅我生業數年之後將使外國之法律外國之物品皆充塞徧布於中國之內地而中國之利益日消歸於無何有之鄉其說詳見於壬寅年之本報茲不復述。

於第三時代吾人初以爲俄人於東三省之地蓄謀已久幸值拳匪之機會以遂其攘奪之謀殆非空言所可遺去也至其後日俄協商則吾人以爲必可成就惟此事恐即爲瓜分之起點焉其說詳見於癸卯年之本報茲不復述。

於第四時代吾人以爲以戰事論必日勝而俄敗以外交論則事未可知然中國雖強稱中立而所立地位至爲危險若不早自爲謀將來恐有不測之禍其說詳見於甲辰年之本報茲不復述。

而舉今日之事勢以印證之則第一時代之預料已歸於失誤然其失誤者非本報失之太過乃本報失之不及也本報之意止慮及民窮財盡揭竿四起否則竭澤而漁無以爲繼而已而豈知其後之事變乃出於所度之外蓋中國上下相通之機關早已朽腐故上欲有所

取之於民。欲其詳悉纖盡。豪髮曲到力已。有所不能。故攤賠之時。地方所呈圖籍。非不詳明。而及其接圖以索。則全歸於無。有今之各省。蓋無一省能實收其當時所自認之數者。而洋債。迫切無可遲延。不得不借外國銀行之款。以歸之外國。而息借之時。又不能不以本省利權爲抵押。使由此道而不變吾國之土地。殆均爲銀行之產業乎。其前途之凶險。豈當時所及料也。

第二時代之預料。以條約尙未實行之故。其合與否。尙不可知。惟以意度之。他日所得之果。

與吾人所料者必有過之無不及也。

第三時代之預料。所謂俄人必不退兵。既已符驗。惟俄人始終以强硬對日。即韓國亦不肯讓。此實天下人之所不料。從此東亞之枯棋。一轉而入於遼廓無垠之境矣。

第四時代之預料。則至今日止。尙未見有不及料之事。

以上皆臚舉此數年中。吾人之意境。與世界之實事相印證也。今可得一公例於此。大約中國前途之危險。吾人之所料。皆輕於世事之所趨。當日所目爲刻覈之論者。皆後時所晒爲膚淺之談也。此三年中事已如此。後之視今。亦猶今之視昔。能無歎來日之不再乎。

論瓜分變相錄甲辰第三十一號第三十二號合本外交報

非常之原。當其將至而未至也。人各出其智計以度之。顧人之意料每單簡。而事之因果必繁複。人之想像必陳舊。而事之構造每新奇。故中者常一二不中者常千萬。立乎三代之世者不能知有漢明之革命也。生於赤縣之族者不能知有歐美之民主也。而況中國今日之局。以泰東數千年之文化。忽焉而與泰西之文化。遇其操術也。相反而勝負不能並存人道所由之孰宜孰不宜。將取決於此焉。此其爲事爲往例所未顯。又豈常智所能測者哉。我國自甲午以來。策國步之前途者。於今三變矣。自中日戰後。俄法德三國聯盟。迫令日本交還遼東半島。於是吾人知英俄將爭利於中國。自德索膠澳。俄索旅大。英索威海九龍。法索廣州。灣。於是吾人知各國已協謀瓜分中國。自聯軍入北京。力迫乘輿。東返議和撤兵。於是吾人知各國非直接瓜分。但各布其勢力範圍。即爲瓜分之局。此三期中。凡後一期之所見。皆前一期所未料也。而及至其時。乃恍然悟爲事理之所必至。今論者固各以爲各國自分疆域。布其勢力範圍。爲無可疑也。然以目前時勢度之。則分布疆域之說。恐將又變殆不爲完整。瓜分而爲綵雜瓜分矣。何謂完整瓜分。卽昔所謂俄據河北。英據長江流域。德據山東。法據滇南黔粵。美日據閩浙之類是也。何謂綵雜瓜分。其界線不能畫。然明剖如蛛之網絲。魚之圓滌。千重萬縷。交互相涉合之。則同一土地分之。則各有本原。一地之中。而各國分據。

一業一業之中而各國分據一人其瓜分之法至華離而不齊整至隱微而不顯著而其主國則謂之亡不可謂之亡亦不可遂成一自古至今未曾有之情狀焉此所謂綵雜瓜分也至綵雜瓜分漸著之勢今請舉近事以實之

一、全國稅務屬於英人二、東清鐵道屬於俄人三、關內外鐵道屬於英人四、蘆漢鐵道屬於比人五、津鎮鐵道屬於英人六、正太鐵道屬於俄人七、津保鐵道屬於英人八、山東鐵道屬於德人九、粵漢鐵道屬於美人十、江甯上海杭州間鐵道屬於英人十一、江甯漢口至重慶鐵道將屬於英人十二、雲南鐵道將屬於英人法人十三、京口及福建鐵道將屬於美人十四、滿洲之鑛屬於俄人十五、河南北境及山西之鑛屬於英人義人十六、山東之鑛屬於德人十七、浙江之鑛屬於義人十八、安徽之鑛屬於英人日人十九、四川之鑛屬於法人二十、雲南之鑛屬於英人二十一、福建之鑛屬於法人二十二、天主教徒屬法人保護二十三、耶穌教徒屬英人美人保護二十四、佛教徒將屬日本保護二十五、回教徒將屬土人保護二十六、凡商家必用一外人爲代表二十七、凡達官必用一外人爲奧援二十八、各省以賠款之故自借洋債各有抵押之件二十九、各商因銀根緊急借用外國銀行之款亦各有抵押之件三十、尙有船局鐵廠之類專隸於一國權下者。

以上各事僅舉其大者而其縱橫交錯已如此此其所以不能成完整瓜分而必成糅雜瓜分也夫中國今日幾於寸寸之地各有一人爲地主種種之人各有一人爲主人即使外人侵入之事止於目前已不可爲國況數年之後相切益密將無一事不有外人羼入其間雖欲自辦一事而不能矣故其所處之困自遠過於完整瓜分蓋各國若用完整瓜分或尚有一二省之地主名未立吾人豪傑能乘機運動得以保其獨立即可爲將來蒙泉剝果之機此一利也或此某地所隸之某國適有大亂不能兼顧吾人亦可乘此時機脫其羈勒以達獨立之目的此二利也惟糅雜瓜分則二利全絕其瓜分之法不繫於地或以線路或以鑽產或以宗教或以財政或以官職皆牽一髮而全身動通國無不到之處故第一利不可望一鄉一邑之中各國具焉天下列強無同時衰亂之理故第二利不可望而其所得之果則束縛不動無可作用浸貧浸愚浸弱以坐待夷滅而已若夫致此之由亦非出列強之成算如斯之事無人能以成算爲之者祇以吾國地大民衆外人一時不敢倉猝瓜分而蚩蚩之民有暴政之逼無愛國之忱遂無不以投身異族爲得計其依倚外援也時非一時事非一事至極參差乃不期然而然以成糅雜瓜分之局也嗟乎以一服八爲天下之至難亡羊補牢乃識者所不許然則欲中國仍不改其爲古時之中國吾亦知其難矣然則此數千

年之文化其中豈無可議者哉

論外務部 錄甲辰十一月十三日新聞報

外務一部乃中外交涉樞紐之地也。得人則化。險爲夷。失人則蘊孽成患。中國自與各國交涉以來。無一事不失權。無一役不辱。國淺見者多歸咎於士民之野蠻。督撫之懦弱。而其實皆外部諸臣無外交之才也。其以前之外交爲外部。釀成失權辱國之患者。今日不必論矣。卽就償金運米二事以論。而外部諸臣誠有不能辭其咎者。賠款還金。各督撫爭持不決。已閱數年。尙無定議。而外部於此次之要索。不謀之於各省督撫。不審度各省之財力。卽貿然允諾。分電各省。勸勒限籌款。迨鐵欽使電爭。則又強人所難飭。令與無權之人。磋商以卸己責。外部諸臣之心不堪問者。此其一。至若中葡訂約。葡人要求運米。粵省紳士飛電相爭。則謂商約已定。不能挽回。查當日中葡商約未經簽字。改約不難。而外部直謂約已議定。不能更改。力卻之請。幸紳士不爲所動。電爭愈力。卒使葡約將渾。未一條不入約章。使粵紳爲外部所逼。後患實不可測。外部諸臣之心不堪問者。此又其一。嗚呼。五洲開通。交涉日煩。其恃以保國權。而全國體者。全在外部諸臣之措置得宜。乃以一國所恃爲代表政治之人。而庸懦如此。欺詐如此。糊塗如此。顛頽如此。宜乎與外人交涉。一次愈增。一次之虧也。由上

二事之外。表以外部。誠無才。卽上二事之內容。以觀外部。非特無才。而且其心。有不堪。問之處。夫使無才之人。而其心無他。雖不能幹事。尙不致。債事。以無才之人。而又。有不可。問之心。則其病國誤民之事。較之。有才者。其貽害。有百倍。其數者。蓋有才之人。能發能收。無才之人。祇知目前之利。不計事後之患。發之甚易。收之甚難。故秦檜之挾敵自重。與賈似道之挾敵自重。相等。而秦檜及身。金不開畔。賈似道。則轉爲元人所給。蓋才與不才有分也。吾不敢謂外部諸臣。皆秦賈一流人物。而就其辦理交涉之跡。以窮其叵測之懷。雖無秦檜作奸之具。容有似道賣國之心。此則記者於還金。運米。二事。不能爲外部諸臣寬其責。而恕其罪者也。昔某國於禁煙一案。風傳用賄至若干萬金。天津仇教一案。風傳欽差得賄若干萬金。事在曖昧。眞僞難憑。然使果無形迹。何致人言如此之甚耶。是以近三十年來交涉之案。於某案。則曰某要津有回釐若干萬。於某案。則曰某達宦得賣費若干萬。因此及彼。凡與外人一切交涉。無不疑爲受賄。即使清白乃心。一金未取。而赤素已混。玉石不分。不受賄之吏。亦受受賄之名。此眞中國之大辱也。外部爲交涉之代表。諸臣無交涉之才。則亦已矣。反有種種形跡。令人可疑。以交涉樞紐之要地。而使形跡可疑之人。蟠據焉。中國前途。吾未知所居矣。

各國 江甯洋務局已改爲兩江洋務局近已知照駐滬各國領事
中韓 十月初一日 特簡曾京卿廣銓爲駐韓公使

中日 漢口日本領事已於長沙設一分署派駐滬副領事前往接辦 駐華日使近牒外務部云敵國所派來華游歷員花岡幸之助近已抵京擬考查戶刑二部一切章程請爲接待外務部允之

中俄 政府得伊犁馬將軍電謂伊犁一帶及西甯等處漢回撫難僑居俄人藉口保護現已調兵欲往干涉云云旋由

政府牒告駐華俄使請其停止派兵之舉而俄使又要索庫倫新疆等處地方事權欲以抵制藏英新約云

中英 赴藏查辦事件唐少川京卿已於十一月起節赴藏 英使牒外務部將親赴南省考察商務牒請外務部電達

南省督撫保護外務部允之

中德 外務部折據粵督岑制軍咨謂廣東七星嶼海面捕獲私鹽船一艘載有洋槍四百二十枝彈藥二箱查係德商由香港運往廣西接濟匪徒者請轉禁商人毋得私售軍火有違約章云

中法 近有法國兵艦多艘先後駛入揚子江齊至下關江面下碇其滿禁船總管帶法國二等提督貝爾駐滬總領事巨賴達副管帶爾納總兵谷羅斯參將費德細其思多賴船管帶費爾德沙費里納船管帶羅山沙慕斯甘船管帶谷弗德豐多船管帶奈脫干總谷梅及鎮江天主堂總司鐸施方禮又提督之繙譯張保祿畢輝等十三人均於七月三十日往謁江督江督亦即趕下關答謁云 法人以測量海道爲詞派兵輪哥墨駛入廣東雷州內港復欲登岸插旗旋經粵省督撫婉詞謝絕妥密保護之策又德國兵艦疊入揚子江上下一帶游弋而其水師又在鎮江荷花塘地方租地築船存儲煤斤至洋艦驶入鄱陽湖一節近知該艦名卜色列司本以游弋而至近奉其提督之命順查樂平新昌二處教案暫泊鄱陽以示懼其管帶羅及安德物二君往謁江撫夏中亟詢以教案辦法經夏中亟面覆遂即回滬

中葡 中葡商約言華人入葡籍事係外部接准粵督咨文轉咨商約大臣照會葡使略謂廣東內地人民多入洋籍平時往來內地居家置產無異平民迨至身爲罪犯或因訟求勝輒請領事干預更有犯事後始入洋籍既欲享洋人優待

保護之特別利益即應棄內地人民應享之權利若居住內地經商置產應試捐官與平民無稱區別有事則掛名洋籍
藐法抗官又游歷護照本爲洋人入內地而設近來僑寓外埠之洋籍華民回國時每由領事給照請爲照約保護且有
本在內地並非游歷亦復冒請護照藉以干鍋官長關說詞訛其弊不可究詰並據聞督咨稱內地居民投入洋籍往往
藉照運貨不納稅釐各等因應請於議約時商明分別良莠約定限制載入商約等語因擬條款如下茲因華人冒入洋
籍時有恃符滋擾情弊彼此訂明凡華民投入葡籍須查明確係安分方准註冊並報華官備案如犯罪在先入籍在後
一經華官知會當即銷册追照按兩國交犯約款送交華官自辦遇有入籍者請照游歷應由該管領事查得實據轉送
華官察核始予保護倘入籍後仍服華裝即行駁斥已改西服所有原在中國之產不得再行管理親族涉訟亦不得干
預此爲嚴杜奸民弊起見想貴國當亦樂從請煩貴大臣查照附入約章云云旋經葡使以爲入籍之事應由葡國自
訂律例不必詳載商約中國所指各弊必爲豫防云云

中義 十月初三日義使巴樂禮覲見 皇太后 皇上

中美 美政府所派駐杭領事安特生近已抵杭其辦事權限兼及甬鎮二府且全浙之中美交涉亦皆歸其辦理 莊
滬美總領事貽書三藩謝司戈城稽查進口員斯答拉頓囉將查驗華商學生入口之律略加更易旋覆以嗣後此項商
人學生若於起程時先行查驗呈報抵美時自無留難 前在廣州溺斃蛋婦之美人兩名芬蘭人一名近已判定死罪
中非 直隸候補道劉觀察玉麟奉袁宮保委派爲南非洲總領事官現已前往蒞事

各國交涉彙誌

俄德 德皇近聘駐德俄使館附屬武官爲宮廷參謀俄皇亦聘駐俄德使館附屬武官爲宮廷參謀以示俄德兩國政
治有不可離之關係而彼此睦誼有非尋常可比者云
法連 法連盟約近訂安故通維諸法國領事培都司君爲其顧問官又聘哥粒大佐統帶批培船及幸礦兩省陸軍
法瑞 法國與瑞士所訂盟約業已簽押

商務印書館
國文類科教書

文學初階

初等學堂用

卷一卷二卷三卷四每冊一角
卷五卷六每冊一角五分

紹興杜亞泉著○書分六卷自淺入深循循善誘始以一二字相聯綴導其先以三四字成詞句兼其進步依次遞進如升階然篇中詞尚淺近意取明晰務期童蒙易悟附圖數百幅凡飛潛動植服飾器用等類靡不惟妙惟肖首卷並列教授諸法尤便講解學生約半年讀一冊足敷三年教學之用

馬氏文通

每部八冊
價洋一元五角

丹徒馬建忠著○馬眉叔觀察精通西丁法蘭西文字會惠敏文集紀其在法國學校卒業考試情形可為我國言西學者之先進矣是書專論中國文法疏解詳明開數千年未宣之秘觀察自序謂積十餘年之勤求探討方成此編可想見其下筆不苟今承書主以是書歸本館專印專售現售馬氏自印石印本

漢文教授法

每部二冊
價洋六角

德國主人譯輯○作文之學中國向少法程初學恆以為苦是書獨採古大家名文辨别體裁區分門類由句法而段法而篇法逐一講明條理清晰教授之法此為捷訣

伊索寓言

每部一冊
價洋三角

閩縣林紓候官錄培南嚴擇合譯○伊索自希臘距今二千五百餘年是書藉草木鳥獸問答之言描寫人情世態使人知所勤懃秦西各國學堂無不譯成本國文字用為課本是書據英文本譯出詞筆傳雅足稱原書聲價林君並逐誤附加案語發明異意旨深詞摯附圖數十最資啓發誠少年絕妙之教科書也

商務印書館編新國文教科書

初等國文教科書教授法

陸續發行

此書與教科書相輔而行教科書為學生所用此書為教師所用準教授學之階段及課分列據教授運用之法附以參考及習問以便教師有所依據內地教師苟應用此書兼參考教育學管理法則於小學師範思過半矣

第一冊 價洋四角 第二冊 價洋三角

第三冊 價洋三角 第四冊 價洋三角

初等小學習字帖

陸續發行

第一冊 價洋一角 第二冊 價洋八分
第三冊 價洋 第四冊 價洋

此書與本館所編國文教科書相輔而行書中所有者無一不能督導無遺亦不難以更隨筆隨寫可助記憶凡十冊亦備初等小學堂五年之用

版書

教育

論政府擬設檢報局 節錄甲辰十一月初六日羊城報

文明之國無不有保護報館之責任。誠以報館者爲輿論之先聲。行政之標準。猶日用飲食之不可一日無。故舉國上下莫不保護。珍重務期日臻發達。由是閱報者愈多。而報館亦愈多。民益以智。國益以強。從未聞有束縛制限禁其言論自由深閉固拒如我中國者也。

前讀京津時報。有北京擬設檢報局之說。嗚呼。使是說果行。吾不爲中國之報界悲。吾獨爲中國之前途悲。夫中國自古以專制立國者也。士子以閉關自治爲宗旨。執政以束縛言論爲目的。上下之情惟恐其不壅隔中外之事。惟懼其相遇間。斯時固不須有報。亦不知所謂報。自通商互市以來。各海口始設有報館。自嘉慶二十年開設馬喇加之教會報。咸豐十一年香港之中外新報出現後。各處報館始陸續繼設。至今日而報界之發達。遠軼於前。然自通商口岸及外地出版之報外。內地之報亦不過寥寥十數種。甚至偏僻省分求一報館而不可得。以數百萬里之地。設報館者不及百之一。數萬家之縣。閱報者不及十之一。自聾其耳。自瞽其目。此無他。由於言論之束縛限制過甚。而報界之不得臻於發達也。我政府今日

而欲圖強。則宜先著意於報館。應如何保護。如何獎勵。如英之新聞業保護會。日本之獎勵保護工人印刷業等事。而大弛言論自由之禁。夫如是。猶懼有爲之阻力。而不得臻於發達者。又況公然欲束縛限制。設檢報局以律之。嗚呼。是何異欲其聞而難其耳。欲其視而昧其目。去文明而卽野蠻。下喬木而入幽谷。沉沉大陸。永無一線光明之可望矣。雖然。近世文明諸國。無不設有報律。如日本報律載有關於政體。若議事。若建白及請願書。非經官廳許可。不得記載。我政府欲設檢報局。得無以是不知檢報局之設。前此歐洲諸國。亦間行之。不過預爲妨害治安起見。其後立憲國以其礙民智之發達。咸廢此制久矣。今我國憲法未立。報律未設。而遽欲倣行。檢閱之弊。政其妨害民智。恐更不可思議。蓋檢閱之制。不過據一二執政之意見。或筆或削。可否惟其所欲。是何異設監謗之官。爲偶語之令。勢必至錮蔽我國。民若驅之於暗室之中。不問不聞。而後已。吾不知政府將誰與國也。吾請徵之歐美文明諸國。其對待報館。無不持放任主義。雖設有報律。然亦明定報館與政治家之界限。而報館於政治棼亂之際。其有誤於大局者。俱得排斥黨議。據公評論。而執政亦樂藉其勢力。以爲羽翼。如意大利之獨立。其得力於格蘭斯頓之論。著至今猶爲意大利議院之紀念也。如俾士麥之再欲擊法。亦商於柏林報之主筆。使主張排法論。以聳動民心也。如法政府之欲破俾士

麥之陰謀。亦商於倫敦太晤士報。使暴露德之貪婪也。由是觀之。報館者。政府之奧援。清議之所聚。軍國大事。猶當與謀。奈何禁其舌。籍其口。以自失。奧援自削。羽翼乎。吾又徵之俄國。俄專制之國。其政府專以愚黔首。閉人文爲得計。故於言論出版之權。極其束縛限制。查其檢閱之制。有受檢閱與不受檢閱而須停止或禁止者。其受檢閱者。無論爲原稿。爲出版。皆須隨時請其檢閱。如原稿有不妥適者。任意刪削塗改之。各國出版之報。有不當意者。亦拉雜而摧燒之。其干涉國事者。不許出境。而稅關嚴訊之。此其束縛可謂極矣。限制可謂嚴矣。政府一人之力。可謂大矣。然而內亂不靖。外患方殷者。何也。由於失其奧援。削其羽翼。而視報館爲毒物也。吾不知我政府今日將效文明諸國之所爲乎。抑效俄專制國之所爲乎。吾又言俄今日之現狀。

古人有言。防民之口。甚於防川。西人亦曰。自由猶樹也。以壓制之血灌之而長。故厲王以監謗而亡。國梅特涅以禁印刷而造亂。國民之反抗力。恒視壓力之輕重。以爲率。此固自然之公理也。夫以俄國之束縛言論如彼。疑其業新聞者之幾絕矣。然而各地之秘密報社。日益加多。查一千八百年間。其刊行者不過七十餘種。迄今頓增至七百數十餘種。其進步之速。實夢想所不及。雖如何檢閱。如何壓制。曾不足以耗其氣勢。而所謂自由漸進黨及急進黨。

者組織報社或諷刺人心或傳情小說皆足以激刺腦筋爲政府之大敵是則檢閱之制徒成具文而叢怨府耳蓋聞物極必反屈極必伸铤而走險窮獸反噬古人有言風俗之變法制隨之譬如江河之徙移順其所欲行而治之則易爲功強其所不欲而復之則難爲力當此民族競爭之時歐洲文明橫流人國風潮澎湃不可遏止而俄爲尤甚苟因其勢而順導之則易爲力若猶多方阻格一言論必爲之檢閱一舉動必爲之監督甚至形迹稍涉可疑者亦逮捕入獄其上等社會則不得不去而與人民爲伍其下等社會則吞聲飲泣敢怒而不敢言由是而騷動不平之事時有所聞俄之志士亦多若聶政專諸之輩乘間突發而政府幾有岌岌不可終日之勢此由於束縛言論過甚而壓迫之下反抗力使然也夫歐美立憲諸國放任言論而所得之效果如彼俄束縛言論而所得之效果又如此故曰檢閱者俄獨一無二之專制法民人之蠹國之蠹賊也中國今日豈宜蹈其弊政所當擇善而從去俄國束縛限制之法而師英日獎勵保護之意庶幾國有豸耳

夫使我政府而不襲俄之弊政則已如其甘蹈覆轍不計利害不度安危必期實行其所謂檢報局之說吾恐異日中國前途之蒙其害更有甚於俄者西人有言政府強制民事則民失獨立毅力以倚賴於政府其國必衰夫二十世紀以後世界上無一專制國立足之地此

固人所共知也。然以今日俄國之專制如彼，猶能自列於世界強國者，亦由於民情之堅強，勇鷺也。今我國民之強毅力猛進，力其不如俄遠甚。試問異日檢閱之制果行，內地志士，其能以百折不撓之力，如俄之秘密報社自由組織乎？其猶能據公品評，譏切時事者，除海口各報及外地出版之報外，當百不得其一。而內地之所謂報者，既圈伏於政府勢力之下，則不得不任意揄揚，取媚執政，而求能如俄之社報，以諷刺傳情，鼓動我國民者，必不可得矣。雖然，吾固不敢謂我國志士無俄之急進，漸進黨派其人者，然以我國民能力之微，未其程度，尚非所冀也。夫當此存亡絕續之秋，不思團結民心，抵禦外侮，而乃預爲壓迫之計，解民團之體灰愛國之心，所謂盜賊據門牆，而猶禁室中之人不使聞，知吾恐異日瓜分之聯軍長驅直入，更無一兵一騎爲我政府抵禦之者。我政府而不欲爲波蘭、印度之續乎？則願亟立憲法，以結民心，弛言論之禁，以伸民氣，鼓勵報館，以開通民氣，庶幾可挽回國運於萬一不然，則我國區區數十種之報界，固不足惜。吾亦何必置辯所可惜者，獨此數萬萬之生靈，數百萬里之幅員耳。故曰：吾不爲中國之報界悲，吾獨爲中國之前途悲。

論中國士人腐敗之原因

節錄甲辰十一月二十五日警鐘報

泰西無人不士，無士不學。中國則士第居四民之一，而學非所學，固無論已。然泰西之有士

足以興國強國。中國之有士足以弱國亡國。何者。泰西之士以國事爲一己之關繫。每多干涉。故興強中國之士以國家爲朝廷之附屬。每恒主放棄。故弱亡起點既誤。而末流之千瘡百孔。皆從此生矣。故吾謂中國士人者。國民之一大蠹賊也。挾其攷據詞章時藝無用之學問。欲其舉人進士翰林不費之科名。無普通之學業。無特別之思想。不知亞細歐羅之何在。不識唐宗漢祖之何屬。不審專制共和之何政。不曉憲法公法之何物。於世界之大勢國家之學理。國民之公義豪傑之責任。懵乎未有知也。其經營斗室之中。咭哩衡廬之內。舍作官發財之餘。別無思想。田宅妻子之外。絕少抱藏。是讀書者實以養成貪慾不道之品格也。是故其任事也。兵刑錢穀。貿然弗諳。國計民生。渺焉無涉。由是勢利所在。趨之若驚。圈限死守。固敢破格。朝野上下。靡不以官階之高下。祿俸之多寡。誇耀欣羨。以得邀榮寵。而施施自豪。以能致富貴。而沾沾自喜。柔筋脆骨。以立人羣。脂韋突梯。以竊顯位。名爲士人。實則死人。之不若其不肖者。藉文章以作階梯。要權貴以希榮寵。刻脂膏以充囊橐。獻苞苴以博超遷。吮齶舐痔。無所不爲。落井下石。靡所不至。腐敗之形式。如是而已。卽其賢者。亦不過炫其魑魅罔兩之學術。拘其天澤名分之腐詞。謬託忠君敬上之僞名。以隱遂富貴功名之私計。或掊克聚斂。以供一人之嗜慾。或闢地爭城。以成民賊之基業。試繙二十四朝歷史所載。名

臣名將。功業赫鑠。聲名彪炳者。其能爲我國民謀百年之利益。完一分之義務者。殆幾絕也。問能如孟德斯鳩。盧騷之發明公理。以開民權自由之政體者。有諸乎。無有也。問能如克杜威爾。佛蘭克林之倡設國會。以創代議共和之民治者。有諸乎。無有也。乃復藉家奴走狗之技。而鋤同媚異。以成其富貴祿利之私。而喪吾民族之資格。國家之辱。莫此甚矣。國民之恥。又何如也。而我四萬萬人。顧未嘗以爲辱焉。以爲恥焉。羣天下人士。公肆其自私自利之心。奔競於爵位利祿之中。而置天賦之權利。國民之義務。於不講。以委諸政府。放棄責任。失其自主。以致專制頽敗。民不聊生。瀕於危亡。而莫救。皆此士習之壞。儒術之陋。營私罔利之念。深印腦蒂。潛入膏肓。而不自知。有以階之厲也。源濁者未必不清。以如此頑鈍無恥。鬼魅蛇蝎之人。而掌握國家之政權。欲其國之不弱亡也。烏可得哉。烏可得哉。嗟夫。吾非故爲此激直之談。以斥盡當世也。實吾國士人荼毒社會之罪。有不能爲之恕者。春秋責備賢者。我同胞其醒諸。

湖南巡撫陸奏籌辦湘省學堂情形摺

竊維學校所以培才教育。所以興國古今中外。皆一理也。近年迭奉諭旨。辦理學堂。仰見朝廷。作育人材。振興國勢。之至計。臣雖愚陋。其敢不仰承。聖旨。實力奉行。湖南省自前撫

臣趙爾巽振興學堂一年之中創立最夥漸推漸廣風行各屬臣抵任以來謹就省城各堂親歷周覽未嘗不歎其提倡之力規畫之宏祇以風氣初開其中功過利弊非旦夕所能驟見而杜漸防微不得不慎之於始當經參照管學大臣奏定章程編成文告諄切誥誠並刊印前項章程二千餘部頒發各屬以示遵守兼飭學務處於學界中應盡義務切實籌辦在案臣查湘省學堂大致區分三路長沙岳州寶慶爲中路常德瀘州辰州沅州永順靖州爲西路衡州永州郴州桂陽爲南路人情之通固不同興辦之遲早又異故現尙各屬風氣未能一律從同中路惟長沙府中學堂甫經籌款辦成其餘官立民立學堂不下二十餘處大有蒸蒸日上之勢然求其缺陷殊非一端大率形式具而精神少空談盛而實學衰或以敷衍爲其文或以激烈爲宗旨臣隨時隨地留心查看免其補偏救敝之計除飭學務處嚴加稽查外一面就省城師範高等學堂改良辦法樹之風聲擬於師範教科之中責令教習生徒輯譯詳細講義庶科學漸有津梁於高等則注重語言文字算學理化諸門以備將來派入大學堂研究專科及出洋學習專門之選此籌辦中路大略情形也西路則常德一府爲全省商務薈萃之區華洋雜處風氣驟變士紳之辦學務者銳意猛進振奮無前然以教習未盡得人頗多物議辰州則約束嚴明進步較爲穩固臣維學術最患歧趨故常德已成

之局釐剔改革之爲難反不如永靖僻陋之鄉督率倡興之猶易現正選舉老練之紳監督而稽查之庶默化潛移俾得趨於正軌此籌辦西路大略情形也南路講求教育爲時較晚故師範之設尚乏專科前撫臣趙爾巽撥款創辦設堂衡州事纔經始臣抵任後督飭催辦近以全工落成監督教員陸續聘到總期始基克正乃可圖擴充久大之規衡府中學亦開辦在卽規制稍求完善以爲南路先導其餘各屬雖皆設有中小各堂名目而物力師資兩皆未足恐非一時所能奏功惟彬州集款稍多擬令切實經營俾勿虛糜款項此籌辦南路大略情形也至出洋遊學一端在今日誠爲急務然考之從前所派大都普通尙未卒業語言又未研求遂慮凌節而施轉多流弊現據學務處議詳除業經資遣者仍寬其學期俾得卒業外其續行選派者於考核之始語文科學必立一格以爲衡旣派之後講義教科必接期限爲呈驗否則任缺毋濫以飾浮靡或冀各就範圍不至務虛名而貽隱患此又臣整頓游學之辦法也臣維風氣無百年而不變錮蔽之久自應力求開通然一以開通爲事而不顧其本原之所在勢必宗旨政出邪說橫行大爲風俗人心之害是以防弊莫如立法而行法首在得人學堂中監督而外首重教習教習之邪正賢否學生之趨嚮行習視爲轉移一有不慎爲害甚鉅臣惟有督飭學務處實事求是加意延訪務得端人正士碩學通才別類

分門各專一席期於挽頽風而收實效以仰副朝廷興學培材之至意謹奏奉硃批學務大臣知道欽此

兩湖總督張札設存古學堂文

照得今日環球萬國學堂皆最重國文一門國文者本國之文字語言歷古相傳之書籍也卽間有時勢變遷不盡適用者亦必存而傳之斷不肯聽其澌滅至本國最爲精美擅長之學術技能禮教風尚則尤爲寶愛護持名曰國粹專以保存爲主凡此皆所以養其愛國之心思樂羣之性情東西洋強國之本原實在於此不可忽也嘗考書云惟土物愛厥心臧聽聽祖考之教訓蓋必知愛其土物乃能愛其鄉土愛其本國如此則爲存心良善方能聽受祖考之教訓是必知愛國敬祖其心乃爲善若反是則爲不善也中國之聖經賢傳闡明道德維持世教開啟聰明尊貴種族固應與日月齊光尊奉傳習卽列朝子史各體詞章軍國資用亦皆文化之輔翼宇宙之菁華豈可聽其衰微漸歸泯滅查此次欽定學堂章程內學務綱要第十一條卽係重國文以存國粹言之已詳本部堂回鄂以來體察各學堂情形所有致派各堂監學及中文之經學史學算學圖學中國地理中國詞章等各門教員皆係本部堂在楚所設經心兩湖兩書院中之都講高材分布各處該生等中學素有根底人品

向來端純深知宗法聖賢兼以博覽典籍故此次分派各學堂職業以及趕學速成師範補習普通派赴出洋遊歷考察學務均有可用之人通省學堂需人甚多且京師調取以及各省索取絡繹不絕外出太多已覺不敷誠恐數年以後經心兩湖舊學生年齒已長或仕宦登朝或有事外出且學堂建設日廣需用教員管理員日衆舊日學生日稀將何以取資應用而中文中學向來義理精深文詞雅奧新建學堂學生所造太淺僅可爲初等小學國文之師至高等專門學普通中學優級師範高等小學皆無教國文專門之教員倘高等以下各學堂之中學既微中師已斷是所有國文之經史詞章無人能習無人能教然則將來所謂大學專門豈非徒託空言既無周秦傳經之名師安有兩漢立學之博士竊恐不免有經籍道熄綱淪法斁之憂言念及此不勝大懼查經心書院乃本部堂前提學湖北時所建專爲令諸生通經學古而設所出人材蔚然稱盛前經札飭改爲勤成學堂今勤成學堂已另籌變通辦法應即將經心書院故址改爲存古學堂派委候補直隸州本任江夏縣知縣陳樹屏爲提調屋宇量加修改添造務期合法專聘博通中學經史諸子詞章各門學問之師儒爲教員選取中學較優之生入此堂肄業即專習此數門數門之中經學爲一門應於羣經中任占一部說文爾雅學音韻亦附此門內史學爲一門應於念四史及通鑑通考中認

占一部 本朝掌故卽附此門內詞章爲一門金石學書法學亦附此門內以上或經或史無論任習何門皆須兼習詞章一門而詞章之中但專習一種即爲合格或散文或骈文或古詩古賦皆可兼習者聽博覽爲一門凡習經史詞章三門者後四年皆須同習博覽一門此學堂本應選取高等小學畢業者升入特以目前初等高等小學尙未造有成材應就各學生員考選不拘舉貢廩增附皆可至監生童生皆不收錄惟總須年在三十五歲以下如犯有嗜好者一律禁止屏絕其規矩整肅衣冠畫一講授皆在講堂問答寫於粉牌每日兼習兵操出入有節起居有時課程鐘點有定會食應客有章與現辦文武各學堂無異其年長身弱者柔軟體操器械體操兵式體操均應一體練習惟各項體操中其練習過難用力過猛者免其肄習要之孔子所言溫故而知新一語實爲千古教育之準繩所謂故者非陳腐頑固之謂也蓋西學之才智技能日新不已而中國之文字經史萬古不磨新故相資方爲萬全無弊若中國之經史廢則中國之道法廢中國之詞章廢則中國之經史廢國文既絕而欲望國勢之強種類之盛不其難乎今此學堂既以國文爲主即可勿庸兼學外國文字語言至外國歷史博物物理化外國政治法律理財警察監獄農林漁牧工商各項實業等事只須令其略知世間有此各種切用學問卽足以開其腐陋化其虛擣固不必一人兼擅

其長每一星期講習一點鐘即可若算學一門本係中國經學史學所必需自當仍舊講習且本朝列聖欽定數理精蘊等書測算即用西法自不宜墨守九章四元舊式地理及輿圖一門古來中學所重見諸正經正史況天地人大端要略既名儒者豈容茫然不通今全球地圖幾於家有一本豈能劃分中外亦應兼習但算學地圖不必過於求精鐘點亦不宜太多俾其時刻較寬可以專力中學務造精深總之前奏各學堂章程務在開發國民普通知識故國文及中國舊學鐘點不能過多此次存古學堂重在保存國粹且養成傳習中學之師於普通各門止須習其要端要端謂算學地圖兩門知其梗概故普通實業各事鐘點亦不必過多以免多占晷刻兩法互相補益各有深意不可偏廢不相菲薄所有各門學問鐘點另單黏附於後畢業以七年爲限該堂監督一時暫難選得其人凡學生平日功課由各門分教員填注分數之交提調彙齊列表呈候本部堂核定榜示其年終大考由本部堂親臨察試此項學生於既定課程之外能有餘力加習洋文爲將來考究西籍之基惟本學堂管點已多講堂已滿實用尤大應准就附近所設外國語文學堂自行兼習則畢業後可照高等學堂例奏請獎勵並准送入大學堂文學專科肄業將來遞升入通儒院其不習洋文者聽惟獎勵須量減一等畢業後止能送入大學堂文學選科肄習以示區別凡畢業者將來

備充各師範各普通中學高等學大學等學堂文學專門之師此項存古學堂肄業學生以三百名爲額分爲三班取錄聽候示期招考入堂勿誤此札

河南建設武備學堂開辦章程

一立學大旨 武備學堂專爲培植將才起見一切法制自當與軍營爲表裏凡戰陣攻守之策切實講求合中西而兼用卽以合文武爲一途諸生來堂肄業務期遠大爲懷臥薪嘗膽將來造詣精深歷考優等填給文憑保獎授職分符事闈悉基於是運籌帷幄制勝疆場仰副朝廷慎重武備力圖自強之至意 一酌定學制 藩臬兩司與常備翼長督理全堂事務堂中設總辦一員總理一切應辦事宜所有委員司事武備學生統歸管轄監督一員會同總辦總教習參訂課程修改條規監察各教習勤惰稽查學生功過總教習一員專司擬定課程隨時請總辦核准督飭各教習實力奉行遇有應興應革事宜商承總辦監督秉公辦理提調一員稽查一切事務兼司酬應堂中書吏夫役人等如有過犯統歸提調核辦輿地測繪各種算學教習一員礦學教習一員鎗學軍器學教習一員防守學工程學教習一員水雷地雷教習一員中文教習二員正副文案各一員經理文牘支應一員收發書籍儀器及應用物件司帳一員經營錢糧出入管理軍械一員醫官一員稽查一員司事二

員其餘書吏夫役亦由總辦酌用 一勤加訓練 學堂教法分作內堂外場講堂教授兵法陣圖及地輿算學測繪形勢軍械雷電一切武備各門行軍機要之法操場習演馬隊步隊礮隊工程及行軍偵探圍攻狙擊防守溝壘橋梁燃放地雷各種林操野操一切運鎗用架越險阻各體操中文則歷代兵書戰略經史子集有關武備者設立分門教習視學生造詣淺深次第講授諸生亦宜各矢精勤視爲身心性命之業庶幾學有實濟款不虛糜 一選擇學習 學堂爲國儲才必求識見宏通深明將略者方勝總教習之任其專門教習應即選募高等卒業學生才藝出衆者分授內堂外場課程爲武教習另選精通史事諳練掌故洞達兵機時務者爲中文教習以上各教習均須品學兼優堪爲諸生矜式若志趣浮薄沾染嗜好者概不錄用至於堂中教授一切新法自宜聘請洋員以收事半功倍之效現在學堂初設經費未充暫從緩議一俟續籌的款再行延訂一定設學額 新建學堂刻將竣工學額暫以八十名爲率內分招考學生四十名隨營學生四十名均用土籍兼選駐防旗下此外擬定額外學生念名專爲有志附學情願自備資斧者而設無論土籍客籍均准報考其招考學生擬請撫憲先期出示凡武舉武生及官紳世家子弟皆得應考必須姿質明敏身體壯健粗通文義者方爲合格由學生父兄出具切結加具保結年歲限自十五歲

以上至二十五歲以下經本學堂考試取定方准入堂肄業自開學日起一切飲膳由本堂備辦俟三個月甄別後留堂肄業者每月津貼銀二兩如派充學長再行議加係旗丁原有錢糧免其扣發用示體恤其有立志嚮學精益求精者歲考後酌加贈銀遇有大故請假須稟由總辦核准方許回籍倘或始勤終惰違犯堂規酌定日期罰停贍銀如有滋事逃學確係不堪造就者應即嚴懲以警效尤一考核功過「每日課程總學習分教習彙酌派定開單懸挂講堂各立點名簿一本按照次序書列諸生姓名每日午前午後由教習執持按名打到戳其有無故曠功者記過一次一月中無一日間斷者記功一次諸生有過犯在內則按學規責罰在操場則照營規核辦其餘差役人等有過犯均照營規辦理一計期考課每逢初二十二等日課試一次爲散課月終竭一日之力考課爲月課散課由總教習會同監督文教習評定甲乙月課由總辦出題會同監督局門面試交卷後彙齊呈總辦評定甲乙次農武備總教習再閱看操法參定甲乙擇優獎賞季考則由總辦稟請撫憲定期親臨考試酌給獎賞至應考之事照功課清冊所註辦理其有高等學生於各項課程之外兼通聲光化電熟悉各國政治公法條約者應予優獎以示鼓勵一預定經費藩臬兩司不支薪水督辦月支薪水銀一百兩公費一百兩總辦月支薪水一百兩公費銀

六十兩監督月支薪水一百兩公費銀四十兩兼差者支公費不支薪水提調月支薪水銀六十兩正文案一員月支薪水銀四十兩副文案一員月支薪水三十兩武備總教習一員月支薪水六十兩地輿測繪各種算學教習一員月支薪水四十兩礮學教習一員月支薪水四十兩槍學軍器學教習一員月支薪水四十兩水雷地雷教習一員月支薪水四十兩防守學工程教習一員月支薪水四十兩中文教習二員月支薪水各四十兩支應一員月支薪水四十兩稽查一員月支薪水三十兩司帳一員月支薪水四十兩管理軍械委員一員月支薪水二十四兩醫官一員月支薪水二十四兩司事二員月支薪水各十兩武備學生四十名每名每月火食三兩贍銀二兩隨營學生四十名每名每月火食三兩贍銀二兩此項學生係由常備軍挑選除該營月餉每名四兩二錢應全數撥送發給外仍按名津貼八錢清書四名每名十兩內外號房各一名每名八兩護勇十六名每名四五錢號目一名每月六兩號兵五名每月四兩五錢看守軍裝夫役二名每名四兩伺候學生夫役十六名每學生五名一夫每名三兩飯廳聽差夫四名每名三兩挑水夫四名每名三兩厨役六名每名三兩把門二名每名四兩看講堂夫役二名每名三兩打掃夫四名每名三兩學生八十名每日早粥一次每月二十四兩委員教習等火食並燈油紙張茶爐煤炭每月約一

百六十兩夏季天棚冬季炭費每年三百兩以上全年額支經費銀二萬四千四百五十兩其學生操衣靴帽等物及添購書籍儀器紙筆學生醫費藥費一切活支之款應隨時請領備辦如嗣後擴充學務所需之款若數在五百兩以上者應稟請 撫憲核定咨司立案以上開辦章程八條所有未盡事宜應隨時續訂詳請施行

各省教育彙誌

京師 皇太后現既講習洋文故所有大公主各王公貝子貝勒之格格等亦多有延聘敎習肄習西語者 學務處奏明京師大學堂以次有高等學堂中學堂之分此外又有譯學館實業學堂皆屬別辦學生程度皆不甚相遠而畢業出身歧異未免名實不符請俟畢業考試時不必拘定學堂名目定以一律以杜流弊云云當卽奉 旨依議

直隸 直督袁宮保派員搜求 本朝有用未刊之書共得一千三百六十餘種均交保陽學校司委員校勘然後進呈再發給學務大臣酌定刊印分散各學堂涉獵

山東 孔燕庭上公近擬在曲阜十六社每社創設蒙養學堂一所照會曲阜縣令傳集十六社紳耆妥商辦法上公特首先倡捐鉅款以資經費云 長山縣李大令改書院考棚爲師範傳習所並設英文學堂一所
河南 近有連直刺文淵等稟立全浙學社專收寓汴浙人子弟不取學費先假浙江會館暫行舉辦
江蘇 揚州近又新設學堂三處一曰養正一曰正業一曰務本均已開辦
江西 材官學堂定額一百三十名派湖南拔貢李君金城爲總辦即在撫署設堂開辦

湖北 鄂督張宮保札飭各學堂除師範高等外須一律補習高等小學功課其主要溫經讀經大抵第一年級照高等小學第二年級照中學堂各學堂因皆聘請經學教習矣 南漳縣般若寺僧秀峯將寺產一方捐作學堂基址並年捐五百串以作學費

四川 會理州僻在南徼風氣遲開近經該州北路摩塗營馬君如珩創立蒙學一所各鄉遂相應繼起城中建立師範學堂頗有可觀 重慶士紳倡辦半日學堂四字學社以誘愚蒙業由府縣批准開學

各省游學彙誌

直隸 天津軍醫學堂挑取程度最高學生王秋巖等四人送往東洋遊學

江蘇 前署蘇撫諭中丞考取留學東西洋學生八十名未揭曉時水師學堂原占八名嗣因此次皆派學實業陸軍是項學生原習水師一旦廢棄本科未免可惜特抽出另補一面與駐甯英領事籌商派赴該國學習海軍嗣得英政府援電以英國海軍向不許他國人留學云云後經再四磋商始議准改派英國兵船學習駕駛等學由英政府覆電照允特派定水師優級學生沈樸吳振南王光熊朱天森方佑生蔡朝棟六人前往留學云

湖北 鄂省派赴日本游學爲知縣方仁元虞篤新黎春華徐傳篤裴朴布經歷王定國府經歷李明經州同汪恩全縣丞李繼興巡檢王昌鴻劉光績吳昌潤典史文萼輝田慶誠何慶頤趙激宇均於甲辰年東渡其續派知府齊耀珊知縣陳曾蔭等六人亦准於乙巳二月間赴東游學

廣東 潮汕鐵路總辦以鐵路工程緊要需才正多而中國此學不與惜才異地終非久計乃選子弟之質體強壯心思靈敏者三十人派赴日本學習路工以一年半卒業回汕即充當潮汕路工云

期一 第一 論 異 方 來

載
青



二十一

正月

商 務 印 著 出 版

嚴 又 陵 先 約 權 群 己 國 穆 勒 約 論 論 譯 新 生 先 陵 穆 勒 約 論 論 譯 新

John Stuart Mill's On Liberty.

是書發揮自蘇格蘭動清國
羣小己二者權界平社會之
凌振國民之精神大旨惡
苟同而尙特操殘死法而尊
公理平實地說實話無一毫
放誕恣睢之氣而胸次之超
眼界之間真樸狹合是者對
證之聖經原舊風行宇內久
推崇者精思妙策更能
相副自序有言學者必明乎
己與羣之權界而後自由之
說乃可用則是書之出其有
功於今日世道豈淺哉太
史公謂有國者不可不知春
秋爲人臣子者不可不知春
秋今吾亦謂爲國民者不可
不讀權界論也先生以版權
特歸本館許以專印發售書
凡五篇都八萬言洋裝一冊
價洋八角

英 論 罷 會 社

克 聞 訳 通

Ed. Jenks' A History of Politics.

民族主義源於秦西近十年來演繹我
國雖從其說者見有廣狹範圍文野而
其排外則一也惟是世界大通種界宣
泯彼都先覺猶標新義據華學天演公
理證明宗法社會軍國社會之殊前級
進大同而復族已經幾及彼方升堂我
勝鬱夷一等而我國今正運行後級漸
持陳說以自城進步乎更君寧效英國
鄂斯福大學是書爲三年前印本就社
會已然之述而推其所以致此之由探
尋陳君推倒衆說俟官廳先生以其能
導我國社會逐釋數月審核以版權界
本館專印行世現已出版洋裝一冊價
銀一元

商務印書館出版
嚴又陵先生新譯

詰 漢 文 英

孟德斯鳩法意

法儒孟德斯鳩著原名
EMILE DE ROUSSEAU
成於一千七百四十八年爲十八世紀極有影響之著作所論自君主民主之異制與其形質精神教育所因而殊兵刑財賦通商惠工風土禮俗獄謀宗教凡自希臘羅馬以來各國所施行之法典莫不著其所由而亦窮其結果網羅宏富體大思精旨全破綻軍中機書八種自隨而法意爲其一脉後爲法國造律遂成近世最善法典蓋是書聲價自此定矣而吾國朝野方言立憲行且大陸宏規著釐千里甚可慶幸邇者嚴幾道先生檢取原書重爲逐譯本館知續印行藉餉學界所冀於國家自強圖治之方不無海內諸公先覩爲快因請援原富之例稿分四起謹權幸邇者嚴幾道先生檢取原書重爲逐譯本館知小補至於譯家能事無待本館費一辭矣首次印行

凡十五卷價乙元六角

財政

論中國古代經濟學 錄甲辰十一月初一日警鐘報

近世以來中國日趨於貧。世之論者咸以中國自古迄今素無經濟學。故富國之術無聞。吾觀之中國經濟學始於周易。大抵以利民爲重。如易經能以美利利天下。立成器以爲天下利而孔子數足食是。曾子者以財散則民聚仁。孟子天下之利也。觀孟子之謂富國策也。以穀與魚鼈不可勝食財子然後驅而之善則以富民爲治國第一策矣。其曰何必曰利者卽與小人喻於利之義。謂彼接世民賊以天下爲一己之財產者不亦可以自反乎至墨子皆本此以言經濟學。有若曰百姓足君孰與不足百姓不足君孰與足。節藏富於民。卽尚書不作用節用上曰去大人之好聚珠玉鳥獸。君主一人之私好而甲盾舟車則一國之利益也。王弗爲一爲國民謀幸福一爲國君節冗費不加於民利者聖子之義也。非矜矜於節儉也。管子持國家主義亦以利民爲主。如治國之道必先富其民。而以人民之德義而觀一國之財政。如行其田野視其耕種則飢餓民貧則難治之類是也。因人民之德義而觀一國之財政。如倉廩實而之國可知觀其山澤計六畜之產則富。而富國之策則以改圜法。如乘島興鹽鐵。如海王謀蓄積。如國蓄富是又事語據是可富後先富是。

財政

二

正月

學大抵注意於田賦問題。然山至數篇所言民富君無貧民貧君無富則與儒家無甚異也。蓋當時之經濟人以地有積財爲最重。凡財貨輕重之權悉操之於此。如舊書云故人君以其食守其田地而制不足又曰以重視輕以賤施貴。李悝說孟子守井田徵助之制主薄稅歛之說。如薄稅斂耕者助而不稅之類。且言耕讀而不征市鹽而不征。與商鞅李悝之主開墾者迥然不同。李悝主閭望阡陌爲田法而不盡則純然自由政策。然爲庶學孟子守井田徵助之制主薄稅歛之說。如薄稅斂耕者舉曰蘭草菜任土地服上刑。與白圭輕稅。白圭言欲二許行並耕亦爲反對。蓋古時田賦問題皆慢其經界。求給民之欲是而楊朱則以個人之利。如荀子養民之利。故其說不同。此皆周末之經濟學也。孰謂中國古無經濟學哉。至秦漢以後士夫高譚性命諱利字而不言。至有正義不計利之說。數千年來習焉成風。而古代之經濟學亡矣。此富國之術所以失傳而國家日有患貧之慮也。悲夫。

論今日宜整頓財政 錄甲辰十一月二十二日時報

今日京外各官之所汲汲皇皇者莫不曰財政。武備。教育。實業。而四者中尤以財政爲最要。善理財政則三者皆可具舉。不善理財政則任舉其一亦不能實行。故今日全國所經營者。其視線無不注定於財政。即外人所欲掠奪者其視線亦無不注定於財政。則雖謂我國之生死存亡。皆繫之於財政。亦未爲過也。雖然。羣知其要。卒未聞有一人切實整頓者。則以未

明財政學理。故其所籌措類皆剜肉補瘡之流。卽間有明者而因行政機關之紊亂。雖欲整頓亦每苦於無所措手。此實我國今日之現象也。夫以財政學理之淵邃而際財政竭蹶萬難之時。又生當行政機關最紊亂之國。則雖焦思苦索恐亦無當。然而椎輪大輅有開必先。土壤細流雖小不棄。記者於此有不能已於言者。請貢其崖略。

夫財政之最要者莫如預算。西哲有言。一家之預算量入以爲出。一國之預算量出以爲入。此治財政者之恒言也。國家愈文明。則其歲出歲入之費愈多。出入之費既多。則其預算之法亦愈精密。預算有歲出歲入。今日吾國之所宜講求者。莫如先算歲出歲出。有單預算。有複預算。吾國之所宜講求者。莫如單預算。所謂單預算者。合經常與臨時而一之。而所謂複預算者。則分經常與臨時而二之者也。吾國向無經常臨時之名。其所支出者。各省有各省之報銷。而甲省與乙省又有協餉。有指撥。有認解。諸名目。其得解部者。不過十之二三。故間之戶部而戶部不知。若就其所報銷者而論。若者爲抵償某項費。若者爲填充某項費。若者爲挪補某項費。卽問之各省之掌藩庫者。掌鹽課者。掌釐局與稅關者。而彼亦不知紊亂如此。一家尚且不可。況一國乎。吾謂今後戶部宜製一單預算表式。不立經常臨時之名。惟多儲一分預備金。以爲興辦各新政之用。通飭各部司曹署與督撫疆吏。分飭所屬行政官切。

實編制編定然後申詳戶部庶可以補救一二不然則恐如蕩子敗家日從事於典實以求幸免於一時終有田產物業盡罄之一日爾時雖悔將無及矣雖然此特理想之預算焉若實行之則恐不能何以故以行政機關紊亂故夫財政學與行政學本相鉤連因預算財政不能不委之行政官吏欲整頓財政先宜改良行政機關此事本屬於行政範圍記者不嫌犯論理學之所忌請略論行政機關其詳則俟諸別論今日中國之行政機關宜分中央政府與地方政府其中央政府之制宜仿日本內閣以外分置各省其地方政府之制宜盡裁司道府使州縣直接督撫督撫直接內閣惟督撫之下宜多設局所一如中央政府之制而爲督撫者尤貴久於其任以專責成兼許以自辟州縣如此則如身之使臂臂之使指凡百新政皆易於舉辦即預算財政亦易於按類調查此實今日之最急務也

外務部奏磋商賠款用銀情形摺

查辛丑和約第六款內載諸國償款海關銀四百五十兆兩接年息四釐分三十九年清還本息用金付給或接應還日期之市價易金付給等語各省督撫臣以照約表應按定約時之金價付銀不應按還款時之市價易金屢次電請力爭迭經臣等與駐京各使切實照會

並往返面商復電駐各國使臣與各國外部辦論僅美國應允按表還銀其餘各國堅持未允各使照復均謂賠款爲金款之債細核約文毫無疑義現因銀價跌落賠款以銀付給自較約載原數有加然不能因此致違定約并謂四百五十兆兩不過按照是年西歷四月初一日之市價合算兩數俾中國易於計算耳中國不能因金價增長而受巨虧獨不思各國因中國致費巨款所用本係金錢又豈能受落價之錢幣以歸還償款其詞皆甚決絕無可婉商又臣部前於二十八年三月三十日奏請飭下前兩江督臣劉坤一熟籌辦法轉飭江海關道就近與各國派出之銀行董事詳細辨明二十九年湖廣總督臣張之洞在京時亦迭與駐京各使磋商此事均未能就範每屆還款之期雖由江海關道照銀數付給各國銀行該銀行公會每期開送清單仍悉按以銀易金計算載明虧欠數目並將欠款於結算後即一律起利照此核計至本年三年屆滿虧欠之數約已逾千萬駐京領銜奧使齊幹等亦按期照會臣部聲明中國短付本息之數奉本國政府諭令實力索還臣等夙夜籌思萬分焦灼徒以約文爭辨亦屬無裨若再事延宕則負欠愈久積數愈巨彼終有索還之日恐後患必且無窮本年六月各使聯銜來照稱中國按月還款金銀價值漲落不一嗣後可將金價按月定準並允與中國展緩期限若每月實還之款較應還之數有虧所虧之數與暗

款之本一例出利倘至三十九年終中國交還賠款總數尙有不敷仍應按月接續歸還至本利全清而止此外別無辦法等語察其詞意既於無可減讓之中略予通融之法惟展緩一節虧欠之數仍一例以四釐計息則欠數必逐年遞增算至三十九年之後將又積成數萬萬之巨款臣等復擬將歷年遞欠鎊虧俟三十九年後統計還本免利各使仍堅執不允是欲圖展緩於目前實貽重累於後日思維再四兩害取輕究不如設法補苴以期年清年款因另擬辦法三端切商各使一金價須按月拆中算定一以前虧欠之款免再計息一未屆還期每月預付之款須按月扣還息銀以上三端如各使俱允照辦中國卽允於本年西歷年終將以前所欠之款一律清還並允以後每年應付之本息年終必掃數全清臣等擬此辦法蓋以按月折中定金價可免還款屆期金價驟漲之害欠款免息及按月扣還息銀均可以減輕現在之虧累而扣息一層將來之節省尤多如俱照行於賠款不無小補數月以來爲此事反復磋商唇焦舌敝現察各國漸有應允之意惟計期十一月下旬卽是西歷年底一有成議屆時卽須踐約清償款巨期迫能籌措足數尙無把握已由臣部隨時至戶部熟商從速預爲籌備亦明知各省爲攤派賠款羅掘已空騰挪匪易苟還銀一說稍有可以挽回之處臣等受恩深重具有天良亦何忍竭百姓之脂膏以供列邦之擄取無如

議論三年迄難結束各國銀行且乘此而虛增還期之鎊價苛算欠款之利息懸宕愈久受
虧愈多不得已而思補救亦只能就公允之情理以期抵制於毫末舍此別無善策實深悚
疚查此事前奉電旨著鐵良端方督同滬道悉心磋商昨據該侍郎等電奏以各領無權
不能著手請飭下外務部照會各國公使轉飭各國領事就近商辦方能開議等語奉
旨外務部知道欽此臣等竊維此等要件議事權限全在各國公使稟其政府訓令而行誠
非領事所能爲力若由臣部照會各公使轉飭領事商議向來無此辦法徒貽笑柄礙難照
會臣等爲大局起見不敢稍存拘執亦不敢再事遷延相應據實瀝陳請旨裁奪伏乞
聖鑒謹奏奉硃批著照所請戶部知道欽此

練兵大臣兵部侍郎鐵奏陳查明江蘇省司庫局所進出款項情形摺

竊奴才恭奉恩命前往江南等省查察一切當於七月初八日跪請聖訓後取道天津
乘輪南下先抵上海旋卽由蘇而甯業將行抵各該處日期先後電請軍機處代奏在案
查江蘇東南財賦之區地大物博奴才前經咨行江蘇撫臣札飭司道及經管局所各員將
每年進出各款開具清單備文申送嗣據各員陸續呈送前來奴才逐加詳核復隨時傳集
該管各員面詢一切內如洋務學務農務水利軍裝警察清訟改過督審發審工藝清道官

醫官電等局以及學古堂課吏館官書坊待質公所流氓公所等處皆止撥給經費派員承辦其事並非經收銀錢不煩稽核當經查明原委飭令該員等各就所司力籌整頓並由江蘇撫臣體察情形核實歸併以節糜費其綜理財政者自以藩庫爲大宗餘如糧道庫牙釐局松滬釐捐局善後局沙洲公所及近年所設之蘇州關與膏捐房捐寶蘇銅元裕蘇商務等局亦皆爲銀錢出入所繫查藩庫款項向係逐年併算並未截清年分每逢三八堂期僅將收放各數登載簿籍遇有收放列作滾存致前後套搭諸多糾葛且其中名目繁雜猝加檢閱散漫難稽當飭該司分年開報於正雜各項及報部留司之款分別門類其各項子目以類相附藉清眉目奴才復督飭隨帶司員等逐款鈎稽詳細考核尙無弊混糧道庫經營各項有報部者有由倉場奏銷者內如籌交米費及籌備米價等需不無過費已飭於運費結數後將用剩餘銀繳收歸庫蘇州關因該處並非通商口岸且有滬關征收進口稅釐又土貨均有釐卡收捐故稅源未甚暢旺釐捐各局近年收數均較舊定比額有盈無虧而二十七年分所收尤旺核其征解各數均尙相符惟蘇屬襟江帶湖地多淺港其中有無繞越偷漏情事是在各局員認真稽察非倉猝所得周知善後局之款計分三端曰軍需曰雜支曰附儲雜支一項每年以收抵放畧有不足餘則出入相較均尙有餘沙洲田灘自二十五

年清丈以來民間應繳之價現尙欠銀二十二萬餘兩已飭該司上緊催齊以重正款臺摺局當開辦之始卽核定收數永以爲額歷年所收尙屬不甚懸殊房捐一項近因市面清淡舖戶開閉無常故比較收數本年不及上年之旺寶蘇局係鑄造制錢今夏以改作磨光之錢工料有加致數目頗多虧折銅元局爲近時興利大源蘇省甫於今春試辦四月間購機始全每月造出銅元一千萬枚僅得盈餘二萬八九千兩現在正擬擴充鑄造但能核實辦理將來盈餘自有可觀裕蘇局由官家刷印銀元制錢錢票發給民間行用以補現錢之不足惟辦法不甚妥善迄未暢銷商務局經費理商借款並兼轄馬路工程自上年商人祝姓於絲紗兩廠虧欠多款後招新商另辦尙無延欠以後如果經理得法則公款商本不難漸次拔清以上各項謹將上年全年分支自本年正月起至行查之前一月底止均分別開具管收除在入核實數目綴以說略外其無收支數目可列者亦撮舉其簡明辦法彙繕清單恭呈 御覽謹 奏奉 碣批戶部知道單三件併發欽此

練兵大臣兵部侍郎鐵奏請試辦八省土膏統捐並派員經理情形摺
竊維籌款之道旣須商民並顧俾免元氣有傷尤當內外兼籌勿使疆臣藉口求其有利無弊之舉惟有拓固有之利益匯衆流於一源積少成多化散爲整庶不致累民力而損國

計乃屬有裨奴才此次奉 命南來於行抵各處接見僚屬時靡不博訪周諮悉心探討聞
湖北宜昌所有土膏總局抽收土膏統捐辦理頗有成效總局辦理補用道孫廷林頗著能
聲素爲湖廣督臣張之洞巡撫現署兩江督臣端方所倚任因電調來甯面加詢問據稱雲
南貴州四川土藥行銷各省爲一大宗而宜昌實爲商運扼要之地前由兩湖合力於宜昌
設立捐局抽收土膏統捐繼又併江西安徽兩省合辦創設以來比較各省分辦之時溢收
甚鉅等語竊思四省合辦既有成效可觀至兩廣蘇閩亦係雲貴川土行銷所及之地若任
由各省分辦恐沿途偷漏散漫難稽倘能合八省爲一收數必當有效當與該員商度八省
合辦之法就原定章程酌加惟於宜昌土藥出口總匯之區則仍設總局於廣西之梧州湖
南之洪江則各設分局其收捐章程悉照宜局現行辦法凡抽統捐後運售各行省者如非
落地銷售概不重征此項收款均照二十九年收數作爲各省定額由宜局合收分解溢收
之數另款存儲聽候撥用如此則商民可免沿途苛累於各省進項亦復無損絲毫而 國
家有此進款似於大局不無裨益查該員係該局創辦之人於情形最爲熟悉擬仍令該員
不動聲色認真經理以收駕輕就熟之效惟事關八省必須有所統屬擬請飭由財政處王
大臣居中督理俾該員有所稟承該局所需印花票據卽由財政處頒發行用並仿照商部

札委各省商局議員之例加委該局總辦爲財政處提調刊給關防以昭信守所設各局無論何省委員派撤皆由該總辦稟請各該省督撫辦理庶內外不形隔膜而辦法亦不致紛歧如蒙俞允所有一切詳細章程再行飭令該員妥擬呈核至此項土膏統捐創始於鄂本爲鄂省攤派賠款之用間有盈餘亦俱撥作兵工廠常年經費出入皆有定數所有湖北本省溢收之數應請概予免提以重武備而示區別謹奏三十一年十一月初八日奉

硃批財政處戶部知道欽此軍機大臣字寄各省奉上諭鐵良奏擬請派員抽收土膏統捐以裕度支一摺據稱湖北湖南合力於宜昌設立總局抽收土膏統捐繼又併江西安徽兩省合辦較各省分辨之時溢收甚鉅已著成效兩廣蘇閩亦係雲貴川土行銷之地若合八省爲一收數必更可觀收捐章程悉照宜昌現行辦法凡納總捐後運售各省者如非落地銷售概不重征此項收款均照二十九年收數作爲各省定額由宜局合收分解溢收之數另款存儲候撥等語土藥稅捐統歸一處抽收既爲商民省累又於進款加增著財政處戶部卽行切實舉辦其統捐收數除按各省定額仍照舊撥給應用外其餘溢收之數均著另儲候解專作練兵經費的款不得挪移至此項統捐應如何遴派妥員通籌辦法期於推行盡利之處並著財政處戶部會商各該省督撫從速詳定章程奏明辦理原摺著抄給

閱看將此各諭令知之欽此

署兩江總督端謹江蘇巡撫效會奏遵照部議將江海關道庫款分別存息摺

竊查接管卷內准商部咨稱奏請將江海關道收款變通生息一摺奉旨著兩江總督江蘇巡撫飭江海關道照數撥解商部欽此抄錄原奏行令遵辦等因當經前督臣魏光焘轉行去後嗣據江海關道袁樹勦稟稱江海關所收常洋兩稅及藥釐船鈔等項月有待撥之款時收時放存數無定其各省所解新增賠款及各項洋債雖間有先期解存而逾期始行解到及延欠未解請部飭催者亦復不少原奏謂關稅項下有常年存款二百萬賠款項下有逐月存款六百萬蓋係約略估算不能執爲定數且賠款洋債皆關要需一經到期即須提付若盡行存放設或提繳不能應時貽誤匪細必須酌留數成實存在庫以備緩急現經傳集錢業各商公同籌議僉謂上海銀息向有早晚兩市皆在錢行公定其日息大都以每百兩二三釐爲多縱有時貨物暢銷現銀短絀利息因之驟漲然亦係偶然之事邇來輪電交馳消息便捷銀利稍昂則輦金立至此外常存之款則視存期久暫爲衡關稅洋款爲經該關道再三勸諭尤凡發放之款視其生意之大小聽其酌量領存不爲強抑一切收支存放由道編立印簿逐日登記另派熟諳商情之員並酌用司事常川駐署專心經理其與

各莊號往來概照商市通例全憑經摺以爲根據每屆三個月將關稅賠款還款按照部奏各分收數息數開具細冊造報一次各錢商初猶疑慮繼見所定辦法與平時商家往來無異始允將三月分以前關庫所存庫平銀二百七十萬兩分作三月初一十五四月初一三期具領以後各省解到洋款隨時發放酌照英商滙豐日本正金兩銀行存放辦法以日期之久暫定利息之多寡而畧有加增凡發存一年收繳者六釐行息存六個月者五釐行息存三個月以至兩個月一個月者皆四釐行息均按長年計算收款之時於四日前預先知照卽於知照之日停息其發存不及一月者卽照銀市拆息辦法隨市情逐日核計又該關設有源通豐裕銀號係專管經收進出口稅項並無別項生理所收稅款隨收隨撥存數無多向於月底結算以收抵放有餘再行提存內庫今旣變通生息擬令仍照向章每屆月底算明結存若干卽以下月朔爲起息之期亦按存期久暫分別計息與各錢莊一律辦理惟至少以三個月爲期其發存長年之款到期時或轉或還須先兩個月知照以示體恤分擬章程呈送核辦所有該關道衙門造冊應需新工紙張等項經費卽照商部原奏准其由息款內提出百分之五作爲津貼俾資辦公仍嚴飭經手司事人等不得私向商家需索絲毫使費以杜流弊並據該關道另稟自三月初一日開辦起遵照部覆以三成存庫其餘七成均已發莊盤數具領生息截至五月初一日止各莊號實共領存關稅洋款庫平銀四百三

十萬餘兩各等情稟經咨准商部核覆照辦在案謹奏奉硃批商部知道欽此

各省理財彙誌

京師 政府籌辦戶部銀行已由戶部決定撥出官款二百萬兩山西商合出二百萬兩訂立合同定期舉辦總行設於天津並於上海各處設立分行云

奉天 前將軍依留守在任時會開辦官帖局以濟錢荒後因辦理不善虧款倒閉而假之光緒廿年之手票得以乘隙銷行現有奉紳籌銀十八萬兩票請大憲復開華奉官帖局業已批准開辦

江蘇 蘇府許守近奉司札以寶山縣修築險要塘工應需經費除由司籌墊委員勘修外責成蘇松太三屬同沽水利之熟田項下每銀一兩帶征錢一百文現已札行到縣遵照辦理 鎮江龍潭鎮官辦煤礦一所例照完稅現經常鎮關道會同金陵關道票奉上憲核准龍潭官煤照值百抽五完稅一道沿途概免重征當各行各關及內地各釐卡一體遵辦

浙江 台屬濱海之區漲灘沙地幾難數計近由紳耆票請仿照紹屬新章清丈升科收費給照俾得管業以杜攘奪且於課賦亦可有增

福建 閩海關稅司杜德維稟達外務部以向例福建船廠造船物料均免納稅近來該廠往往代造商船挂用中國旗號似宜估價納稅俾照安協而保稅課等因已由外務部批准咨照南洋大臣暨福建船政衙門一體遵照

廣東 粤海關務自歸粵撫張中丞接辦後即將債務銀號改爲官辦嗣後商民報稅銀兩均歸該處經理 羊城釐廠委員議將過境牛隻抽收釐費以助餉源一節已由督撫批准開辦

商務印書館叢書各科

學務大論理學綱要

每部一冊
價洋四角五分

學務大教育心理學

每部一冊
價洋三角五分

東西洋倫理學史

每部一冊
價洋六角

泰西學案

每部一冊
價洋八角

日本木村廉太郎著本館譯○倫理學為德育之大本大學堂新訂高等學堂章程首列人倫道德一科可知其要是書彙集東西洋各家學說東洋共三十三人西洋共三十二人名論累載可謂集倫理學之大成矣
桐城王闡金匱周流同編○是書輯泰西學術各家凡四十人皆膚次人口著作極多其發明之理論實事為後世學者所祖述稱引者舊中記錄極詳凡研究學問者實不可不備也○舊本明權社出版現版權已歸本館并此聲明

臣務大審定格致教科書

洋裝一冊
價洋五角

臣務大審定化學教科書

洋裝一冊
價洋一元

臣務大審定生理學教科書

價洋一角五分

臣務大審定鑽物質教科書

每部一冊
價洋一角

臣務大審定鑽物學教科書

每部一冊
價洋一角

本館編譯○是編以法儒包培爾原著為本，旁據他書，略加增損，分論行動養生，體質，疾病，由人及物，詳明次第，更推及植物，尤足以見生理之精微，辭旨淺顯，最便初學。
本館編譯○我國鑽產甲於全球，近聞開采需材，尤取本館據日本鑽產話書，輯為是編，若果其最要及應用，必需者，言之共分四章，圖繪詳明。

本館編譯○是編以前書注重鑽，若此則條分縷析，務使學者審分二類，上題為鑽物，下題為鑽物，詳於形質，化下題為鑽物分論，詳於品類，歸別，均極有相得益彰之用。

商務印書館各科種書

理財學課本

每部一冊
價洋五角

美國華克著上海顧惠慶譯○我國財政官之非人工物力使然實筦財政者不知計學公理故也是書取計學精要之義逐條指出最便初學揣摩顧君留學美國多年精於德國語言文字故能取深奧之理而述以淺顯之詞誠理財學之階梯也

哲學要領

每部一冊
價洋一角

新說教授學

每部一冊
價洋一角五分

德國科培爾著日本下田次郎譯山陰蔡元培重譯○哲學要領事理之祖宗教流別而惟物惟心有神無神源同泰西富強胚胎於是是書紹舉哲學之總念頭別方法系統皆以最近哲學大家康德黑智爾哈爾安門諸家之說爲基礎發揮盡致且於古代哲學提要鉤元足示學者研究之法

讀書法

每部一冊
價洋一角

日本澤柳政太郎著本館譯○今各省皆設學堂而師範未立猶之帆檣未備而欲駕舟以航海也其無害之不能適宜無待言矣師範學堂不易偏立而教授之法壹人宜知是編首結論二教授之目的三教授之材料四教授之作用爲敎習者果能會通而彷彿之亦可收師道功倍之效矣

中 國 歷 史 問 答

印務

書答

版出館

世 界 歷 史 問 答

普 通 博 物 問 答

地 文 學 問 答

生 理 學 問 答

富 國 學 問 答

學 校 管 理 法 問 答

詳載中國歷代史事自上古迄國朝上下數千年間依次敍述確如指掌並設為問答俾易明瞭實史學中最最新最善之書每本洋二角五分
研究實學歷史為先但欲貫注古今於紀事編年等書中尤以問答體者為易明晰此編分上古中古近世一切大事無不備載每本洋二角

是書發明飛潛動植物光化電一切原理窮經尋微推究盡致設為問答詞旨簡明最合各款教科之用每本洋三角

地文為天然科學研究地理者不可不知若空中之水分陸界之組成生物之分布皆格致學之最要者是編詞簡意赅尤推切學善本每本洋三角泰西各邦莫不以研究生理為學術之要為衛生之源是編討論營衛出類入微尤便推闡尤宜家置一編以為強固形體之助每本洋二角五分

富國之學為當今急務是書取一切理蘊衍為問答無理不達無謬不呈藝人詭譎教授初學尤宜置一編以為強固形體之助每本洋二角五分

總舉一切管理學校之法簡明詳備今各省學堂多起爭端實由管理未盡其道取閱本編當知改良之策學者受益不少每本洋二角

交通

商部奏江西紳士籌築鐵路並請派員總辦摺

竊臣部於光緒三十年九月二十四日接據江西通省京官署太常寺卿順天府府丞李盛鐸內閣侍讀學士蔡鈞戶科給事中陳田刑科給事中吳煦掌工科給事中謝希銓湖廣道監察御史蔡金臺翰林院修撰劉福姚編修熊方燧趙惟熙劉廷琛萬本端廖基鉉張履春檢討謝遠涵等一百十一人呈稱近年鐵路之利覲覩者衆江西完善之區尤宜及早自行籌築惟責任重大繁難非聲望素孚足以聯合通省紳商之人未能肩此重任江西京外官紳合商辦法惟慎選本地之正紳自辦本省之要工庶覲覩可絕而呼應亦靈查有在籍頭品頂戴前江甯布政使李有棻品端望重處事精詳以之督辦江西鐵路必能興利杜患遠近信從職等京外互商合力協心事在必舉至辦法入手擬先從九江以達省城名曰南潯鐵路爲幹路之第一段次則由省城以達吉安爲幹路之第二段由吉安以達贛南豫備接續廣東鐵路爲幹路之第三段此外道瑞袁以通湘道撫建以通閩道廣信以通浙爲三枝路先幹後枝次第興辦其籌款各節現已極力規畫查江西省田土膏腴商力亦裕分任股本尚非甚難除俟籌有端倪妥訂章程再行呈明立案外呈請准予施行並懇奏派李紳有棻總辦江西通省鐵路所有招股勘路購地興工各事宜均由該紳呈明商部察核再李紳有

奏既辦鐵路責任重大可否奏請 賞給京銜以崇體例而一事權之處悉候示遵等因臣等伏查各省應辦鐵路甚多祇以工費浩大籌款惟艱是以未能急切興辦誠宜由各省紳商合力圖維庶衆擎易舉而事可圖成茲江西通省京官李盛鐸等呈請自行籌築境內鐵路合力協心事在必舉渝屬情關桑梓好義急公所擬先幹後枝次第興辦各節規畫亦頗井井自應准予立案至公舉在籍頭品頂戴前江甯布政使李有棻督辦興修鐵路各事宜具見該紳處事精詳鄉望素重如果畀以事權當能糾集紳商竭力籌辦合無仰懇 天恩俯順輿情准將在籍頭品頂戴前江甯布政使李有棻 派令總辦江西鐵路所有招股勘路購地興工之事均由該紳隨時稟呈臣部核奪奏明切實辦理藉以統一事權聯絡衆志惟修築通省鐵路必須籌有的實鉅款決非空言所能集事旣據該紳等聲稱分任股本尙非甚難足徵確有把握自應飭令迅速專集華款一切遵照臣部奏定章程辦理旣不得稍有影射致啟弊端亦不得率爾攤捐轉滋紛擾應俟股本集有成數卽由臣部飭令趕速興工三年以後由臣部察核果係成效卓著卽行奏明將該紳酌予獎勵仍令接辦如日久無功亦由臣部奏明撤銷差使免致有名無實至該省地方官均有襄助保護之責應由臣部咨明江西巡撫遵照辦理除俟該紳等擬具詳細章程並飭令測勘地段繪圖貼說呈明臣

部再行奏明謹奏奉硃批著照所請該部知道欽此

兩江總督端江西巡撫夏會奏籌辦江西鐵路摺

竊據江西省紳士前署山東鹽運使候補道梅啟熙江蘇候補道歐陽霖工部虞衡司員外郎程志和戶部主事鄧福初刑部郎中伍兆鰲戶部主事陶福祖前吏部主事陳三立翰林院編修黃大壠禮部主事劉景熙等呈稱近年各省鐵路利權列強皆思覬覦是宜早自籌謀預爲地步現擬將江西省鐵路統歸本省紳商通力合作自行承辦惟事體重大必須巨紳主持擬卽公舉在籍紳士前江甯布政使李有棻暨該紳等呈稱開辦江西鐵路首以南昌九江爲樞輿以次擴充需費甚鉅除設法招股外必先籌常年專款方可及早開辦以冀速成茲查有食鹽一項爲全省人民日用所必需若援案加價每斤定以四文則每年可得二十餘萬所取無幾不至病民通省照辦亦無偏私之弊且現在各州縣興辦小學堂需款甚急若以所銷引數以加價多少作爲各州縣公股每年所獲股息卽由各州縣承領以充學堂經費及地方善舉之用是取於民者仍還之於民尤爲一舉兩得公請會奏立案並將開辦章程議定呈請核辦前來臣等查今日各省路權關係兵政財政命脈果有地方紳士公同認辦則權力不爲外人所侵利益卽爲中國所擅亟應維持保護以觀其成該紳等公

舉李有棻爲督辦前准商部咨稱業經江西全省京官在京遞具公呈由部奏請奉旨允准在案此次所定章程亦尙周妥惟是事體重大必須先有常年專款方能陸續舉辦該紳等雖經手任股本而工費繁鉅事當圖始未必能十分踴躍又非有大宗的款不能立基礎所請援案加價自係萬不得已之舉臣等查江西引鹽前因籌墊賠款業經先後加價十文深恐私充官滯有礙引商疊經電商兩淮鹽運司及江西督銷局體察情形互相斟酌茲據該司局覆稱雖同有滯銷之慮而以全省路權所在不得不勉從其請惟請於緝私一層力加整頓俾圖挽回臣等再四籌思竊以鹽爲小民日食所需不以價之貴賤而增減卽岸引亦不因此而暢滯贛紳以本省願出之錢辦本省應辦之事似不能多存顧慮致遏衆心況各省加價不止一次亦不聞稍有阻礙卽或偶形滯銷將來鐵路告成貨物流轉其利益亦必十倍於此仍可徐圖抵補應請准於江西引鹽每斤加價四文另款提存悉數撥充鐵路經費俾得無誤要工早圖實效以仰副朝廷振興商務收回利權之至意謹奏奉硃批著照所請該部知道欽此

掌山西道監察御史黃侍御昌年密陳挽回路政摺

竊維時勢積弱歐美列強涎及路礦始則由於主謀之輕忽近則誤於當事之驚惶錦繡河

山岌岌難保臣嘗檢尋編訂商約諸書輒爲外人舞弄文字預留擴張地步而復有乘時利便之奸人心醉於海外之大公司家深相倚結以操縱天下財政臣請以粵漢鐵路情形敬爲我皇太后皇上擇要言之查美人已時與盛宣懷伍廷芳兩次訂議始曰合同續約始曰美華合興公司繼直單舉美國其訂定年月兩次估價及合同續約之諸條款不符現有刊本可憑無庸縷述至於暗受虧本不得不詳論之以爲後來訂立商約者之前鑒卽如抵押之金圓小票九折實兌五釐行息已非尋常借債之法又預算餘利按鐵路價值五分之一先給憑票是續估四千萬美金又添八百萬矣地價股票本初約所無雖云不得過二百萬美金是又在四千八百萬外矣以中國規銀申算已逾七千萬兩且云中國總公司所置及買大宗地畝概不在內又展造枝路及添置養路一切之利益有可由美公司籌墊一節是鐵路未成而中國小票之抵押無已時何巧拙智愚相懸若是尤奇者以中國小票爲美國楮鈔虛占九扣五釐之利而以小票售之於人人貪餘利行銷必遠以粵漢鐵路五十年餘利五分之一當數十倍其本雖准隨時贖還憑票尙須清償應分未分之利是美公司竟可不出一錢坐享大利何也蓋卽以中國小票及餘利憑票爲鐵路股票之實據也是不獨算計中國並算計外國購票之人且要息五釐地股六釐如美公司酬勞之

百五卽以借本按期分付不論路工之緩急又或迫以贖取餘利憑票以九扣借本按期分付計之所剩幾何勢又必另籌巨款究其續約之所歸則曰中國如不能清償中利則照美國鐵路通例辦理言外之意可以想見而猶曰聲明此路實係中國產業將誰欺乎然此皆已經訂議未足據以挽回者也查續約之訂已定五年築造遲逾□□迥非情理其故實因原辦美商已死他國欲攫之因以比人爲傀儡暗買股分已占三分之二所以然者美政府原不干涉公司比人買票之時又以美人倍次爲虎張伍廷芳在美時深知底細曾電告盛宣懷願不卽行阻止遲至一年始行覆電殊不可解查合同第十四款有云不得允准外人行侵壞之事比來粵東築造實係比董兼有槍斃人命奸淫婦女種種侵壞之憑證又查續約訂議五年路成已加入展造之路應以明年六月期滿只剩七月耳雖有變故展限一層庚子以來南方如常安靜且展限亦當聲明若干時日就以一年計之而十九箇月之內何能竣工又續約第四條載明核准後十二箇月不興工築造則全約作廢而美公司實於十七箇月後始行築造又合同第十款以十萬美金作爲信據如六箇月所用不及此數卽作爲罰項由中國使臣收取乃續約復行索還無詞解說卽已違背合同其餘似此者不止一端故湘粵官紳在上海與盛宣懷極力爭辯咸云盛宣懷心中不利廢約口中每言廢約故

電達朝官亦以廢約爲詞且謂不敢畏難夫盛宣懷果不畏難則此約欲廢便廢矣乃近日倍次來京大有運動是何爲者臣聞福開森爲盛宣懷最信任之人卽謂倍次并非殷實美律師雷滿亦謂倍次所持以美接美之說美人殊不謂然美國報章多以比股不易收回每議作廢美領事馬墩之告張之洞古納之告鄧華熙王之春意亦相同是廢約一層似可著手臣謂宜密諭樞臣商部責成盛宣懷伍廷芳力辯廢此合同之事廢合同與廢約異并與外交無涉彼旣逾期背約辦理不善而比人錫度將總理鐵路處章程更改尤爲他國人干預之明證廢之何患無詞但使盛宣懷公爾忘私斷無不能辦到之理且中美素敦睦誼此約雖廢於美無毫末損而於中國有一髮千鈞之力惟以定見乃能有成如慮美人觖望或慮他國乘隙爭辦則不妨仍借美款更換合同由湘粵鄂三省公舉辦事之人聘用外國高等工程師而管理權必操之在我如此庶無流弊臣聞日本鐵路平均計算每一中里合中國庫平銀一萬兩有奇以粵漢實在里數計之至多亦只三千萬兩將來一半息借於美一半由湘粵鄂自行籌措而購地則全歸士紳保路政而關利源此微臣苦心所禱祀求之者也近日議論譁然至謂盛宣懷伍廷芳以貪利護約因有倍次以美接美之浮詞該大臣身受厚實之洪恩諒不至是時際危迫外患紛來東南一線生機轉移端在於是再臣此摺意

主責成樞臣商部 諭旨未便明發恐傷大體故用密函臣愚區區是否有當謹 奏十月二十一日奉 上諭御史黃昌年奏請挽回路政一摺粵漢鐵路關繫緊要現在合興公司正議廢約應卽另籌接辦著張之洞悉心核議妥籌辦理以挽利權原摺著抄給閱看欽此
兼署閩浙總督崇咨浙江巡撫聶辨明內港行輪約義文

據福建洋務局會同財政局司道詳稱奉憲台閩海關將軍衙門照行據福州口杜稅務司申呈竊於本年六月十九日據本口英商義和行卽怡和行稟稱按光緒二十八年新訂中英通商行船條約內續議內港行輪修改章程第七條內載內港行輪風氣未開內地居民宜令其少受驚擾故凡內港其向未經輪船行駛者須審察商人之便並輪船東實見生意有利可圖方可漸次開駛如有商人有意於商船未經到之內港設輪行駛須先向最近口岸之稅務司報明以便轉稟商務大臣會同該省督撫體察情形迅速批准等語現在敝行擬設一輪船名甘露者由福州通商口岸開駛至福甯府之沙埕及浙江嘉興府之乍浦兩處不通商內地搭客載貨常川來往貿易應請照約轉稟祇候迅速批准等情前來稅務司查福甯府之沙埕及嘉興府之乍浦兩處地方皆係向未經輪船行駛者然平日均有民船來往運貨貿易至沙埕係附近三都灣口岸乍浦則與杭州浙海兩關相近今該英商義和

行以擬設甘露輪船行駛貿易因係由福州口岸開行以福州爲發根之地是故特請由本口轉稟核與約章意尙無不合據呈前由申請據情轉行咨明按照約章體察情形迅速批准等情照局會同查核妥議辦理等因奉此本司道等邊查洋商小輪船行駛內港係照章准行閩省各處內港曾經核准試辦有案今英商義和行卽怡和行擬設甘露輪船請由福州通商口岸開駛至福甯府之沙埕及浙江嘉興府之乍浦兩處來往貿易查核兩口係屬沿海緊要海口均爲頓泊水師軍港現在並未開闢通商沙埕在三都通商口岸以外乍浦地隸浙江嘉興府並非福建內港彼此往來均須遠涉大洋既須出海則非顧數較大之大輪船萬不可行查光緒二十四年間奉准總理衙門咨行內港行輪先後原訂及補續章程各條如原章第一條係指通商省分之內港嗣後均准小輪任便往來貿易又二十四年五月七月所訂章程第二條均聲明非出海式樣之各項華洋小輪船或在口岸內駛行或往來內港各等語是此項小輪船祇准在於本省通商口岸內及通商口岸之內港行駛尤須非出海式樣之船方准行駛細繹原章意義卽寓禁止噸數較大之小輪駛至未經通商各口之流弊卽按之光緒二十八年中英所訂續約附載內港行輪修改章程第八條所云此項輪船准在口岸內行駛或由通商此口至通商彼口或由口岸至內地並由該內地處駛

交通

十一

正月

回口岸各章程亦無允其由通商口岸出海駛往未經通商各口岸之語該英商所行之船既非小輪所指之地又非內港核與條約種種相背若竟准其駛行微特洋面遼闊並無釐卡有無連載違禁貨物無可查究且沙埕乍浦爲東南軍港最要之口若任其輪船往來絕不過問於海防要政亦覺疏虞大局攸關實非淺鮮所有英商義和行卽怡和行擬設甘露輪船行駛沙埕乍浦兩處核與約章不符礙難照准此後如有華洋各項小輪船欲請在該兩處彼此往來均應一律禁阻以符約章再內港行駛小輪章程未將數示以限制約章亦覺疏漏必須照會各國聲明辦理方無流弊除會同詳復憲台閩海關將軍衙門札行杜稅司轉飭知照外詳請分咨外務部南洋大臣浙江撫院早爲設法杜絕此弊並由外務部通行沿海各省知照等情到本兼署部堂據此除詳批示並咨呈外務部察照辦理外相應咨會請煩查照辦理施行

商約大臣呂咨復浙江巡撫聶論內港行輪約義文

案准貴撫部院咨開案准駐滬法總領事臣以法商莫尼諾擬設上海至紹興輪船請飭保護等因先後照會電達本部院查近年華洋各商請行紹興外海內河大小輪船均以查有章程禁駛法商不便獨准內港章程並無准由外海駛至明文停泊河埠亦未敘明當即分

別核復茲又准巨領事照開詢悉該輪水深時可至紹興小潭村水淺時可在五龍埠停泊前訂內港章程因有含糊之處新訂中日及中英商約內業已聲明內地外海行駛輪船皆可照准照請查照允准前來查行輪關繫商務稅釐能否允准自以約章與地方情形爲斷五龍埠前據查復在紹興府屬上虞縣六都北海塘小潭村雖無查報案據旣爲水深時輪船進內之處當在五龍埠以內要皆沿海不通商之濱港未經行輪處所並無關卡稽征由上海開往係由通商口岸全從海道駛入隔省沿海不通商之內港照外海輪船辦法殊無可准之理二十四年續訂內港章程聲明與煙臺條約內地二字同沿海不通商口岸雖可作內地輪船並無准由海道駛至明文新訂英日商約內附行輪章程第八款祇稱此項輪船准在口岸內行駛或由通商此口到通商彼口岸至內地內地駛回口岸此外如河道內地水道等不一而足獨無出海字樣惟日約第三款與附件有無論大小輪船祇以能走內港爲准均可照章領牌往來內港數語未識所云往來內港者是否指口岸以內之內河而言抑指由海道往來內地而言此中關繫甚大一經開端不特現在尙未應允之法商亦須援引卽別國商人別處海濱亦無不可照辦亟應切實評詢以昭慎重除咨南洋通商大臣並一面札飭浙海關確查紹興府屬之五龍埠與小潭村地方實在情形通稟察辦暨先

行照復領事外相應諮詢爲此咨會貴大臣請煩查照希將是項由通商口岸出海全從海道駛入隔省沿海不通商濱港之輪船按照新約究竟能否准其行駛迅速核明復漸以憑飭遼望切施行等因當經本大臣照會隨辦商約稅務司核查去後茲據復稱案奉鈞札內開淮浙江撫部院咨開淮駐滬法總領事巨以法商莫尼諾擬設上海至紹興輪船一事按照新約究竟能否准其行駛迅速查核申復等因奉此兩稅務司查光緒二十四年所立內港章程第一款載明內港二字卽與煙臺條約第四端所論內地二字相同按煙臺約第四端所載其內地二字係指沿海沿江沿河及陸路各處不通商口岸皆屬內地各等語是按照內港章程行駛之輪卽自通商口岸可前往沿海不通商之處如自上海至隔省之舟山是也惟紹興一埠並非沿海之地自上海駛往船隻必先經由外海而後駛入內港按內港章程雖無准由外海駛入之明文然查廈門關已准照內港章程輪船可自該口駛往不沿海而濱內港之泉州似與法國總領事現請之情事無甚區別惟英日兩約所附續議內港行輪修補章程第七款內載如有商人有意於商船未經到之內港設輪行駛須先將最近口岸之稅務司指明以便轉稟商務大臣會同該省督撫體察情形迅速批准等語茲之紹興卽向來輪船未經到之內港該法商自應遵照此第七款辦理第法總領事照稱該輪船

始終不能竟抵紹興水深時祇可至紹興之小潭村水淺時祇可在五龍埠停泊該兩地段離紹興府城究竟有若干遠其情形究竟若何兩稅務司翻閱地圖數種均無可考是以無從核定等因本大臣查二十四年內港補續章程第六款載有凡華洋輪船往來內港必須在民船貿易常赴之埠起貨下貨不准在別處任便起下如違章在別處起下卽照條約所載沿海私作貿易之條辦理茲按貴撫部院咨稱小潭村地方並無關卡可以稽征其非民船貿易常赴之埠已可顯見爲此備文咨復並分咨南洋大臣查照外卽希貴撫部院斟酌核辦須至咨者

各省航路彙誌

山東 濟南府近設有輪船局往來濟南楊家溝煙臺天津等處

江蘇 近開張季直設撰特集股創辦通州小輪拖帶駁船以便商旅

浙江 海鹽縣癸卯秋間曾設輪局以故中止甲辰冬復有華新公司之設立仍走平湖上海

福建 福州小西湖內通河流外吸江水咸豐間經林文忠公脩港後久淤塞近籌司周方伯籌款修浚先浚西河口以導水源而便船隻云

廣西 桂省與安南交界之通氣權法人前向中國要求後當由粵督派員前往龍州調查情形按於光緒十二年所訂中法條約不相違背已准允淮稟達外部

各國鐵路彙誌

韓國 京釜鐵路總幹已告工竣可由釜山開車直達大鳩近尙鐵添築自釜山至馬山浦之支路 日本政府又擬築自元山至漢城長五十五英里之鐵路核算造費需日銀六百萬圓

俄國 俄國環繞貝加爾湖鐵道之汽車業於甲辰秋間啟行計此路長二百六十二英里每日汽車有十輛來往每輛拖帶車房三十部按此路初造在一千八百九十九年係撒河黎木維支機匠所承造其工人中間有用罪犯者沿途所經山洞共有三十三處此項山洞均用炸藥爆開造費共計用去英金五百七十萬零四千五百五十三鎊核算每一英里需費二萬七千四百零九鎊現從莫斯科至哈爾賓無論搭客運貨半月可達不似從前之阻礙矣 俄廷議准將西伯利亞鐵道築為複線近已派員查勘地點

英國 英屬埃及總督克魯麥創議在埃及築造鐵路核算費用須英金一千五百萬鎊左右其自蘇伊士到開羅在紅海沿岸之鐵路近已興築尙期告竣云 英人拔克近日創議在倫敦四圍環築長七十二英里闊二百五十尺之馬路一條占地約二千一百八十二畝每畝價五百鎊核算價值約英金四百五十萬鎊此路造成將來各處交通必獲莫大之利益 法國 歐洲亞立伯山嶺中其最高者為薄郎克山現有議在此山下開挖一洞以通法國堪木內克及意大利壳梅亞兩處之火車軌路此事由法國著名工程師極奎亞創議謂一經開通兩處火車來往前須經行二日者以後祇須半點鐘惟此項工程須兩年方能竣事云

美國 紐約地底鐵路長二十一英里由書信館至一百零二街有鐵軌四條由此處至一百五十七街鐵軌三條由此直至北雜大街即二百三十街有鐵軌二條南自布律委街邊過海以通緬甸林街至福隆街以達夫辣補市街接


軌連戚大街而與浪底倫火車路相連又從紐約九十六街分路由一百零三街轉東而經山地柏又至西一百四十四街自蝦林河底過直達布浪詩柏此名爲東邊支路雙鐵軌此路起議於一千六百九十年及至一千九百年三月二十六號始行開工轉比麥贊拿接造價銀三千五百萬元另支開行所有應用器具一千二百萬元其隧道共十九英里餘則用鐵架如天面車一般鑿地之深由一百五十尺至一百尺此外率二十尺行車機局在五十九街腳夾北河爲世界上最大者闊六百尺長二百尺其機器有一千三萬二千匹馬力近已由大衛門開車至九十六街以便搭客快車站共七所慢車站四十三所快車每點鐘行五十英里慢車每點行三十里

各國鐵路及搭客多少表 據一千九百零三年比較

國名	軌路	搭客
美	二十萬零三千一百三十二英里	六百四十九兆
德	三萬二千二百七十七英里	八百八十三兆
法	二萬七千八百七十四英里	四百二十三兆
英	二萬二千一百五十二英里	一千一百八十八兆
奧	一萬二千四百零三英里	一百七十三兆
意大利	九千八百七十九英里	六十一兆

以上火車軌路美爲最多至搭客之多斷推英國

交 適



十六

正月

宗教

論釋教之害 錄甲辰十一月初一日新聞報

農工生利者也。無商以營運之。則農工之利滯而不通。故商亦可占生利之一席。無兵以保護之。則農工商危而不安。故兵亦可爲生利之器具。無官以治理之。則農工商兵亂而無紀。故官亦可爲生利之機械。有農有工有商有兵有官。則有章程有政治矣。然無教化以輔之。必致有時而窮。故教徒者亦可以助生利者也。儒釋耶回皆教徒也。其教化之所行與其社會。必會生利之厚薄大有影響。釋以清淨寂滅爲宗。無生之可言。故釋教盛行之社會。必貧弱。印度之亡。是其證也。中國號稱儒教之國。其實諷經禮懺。燒香拜斗。比戶皆然。亦一釋教之國。是故中國之貧弱。釋教亦爲一源。而釋教徒則已反其宗旨。無不坐擁厚資。驕奢淫佚爲各教徒所無。夫各教教主之廟堂。誠爲本教中人所公建。然爲教徒者。或自食其力。或以盡力於教事。而餬口於教。然亦當自奉儉約。不可分人之利以自利。如儒教教徒不藉人之佈施。耶教教徒雖藉人之佈施。而於建堂之外。大半用之於醫院學堂。養老育嬰之事。蓋人之利以利人爲社會之公益。未有如釋教教徒之背其教宗。擁良田美產。分人之利以自利者也。惟他教教堂無擁財以自肥者。故無籍沒其財產之說。惟釋教教徒擁財以自肥。故

有。分。其。財。產。以。爲。學。費。之。議。非。懼。耶。而。欺。釋。也。乃。釋。教。教。徒。竟。有。欲。藉。外。人。之。力。比。於。耶。教。者。如。浙。江。各。寺。院。請。附。屬。日。本。本。願。寺。一。事。是。矣。此。事。之。原。因。聞。普。陀。山。寺。擁。有。良。田。從。未。納。稅。浙。江。大。吏。諭。令。升。科。遂。有。走。胡。走。越。之。舉。然。苟。地。方。官。志。在。必。行。則。彼。等。亦。難。償。私。願。蓋。耶。教。公。產。亦。未。嘗。不。納。稅。也。夫。釋。教。之。勢。力。今。日。本。未。大。衰。上。自。宮。闈。下。至。士。庶。幾。於。家。家。有。信。奉。釋。教。之。人。故。藉。寺。產。爲。學。堂。之。說。議。者。已。多。發。之。已。久。而。能。實。行。者。無。幾。若。更。藉。外。人。之。力。以。干。預。之。則。社。會。之。影。響。必。甚。於。耶。教。是。則。吾。輩。聞。釋。教。教。徒。假。借。外。人。之。信。息。必。當。發。論。以。痛。詆。之。若。以。此。歸。罪。於。官。而。反。輕。釋。教。徒。之。罪。誤。矣。夫。今。日。之。官。誠。不。能。無。罪。但。指。官。爲。分。利。之。人。而。無。關。於。生。利。則。亦。不。然。故。官。可。以。革。官。之。政。治。可。以。變。而。官。之。位。究。不。能。廢。官。之。俸。究。不。可。減。謂。以。前。之。官。皆。分。利。而。不。能。生。利。則。可。求。改。良。之。策。而。望。以。後。之。官。能。助。民。以。生。利。若。夫。教。徒。誠。爲。助。官。以。施。教。者。顧。不。法。之。教。徒。可。殺。而。其。教。宗。則。雖。百。易。其。人。而。不。變。與。政。治。之。可。變。者。不。同。苟。持。論。者。謂。釋。教。教。徒。之。不。法。者。可。罪。而。釋。教。不。可。滅。釋。教。之。產。不。可。籍。沒。則。中。國。之。貧。弱。必。有。甚。於。此。時。者。也。以。教。徒。論。擁。利。自。肥。之。釋。教。教。徒。已。背。其。清。淨。寂。滅。之。教。宗。以。教。宗。論。清。淨。寂。滅。之。釋。教。無。生。之。可。言。必。不。能。爲。社。會。生。利。無。論。如。何。釋。教。教。徒。皆。在。可。屏。之。列。則。亦。何。必。左。袒。之。哉。

江西派辦政事處議准教堂用物免釐公文

據洋務所案呈照得前准牙釐總局移以信豐卡員馮縣永瑞耆教民張鴻標販運煤炭不肯完釐一案請照會各國主教嗣後教堂自運用物務須另用洋司鐸名片開明數目簽立洋字爲據方准免釐等因到處當經申明舊案分別照會移行一體照辦嗣准法國郎主教及准饒九道移准英美各領事官允後照覆均經分別移行各在案茲於光緒三十年四月初七日接法國顧主教其衡來函內稱昨准來文備悉種切適值巡厯教屬奔馳道途致稽裁答尤深抱歉想邀原諒第思商賈販運貨物經過關卡完納釐金仍循貴處定議章程辦理按照條約原不問其奉教與不奉教既係經商貿易且同是中國子民應宜謹守法度照章完納斷無因其奉教漏免釐金之理其有奸民假託教堂及奉教名色甚至懸燈樹旗俾圖偷漏者在所不免敝主教前曾獲有旗幟船隻連犯送請廬陵縣鄭令懲辦有案是此等奸民在敝主教雖不究其有無漏稅礙傷權務卽其敗壞教中聲名固堪痛恨如貴處移稱信豐縣卡員馮稟呈各情當經敝主教飭查去後覆據西司鐸聞必瑟華司鐸胡鑒清稟稱以購買煤炭原爲贛郡堂內應用之物迨起貨齊運之時適經辦之聞司鐸先已遠出恰因胡司鐸赴鄉匆遽間發去名片偶忘簽字至多此一段繁文並煩貴處垂詢想華司鐸胡與卡員馮當時旣少交識臨事又難協謀以此隔膜職是之故若不及早整頓誠恐不肖匪

徒因此假託影射流弊滋甚必致於傷權政敗教規紊亂定章害於何止爲此合卽遵照大
移分別飭知吉南贛甯所屬該管司鐸以後載運堂用什物務宜遵照定議除本堂自製船
隻各卡易於辨識不計外其雇用民船或單運或搭載堂用物件往來關卡與商販牟利過
別應請照章准免釐金須用該管教士名片開明物件數目船戶姓名簽立洋字呈卡驗明
放行如此辦理則奸民無由假託漏免而權務教規兩能裨益實所至願爲此理合泐函覆
請查照希卽通飭遵辦爲荷等因前來除移牙釐總局通飭各釐卡稅務一律遵辦外合就
通飭

婺源縣通稟公文

竊查江西樂平鄉民抗捐滋事自經九江瑞道督軍至樂查匪徒當卽解散前蒙撫憲派駐
卑縣巡探馬隊二十名奉飭歸伍業經卑職將該馬隊起程回省日期及續探該縣情形馳
稟在案茲又陸續接得探報及張管帶函知瑞道憲已回潯郡仍留常備軍各一營駐紮該
縣以資鎮攝所獲各犯因值停刑期內尙未正法教堂一事已議明仍由教士照前賃民房
居住從緩建堂以教士不願歲出租資擬由縣買屋借給暫住其城鄉教民被匪拆毀房屋
器物共賠三千金連買屋等項約共需銀八千兩統由道府縣分攤其被毀衙署局卡及搶
失釐鹽公款前經瑞道憲示諭滋事各村共賠銀二萬兩現各紳士亦遵卽陸續完繳地方

一律安堵如常惟匪首夏病意卽延義久未就獲卑職自聞該匪在逃當卽會同張管帶並城汛劉守備分派弁勇丁役四出訪緝並諭各鄉團練董保一體嚴密查拿旋奉瑞道憲札以據各路密探回報在婺源東鼓瀾江灣大阪等處見有一人認係夏潭天麻子乘坐椅轎察其路徑似向屯溪進發並隨有婦女一人乘椅轎男丁六人想係該匪之妻及兄弟徒弟飭卽嚴密查拿解樂究辦等因並奉撫憲暨本府先後札同前因遵復會營加派兵役嚴緝卑職並便道親至江灣等處督飭董保認真訪察僉稱實在未見有匪徒蹤跡伏查此案瑞道憲於九月初間飭委劉巡檢文蕃前來卑境查訪夏匪下落該員曾至卑署相晤卑職向詢情形亦謂毫無確耗何以密探回報又忽於卑職之鼓瀾江灣大阪等處節節相遇且該探旣爲訪匪而來業已道遇隨行數十里正應跟蹤擒捕鼓瀾大阪原係偏僻村莊居民無多或恐驚逃而江灣乃卑縣東鄉巨鎮店舖居民均稱繁盛該鎮並設有保甲警察分局正可告諸董保協力兜拿何又捨之而去任其逍遙前進此實理所難解第查夏匪爲此案首犯斷難容其漏網卑縣與樂接壤難保該匪不潛匿來境卑職惟有嚴飭各鄉董保實力稽查並會營多派兵役嚴密訪拿務獲解究以伸法紀決不稍涉疎縱上負栽培至張管帶所統續備步軍一百名現仍分駐卑縣西鄉董門項村等處與地方團練聯絡巡緝兵民輯睦現居冬令閩閩咸慶安謐堪以上抒慈廑云云

駐滬法總領事致浙撫照會

照得本年四月初三日所訂議結甯海教案條約內載除嚴拿首犯王錫彤外其董一兆等要犯嚴飭地方文武限三箇月內認真訪拿訊辦等語至今已歷六月之久首犯王錫彤仍未拿獲其餘要犯董一兆等亦並未飭拿獲案各匪徒見此等允緝之犯仍得逍遙法外遂以爲謀害教民可無畏忌致近又出一謀斃教民之案查此案實由地方官之懦弱而起西歷十一月三日卽九月二十六日夜溪邊地方有一教民名竺九青者年六十歲被竺寶蓮竺滿朝竺財茂鄖生金等戕害此事地方官之責任甚重因此四人之中有三人前曾圖害該教民未成嗣經訴知該管知縣而該縣並未追究其事現在全境頗不安甯謠言四播人皆以十月中賽會之時匪黨乘間而起爲慮在貴撫部院遇事好意周旋而事端之乘實爲貴撫部院懲治各犯過於仁慈之證且疏於不照議約辦理此皆足以生後患也故嗣後如再滋生事端本總領事深恐不得不詳告本國政府核辦以杜日後再有搶刦謀害教民情事蓋中國官員皆無保護教民之實效也相應照會爲此照會貴撫部院請煩查照施行

施南教案善後條約

爲立議約事茲因光緒三十年六月初七日卽西歷一千九百零四年七月十九日湖北施南府恩施縣沙子地地方兇徒向燮堂等戕害管理湖北西南一帶教務德主教希聖暨德

司鐸希賢董司鐸明德及華教民賈澄清黃朝炳何登玉黃張氏一案經大清湖廣總督部堂張特派本道余左大法駐京全權大臣呂特派參贊賈參前赴宜昌商同議辦本道左并先奉派前往施南會督地方文武查拿兇犯兩月之內即行式獲懲辦辦理實爲迅速彼此均願持平秉公議結以敦睦誼自此次議結之後并無遺漏兩無異議今將議定各條開列於後第一條起意下手正兇向變堂即向協堂向元新向爵臣即向明新黃平山即黃興邦又即黃二崔光耀黃玉階黃觀連黎登甲八犯先於八月初六日在施南正法梟示崔春生一犯亦即戮屍梟示其王成宣黃鏡亭二犯復於八月十八日解來宜昌即日正法梟示以昭炯戒惟查據各該兇犯向變堂等供在場約有三十名等語今除前開業已處決十二名外其已獲之傅朝升廖述作黃玉廷袁華山葛祖鼎楊家聲向從新向壁新向光苦李耀廷謝代先即謝明山向四娃李保南張佑林王成綱向順興黃顯章孫竹亭黃家保梁立道梁朝玉及在逃之黃文明孟文富孟文宣譚大任等應飭地方官分別提拿一一訊明如有在場下手殺害主教等之犯仍應按律懲辦其供認在場執有凶器雖並未下手之犯亦應訊明分別輕重懲辦其放火燒燬教民房屋爲首之犯併應訊實照例嚴辦其黃文英趙紹坤趙紹科王昌正王連苦劉朝璣周南彭毓常鄭作桐胡達章及逃往四川巫山縣之丁惟峯李吉武等應按照原控各案分別提傳訊明從速擬辦第二條主教名位崇高

與司鐸慘被戕害應賠銀十萬兩以示優異又另給銀一萬兩作爲主教司鐸建造墓廬暨
田司鐸單開被燒搶教民房屋等項估值銀一萬四千二百餘串及酌卹被殺教民四人家
屬之款又另給銀二萬五千兩作爲幫助後開建造醫院善舉之款三共洋例銀一十四萬
五千兩分爲五期交付光緒三十年十月初一日交銀二萬五千兩十一月初一日交銀三
萬兩三十一年四月初一日交銀三萬兩十二月初一日交銀三
萬兩均交漢口天主堂當家司鐸收領另立憑單依期見單發給 第三款自簽字之日起
一年之內在荊州府城內由地方官代覓公私兩無窒礙潔淨相宜基地一處以工部尺牽
算見方長二十丈寬二十丈爲限建立醫院一所以永遠追念德主教又在施南府城內代
覓基地一處以工部尺牽算見方長十丈寬十丈爲限建立天主堂併司鐸住屋各一所以
永遠追念德司鐸所有地價及遷移民房并建造醫院教堂及醫院常年經費均在前開賠
款銀十萬兩及善舉銀二萬五千兩之內惟地價應須公道不得任業戶擡價居奇亦不得
稍有抑勒又在利川縣李子槽地方建造教堂及司鐸住屋各一所規樣仿照施南教堂以
永遠追念董司鐸所有地價遷費造資亦在前開賠款之內至李子槽地方基地教士已先
自購無須地方官代覓其醫院教堂二處均請督部堂 奏明 勅建并飭地方文武員弁
照約妥爲保護將來醫院教堂落成三年之後如欲自行購買基地擴充地方官無不幫同

照料 第四條 前任恩施縣知縣王鴻賓應請革職代理施南府知府何錫章摘去頂戴
三箇月現署恩施縣知縣王祐應請記大過口次俟補官日罰俸三年署巴東縣知縣田芸
生已奉調省應請記大過口次俟補官日罰俸二年署施南協副將吳友貴獲犯甚多應請
開復摘頂處分 第五條湖廣總督部堂張宮保及地方大員拿辦兇犯極形迅速法國政
府亦所深知并爲感謝 以上五條應備華文法文各八分彼此簽字後應候 大清湖廣
總督部堂 大法駐京全權大臣核准施行其八分一存中國外務部一存法國駐京使署
一存湖廣總督部堂衙門一存湖北巡撫部院衙門一存江漢關道衙門一存荆宜施道衙
門一存駐漢法領事衙門一存宜昌天主堂 大清欽命二品頂戴湖北分巡荆宜施兵備
道余押 三品銜湖北補用道左押 隨議委員補用知縣胡押 編譯隨員潘押 大法
欽命二等第一雙龍寶星頭等參贊賈押 光緒三十年八月二十一日 一千九百零四年九月三十日

各省教務彙誌

京師 北京在禮教徒擺錢聚會名爲捧齋以斷絕烟酒爲宗旨初亦無惡於世乃近年以來散布既廣良莠不一漸有
煽惑教條及糾衆滋事等弊故城中拿禁甚嚴以免匪徒溷跡云

禁 福

正月

江西 豈州府屬分宜縣向無教堂鄉人耳目較為狹隘近有某鄉民五人往省投教並帶領教士回鄉勘基建堂鄉民因與為難互相控告縣行至中途教民僅剩二人鄉人忿極喊冤門房不知顙末亦未稟明遂將教民管押迨縣尊聞知恐教士不服激成上控飭即開釋詎料教民稱有錢票六百千文被奪教友三人被匿不肯出押彼此交涉頗費磋磨云安福縣地方近又有閩教之事經縣令聞警派兵前往彈壓幸教堂教士均未被禍不致釀成交涉

安徽 蒙城縣境內有教堂兩處一在芳家窩一在黃隆集教士翁承偉君係法國人近有教民高姓暗借教堂為護符招搖撞騙事為翁君查悉即予除革送縣究辦故該處教民刻均安分不敢多事云

浙江 浙省各屬天主耶穌教堂日漸繁多間有一鎮市中分設三四處而地方官尙未得悉偶或與民間齷齪滋事屢成交涉莊無頭緒近奉洋務局嚴札通飭各屬著督查明各處教堂何教何會教士姓名中西籍貫堂屋款分式樣等逐條詳列如有增設按季添列造報以備稽查並令妥為保護云 教民翁某前在甯海縣境被人戕害一案兇手至今未獲故該教士函電頻繁催請大吏迅速辦理并將保護不力之管縣各官撤參矣 溫州永嘉縣境近又有人糾衆鬪教致釁事端上憲以縣主程子良大令辦理不善且未能先事預防故即懸牌撤任所遣篆務札委在洋務局學習外交之候補縣沈炯甫大令接署

湖北 施南鬧教要犯董即清久逃未獲近經恩施縣呂大令派差在四川拿獲當即解往荊州研訊屬實明正典刑以示儆戒 該教案議結早經無事乃近日宜昌英國領事葛君檢閱某報所登施南教案議結奏摺有福音教民字樣葛君惡之即向官場申明在事各犯皆非教民切勿誤會現在施南一帶兩教不合形同冰炭如經官場誤指將來恐釁事端請急設法更正云云

廣 務 印 書 館 出 版

歷 史 教 科 書

學務大
臣審定

中國歷史教科書

中學
堂用

每部二冊
價洋一元

本館編輯○學堂科目莫要於本國歷史此帙分為七卷歷朝大事無不備載繁簡適當斷制謹嚴可為現時中學教科善本

最新中國史教科書

高等小
學堂用

每部一冊
價洋四角

徐枕姚祖義編輯○上起五帝下迄兩宮回變下認變法之日凡分兩冊共二百四十課約十萬言文辭雅馳體例精當至敍述國朝事實立言得體無一毫時下黨張之習並附歷代圖表尤便檢查

國史初級教科書

高等小
學堂用

每部一冊
價洋三角

本館編輯○凡分三卷一上古史自太古至戰國一中古史自漢至隋一近古史自唐至今摘要提綱有條理井然首尾貫串每事皆摘舉綱要列為款目尤便記憶地名人名均附注原文亦便查檢

學務大
臣審定

西洋歷史教科書
每部一冊
價洋五角

日本本多淺治郎著出洋學生編輯所譯○書凡六編首古代史二中代史三四五首近代史六最近史條理井然首尾貫串每事皆摘舉綱要列為款目尤便記憶地名人名均附注原文亦便查檢

瑞場印書館

歷史教科書

中學用

中國歷史教科書

錢塘夏穗卿先生撰

中國二十四史卷帙浩繁非史學家不能盡讀即遺筆亦通鑑紀事本末九通之類其浩繁亦不下於正史欲據其經要成一簡本者代有其人然化極繁爲極簡其事大不易易是以成書甚多而善本甚少本館特聘錢塘夏穗卿先生編爲此書敍述古今以十三經二十四史爲主而綽以羣籍其體裁則兼用編年紀事二體其宗旨則在發明今日社會之本原故於宗教政治學術風俗古今嬗變之所以然誌之獨詳此爲從前編中國歷史教科書所未有而本篇之特色也至於篇中博採異說悉註原書於下學者可以按書翻檢隨時觸發其益無方尤便於學堂講習之用焉

全書凡五冊陸續出版

第一冊

上古至戰國

每冊定價洋七角

第二冊

秦始皇至三國

每冊定價洋

第三冊

五代至宋

每冊定價洋

第四冊

明至清

每冊定價洋

第五冊

國朝

每冊定價洋

新編圖書教科書

西洋歷史地圖

五年之用共兩冊每

(壹冊全)

期授兩課以一年畢一

冊超自上古迄於今日

專取歷代大事及名人

事蹟之足資觀感者以

充材料簡要不繁文筆

全亦雅潔可誦每冊大洋

三角○附歷代沿革圖

一冊即日出書

大洋八角

十八圖足敷中學之用鏤版明
晰著色鮮美○洋裝精緻定價

時有變遷故讀西洋史需圖尤
急本館搜集各種外國讀史地
圖擇其要者繪爲是冊共計三

是為初等小學第四年第

五兩年之用共兩冊每

冊兩卷每卷四大課每卷

期授兩課以一年畢一

冊起自上古迄於今日

專取歷代大事及名人

事蹟之足資觀感者以

充材料簡要不繁文筆

亦難潔可誦每冊大洋

三角○附歷代沿革圖

一冊即日出書

大洋八角

西洋歷史地圖

(壹冊全)

讀史不可無圖歐美諸國疆域

時有變遷故讀西洋史需圖尤

急本館搜集各種外國讀史地

圖擇其要者繪爲是冊共計三

十八圖足敷中學之用鏤版明
晰著色鮮美○洋裝精綴定價

大洋八角

編 著 計 例 疾 痘 教 科 書 新

中國歷史教科書

高
中
學
用
印
書
館
理
教
科
書

定瀛寰全志

中學
室用

詳裝每部一冊附瀛寰全圖一冊
價洋二元

今英學館編輯○與地之學尙矣而足備學堂教科之需者尙未之見本館特聘名宿搜集東西奧博學大
家所著地理佳本精于翻譯耗一年之力始纂此書以備中等教科之用文筆條暢校對精詳末附中西合
璧名表洵屬完全無憾並向日本定製銅版圖畫數百幅錄印卷內精緻美麗尤第照人上體理學務大吉
審定評語曰蒐羅精審條理得當實為是書之評

萬國地理新編

高
中
學
室
用

每部二冊

價洋四角

日本政治地理

每部一冊
價洋七角五分

日本矢津昌永著秀水陶鋐譯○凡分六編首全球總論次亞洲次歐洲次非洲次澳洲次美洲凡疆域氣候政教風俗
物產紀載明晰綱舉目張文詞雅簡淺顯易解選用地名皆沿舊稱絕無近日譯本新奇駭怪之弊以
便教學授受最為合宜

日本矢津昌永著秀水陶鋐譯○凡分七編一國土二人文三刑罰四經濟五交通六生物洋七郵交別
種類新義圖說詳明於古參照可以資教學之指南也

算學類教科書印務局

學務大臣著定普通珠算課本

每部一冊
價洋一角

珠算在日常用中最為便捷但歸除之法亦頗奧妙不善學者往往徒勞無功是編集各種口訣詳細解釋無論何人一閱便悉誠珠算之津梁也

初等筆算教科書

全部五冊
價洋一角

本編錄錄學堂教科書次第出版以圖文及算圖尤為小學生所注重故亟印備用是書由陽湖徐君舊乘筆經日本教育家小谷重君長尾模太郎君校訂其程度按照奏定小學章程并東西各國成法按年分級全書五冊備小學五年之用書中前二册兼實物各圖以引起兒童興味

定價 一冊 洋一角五分 三冊 洋二角
二冊 洋一角五分 四冊 洋二角
五冊 洋二角

初等算科教科書教授法

全部五冊
價洋一角

是書專為教習者實際教授時所用無此則教授時必枯寂無味亦與前書相輔而行

定價 一冊 洋二角五分 三冊 洋三角五分
二冊 洋一角五分 四冊 洋二角五分
五冊 洋四角

新出數學教科書

每部兩冊
價洋三角

小學校數學教科書即善本闡有一二非失之繁冗即嫌於淺顯教育家慨焉本書館按照小學程度精心編輯有資有最便實用

書局 勸業館 著書 出版

格致類教科書

最新中學生理學教科書

洋裝布面每冊
售價大洋一元

麥定中華堂章程第三年第4年課程均有生理學一門本館覺得美國史密斯新著原本淺顯易明切於實用條目清晰圖畫精良特請名手譯為漢文全書二百七十餘頁共附圖八十五幅內有著色圖三幅尤為精

最新中學物理學教科書

洋裝布面每部一冊
售價大洋二元

美儒巴克爾謂進化之功藝術居十之九而啟發之力不與曾哉是言今欲開吾國民智者人人精通格致之理斷無實益是為為美國最新教科之本本館特聘素精格致之謝洪賚先生譯為漢文理明辭達未曾有全書共五百餘葉為開四百八十有八誠格致書中之大觀也各省書莊均有發兌

中學物理學

力學一冊 價洋一元
熱學一冊 價洋七角

我國所譯物理學以製局所譯之物理學上中下三編為最詳然專門科學之書非教科之本是舊為新會伍昭辰先生編輯先生留學英國大學有年精通理化著羅西國名著作纂譯成編陸續付印圖畫精美為學堂教科書本而授羅宏富疏解詳明尤為專門家參考所必備○遊學現已付印不日出塞

雜俎

光緒三十年中國事紀

▲為識者確知
此事之見於是

正月初四日。▲日艦秋津洲至滬。迫俄艦滿洲離港。

初五。自也△爲識者以見報之在是日也。

正月初四日。▲日艦秋津洲至滬。迫俄艦滿洲離港。

正月初四日。▲日艦秋津洲至滬。迫俄艦滿洲離港。

正月初四日。▲日艦秋津洲至滬。迫俄艦滿洲離港。

正月初一。▲商部奏頒路礦章程。△直隸總督袁世凱。提督馬玉崑。請與俄國開戰。政府不允。初七日。△駐華俄使。詰問派兵出閩之故。▲駐各國使臣孫寶琦。胡惟德。張德彝。梁誠等。聯名電請變法。初八日。▲駐土耳其總領事哈彪。代表韓國。將中國新定稅則簽押。▲改訂美洲禁止華工條約。十一日。▲山東巡撫周馥。

正月初一。▲日艦須磨和泉兩艘。復至上海。十三日。▲外務部與俄使議准。將俄艦滿洲拆卸軍裝。十四日。△四川總督銳良。奏設川漢鐵路公司。十五日。▲某國索造浙粵鐵路權。政府不允。十六日。▲俄遠東總督阿力喀塞克夫。請派兵保護奉天鐵道。將軍增祺拒之。十七日。▲日艦秋津洲離去上海。十八日。▲英外部電催開闢惠州商埠。二十日。△廣東裁汰各營。改設常備。

續備兩軍。二十日▲奉天將軍增祺電請開缺。政府懇留之。二十七日△河南開辦警察。二十九日△英兵突入西藏。

東 方 雜 誌 第一期

三月初一日▲商部奏保翰林院修撰張謇爲頭等顧問官加三品銜。初一日△政府電飭伊犁將軍嚴守中立。初五日▲廣西提督劉光才開缺以丁槐署理。▲俄軍侵犯遼西中立外務部嚴詰俄使。初七日△商部奏設實業學堂。十一日▲海天軍艦燭礁沈沒。十三日▲前禮部主事王照在京被捕。十五日△商部奏定商標註冊試辦章程。十八日△四川總督湖南巡撫奏請於內地各要隘設立槍械廠練兵處議覆不准。二十日▲英兵擊敗藏番。二十四日▲德親王愛德爾彪覲見△中韓訂約。

四月初一日▲西藏噶廈宣告獨立。△英使牒政府訓飭藏官。初三日△商部奏請招集商股開辦造紙公司。

▲政府重告嚴守中立。初四日▲開濟南縣周村為商埠。△蒙古阿拉善王電請剿伐馬賊。初五日△漢口設商會。▲以葉祖珪為廣東水師提督。▲西藏告急。初七日△撤去奉天鐵路交涉局。△甯海教案議結。△德使請派護兵防守山東鐵路。△駐藏大臣有奏請給槍械。初八日△蘇報案議結。鄧容章炳麟均監禁罰作苦工。初十日△海城縣知縣被俄軍拘往遼陽。△俄使迫政府辭去關外軍營所用日員。十一日△政府議接受營口辦法。十二日▲以陸元鼎署理湖南巡撫。端方署理江蘇巡撫。張之洞兼理湖北巡撫。十四日▲日使牒問政府旅順善後事。十五日▲以徐世昌署理兵部左侍郎。鐵良調補兵部左侍郎。△潮汕鐵路開局。十九日△英兵艦請入鄱陽湖演礮。江督魏光熙竭力拒之。二十四日△江督魏光熙鄂督張之洞議遷江南製造局於萍鄉。具疏以聞。△安徽開練續備軍。二十八日△江西新昌開救。

五月初一日。▲各國駐天津領事議設會議公堂。▲日使責問直督不應監禁代招馬賊之華人。△招商局輪船海琛在福州洋面觸礁沉沒。初六日。▲商部奏設商標局。▲廣東製造局定議遷於清遠。△練兵處奏請改定各省兵制。武官一律短衣并習槍械。初八日。▲既紳稟請設立全省礦務總局。△諭內務府限定經費量入爲出。不准再撥戶部款項。△解戊戌黨禁。初十日。△柳州降匪復叛。十二日。▲直督袁世凱知所屬。不准教士干涉案件。▲江西開辦礦土公司。十四日。△釋王照出獄。▲練兵處電催各省籌解練兵經費。△諭各省督撫整飭吏治。寬免尋常公罪處分。年終以各州縣優劣分別開報。不准出籠統寬泛考語。十六日。練兵處議在新疆伊犁陝甘各省添練新軍。▲江督魏光祿電請政務處添造魚雷艇十艘。防守長江。▲入萬國紅十字會。▲山東聘德人斯曲爾門爲稅關顧問官。十七日。▲江鄂兩督會議。咨請政府將全國槍械改

歸一律。十八日。▲太后命嗣後軍機處西文電報。皆將原電遞呈。令宮人繙譯。二十二日。▲英使照會外務部。請開惠州爲通商口岸。▲日使以旅順若陷。其防守之任當由何國派兵等情照會外務部。請覆。二十四日。▲商部議行印花稅。間架稅。二十五日。▲刑部律例館擬設罰錢贖罪專條。又議增入報律。二十七日。△諭裁粵海淮安兩關監督。並江甯蘇州兩總造。二十九日。▲日使照會外務部。謂已奪還蓋平金州。一帶中國須派兵接管。

六月初一日。▲開封築馬路。▲江西郵政局開辦包裹釐金。△以柳州失守。湘防戒嚴。電催湘撫赴任。初二日。△江甯創設煤礦官局。△駐江甯美領事。租設煤棧於下關。△丹陽奔牛鎮新設教堂。△開平船被日艦捕去。△甯滬鐵路借款二百二十五萬。自倫敦匯至。初四日。▲署粵督岑春煊率師西征。初五日。△練兵處電駐德使臣蔭昌。令將德國陸軍新制。擇要譯寄。△天

東 方 誌 輯

津以南非洲招工事設保工局。△魯撫奏請准免報捐
徵用金幣。△江南水師學堂復設魚雷工課。初六日。
△駐藏大臣電請派員襄辦藏事。△兵部添設鉛論處督
機密處。△太后面諭軍機大臣速議改正幣制事。初
七日。△吏部裁撤科房。△署督岑春煊至梧州。△電
飭兩江兩湖雲貴廣東四川各督撫嚴防西匪。初八
日。▲新進士授職。△德國成兵八百餘人武官二十餘
人至京津駐焉。初九日。△命戶部侍郎鐵良赴東南
各省清查藩庫及各局廠。又赴萍鄉查勘製造局地址。
十一日。△商部議聘日本教習。講求農業。十二日。
傳辦福建建樟腦。十三日。△西匪陷永福縣。△廈門創
設工藝自新局。△整頓各省地方錢糧。十四日。△某
邸面奏請起用戊戌被議人員。△西撫電請援兵。△署
粵督岑春煊調廣東常備軍統領崔祥奎援剿廣西。
△湖北利川縣開敎。殺西教士三人。斂民三人。十五

日。△吏部定議。裁承發科戶部裁撤井田科現審處督
催所。又裁減十四司中滿員多設之郎中員外主事等
缺。又定議裁筆帖式原設百二十員之半。十六日。△
奏設大清官報。△美人在山東擬立各國僑民公約。△
江督飭屬查勘沿江沿海各礮臺火藥庫。十七日。△
江督擬設水雷局於江陰。△鄂督籌借軍餉於江督。△
江南候補道杜兪率常備左軍赴湘防邊。十八日。△
廣東提州縣公款助西省軍費。十九日。△西匪陷慶
遠。飭兩廣雲貴湖南各督撫調兵合剿。二十日。△江
督以江楚編譯官書局歸併官報局。派辦處歸併甯漢
公司。馬路工程歸併保甲局兼辦。△湖北創設利運公司。
代客運送貨物。△粵督岑春煊至桂林。△鎮江創設電
燈公司。二十一日。△直督奏派武員赴法國閱操。△
江西樂平縣開敎。毀教堂一所。△江督派員查勘烏龍
山火藥庫。△電召已革廣西巡撫史念祖入京。△江鄂
以常備左軍赴湘。特調護軍副四旗駐守清江。△鐵良

還撥京西外八旗兵丁二千四百人往保定訓練。△英兵在新安縣屬湖量沙頭角。△刑部議增編審新律。△京師整頓各門稅局。△廣東順德有匪徒聯盟拜會將謀作亂。△漢官交出已革廣東知縣裴景福解至省城。△遊匪竄入安徽宿州。旋為官軍撲散。二十四日。△河南中牟縣聯莊會聚衆抗官。△馬賊襲攻俄軍輜重隊於鐵嶺附近。殺兵死數百人。△太后賜內帑萬金於法國醫學堂。△湖南改定營制。二十五日。△漢越鐵路。已集股十萬金。△山西土匪嘯聚。△豫撫陳夔龍擬自開道口周口為商埠。二十六日。△駐滬俄總領事照會江海關道。請由製造局起回滿洲船軍械。△鄂督飭開往陝西之忠毅營。改赴廣西。二十七日。△廣東清釐局條陳兩廣鹽務章程。改為官督商辦。二十八日。△江西調駐續補軍於新昌。△廣東運解軍裝赴廣西。二十九日。△戶部支用改造金幣之存金三萬兩。△大清官報局勘丈地址。△牛莊稅務司改用日人。△

擬派武員分赴各國駐紮使館。△新昌教案索償銀八萬圓。△瓊州海盜橫行。

七月初一日。△機魚雷艦勒斯起及納逃至煙臺。△湖北議改營制。△江甯裁江北查禁私運局。海贛商捐局。△署粵督岑春煊奏請緩辦統捐。△廣東船捐閩事之報至。初二日。△電飭直隸提督馬玉崑嚴守中立勿許俄軍侵入。△諭以各省報効銀兩辦理要政。△無錫米商罷市打爛學堂。△俄羅亞斯吉爾特。克爾查河逃至上海。初三日。△電飭湘省嚴防西匪。△署粵督岑春煊電請緩開惠州商埠。初四日。△以鹿傳霖調署工部尚書。趙爾巽署理戶部尚書。△鄂督張之洞奏韶剝光才。△署湘。統領湖北新軍許之。初五日。△馬賊竄入直隸永平府之遷安。△粵軍攻西匪於東泉及三板村敗之。△開濟南東門外五里溝為商埠。△刑部右侍郎沈家本奏請改良刑政。△奉天將軍增祺向俄國索還奉天存金五千兩。初六日。△頒行國家銀行章程。

初七日。△戶部銀行擬招官股。△開洛鐵路興工。△德國兵船不依約章。駛入江西鄱陽湖。△四川大旱。川督錫良奏請開捐賑濟。△重訂進士館章程。初八日。△日本七艦駛入煙臺。旋即駛去。△湘軍攻匪於同樂斬獲甚衆。△奉天昌圖府有馬賊千餘肆行刦掠。初九日。△京師大雨雹。△英使以廣西匪徒係由新加坡香港等處接濟軍火。照會外務部。請飭該省嚴究。△外務部託各國公使調停日俄戰事。德美兩使却之。△川督錫良委員開辦天全州大川村礦產。十一日。△法使照會外務部。請電飭饒州府嚴禁入會仇教。△四川敘州府天主耶穌兩教民互相衝突。△署粵督岑春煊奏請開粵省實官捐例。奉旨允准。吏戶兩部會商擬照籌餉例加二成暫行試辦。△日本魚雷艦一艘。駛入吳淞。十二日。△美國來華專使精琦。連日在外務部會議。△日本魚雷艦自上海吳淞之張華浜。拔錨外商幣政。△日本魚雷艦自上海吳淞之張華浜。拔錨外駛。△奉旨准開辦四川賑捐。十三日。△西匪分作

兩股。一欲竄湘。一欲竄黔。△山東登萊青道改爲登萊青膠道。膠州知州改爲直隸州。以附近高密即墨兩縣屬之。△河南武安縣教民滋事。△政務處訂定武備學堂辦事員保獎新例。咨行各省。△英使索借舟山爲泊兵船之所。△停辦京師大學堂編書局。十四日。△湘學各軍擊敗廣西匪徒於懷遠。△鄂省定造鋼圓三十萬於日本。△俄皇命起卸駛至上海之亞斯古爾特。克爾查河兩艦軍火。十五日。△政府議准將營口關稅歸日人征收。以二十年爲限。△浙江龍泉縣關教拆毀數堂。戕害教士三人。△飛霆礮艦在鎮江失火燬焉。△江西樂平縣民變。與官兵格鬥。△藏人遣使至英軍營和。十七日。△設電線於上海松江之間。十八日。△政府議派留學生往日本學習裁判事務。△廣東崖州山水美發。△兵部封奏裁併員缺一摺。擬於實缺候補五百餘員中裁汰一成。△廣東解銅圓五百萬至戶

部。▲御史周樹模劾江督。十九日。▲湘粵各軍擊敗西匪於四十八峒。▲兵部侍郎鐵良奉命南下抵滬。二十日。△戶部銀元總局自日本運機器回國。被俄國兵艦轟擊。機器盡毀。△江西興國縣閩教殺傷教民九十餘人。△英使與外務部會議擬將開平煤礦准歸華洋合辦。△日船扣留中國沙船一艘。△四川廣安州聚衆拆毀學堂。二十一日。△駐渝法領事要求川省鐵路敷設權。△日皇因商約議定以太陽寶星贈慶王。△德皇因膠州鐵路告成贈金冕頭等寶星於魯撫周馥。△有商船自日本開往營口。煙臺海關以載有戰時禁品。拘留之。二十二日。△鄂督張之洞飭善後局籌款一百萬兩。以備鐵良提取。△長江水師提督程從周調駁船八艘駛赴岳州宜昌等處防西匪也。▲日本魚雷艇一船。又駛至上海。▲以魏光憲調署閩浙總督李興銳署理兩江總督。黃建筦調補山東布政使。胡廷幹調補江甯布政使。二十三日。▲無錫金匱兩知縣獲解。

罷市燐學要犯至蘇。△馬賊數千人竄擾京師之南馬橋一帶。△政府議定廣西寶官捐例。仍照練兵新捐例開辦。二十四日。△閩督擬設官立銀行。△閩省議設全閩礦務總公司。二十五日。△署戶部尚書趙爾巽。派歐陽弁元赴東三省密查財政兵政。二十六日。△江西饒州府景德鎮流店鎮樂平縣瑞州府三橋等處均開設駐灘。總領事電責贛撫夏時。△慶王擬請戶部每月撥銀三十萬充練兵處經費。署尚書趙爾巽覆之。二十七日。△桂匪出竊廣東惠州府戒嚴。△日使議設民政局於東三省。△練兵處奏請各省兵弁一律彷彿日本剪髮易服。△戶部允撥直隸各營協餉。二十八日。△粵匪竄入湖南之洪江。△歲英新約簽字。△御史黃昌年奏參江甯文武各大員。二十九日。△俄使向政府詰問西藏事。三十日。△署粵督岑春煊奏准借用民款三百萬。△鎮江中國通商銀行倒空銀數十萬。△湖北增招常備軍二十五營。△署黔撫曹鴻

編者

八

正月

勦電奏粵匪竄入邊界。

八月初一日。△四川苗匪蠢動。擾及雲貴邊境。△美使牒外務部請承辦陝西榆林延安兩府煤礦。△法使要求承辦福州自來水。△戶部議奏川省開捐應照練兵處新章辦理。△練兵處議設武備學堂。△甘肅黃河決口。△奉天土人擬設保衛公所。凡立法外交財政軍務等權皆自掌之。初四日。▲官軍敗西匪於同仁岡之報至。△駐滬法總領事向浙撫要索滬紹航權。△外務部與日英公使會議交還威海衛事。△美國新派領事於杭州。初五日。△英商稟請南部承築山西太原至蒲州鐵路。△廣西懷集土匪作亂。殺傷官兵甚衆。△浙江省開辦契據印花稅。△魯撫以黃河水災電請開捐。△京師各行業議設商會。初六日。△內務府奏裁屬員七十二缺。奉旨依議。△奉天將軍增祺電告俄兵大擾奉天。△直隸裁道府以下至訓導共一百九十七缺。△滇督電請撥款興築滇越鐵路。△江西亂民竄入安徽。

十一。△鄂督張之洞籌議收回合興公司抵股銀六十萬。△兵部侍郎鐵良擬提製造局存款銀八十萬。及江海關道所存應解武衛軍協餉銀七八十萬。▲英將幼夫預定退兵西藏之期。初七日。▲潮汕鐵路興工。初八日。△法國越南鐵路已達蒙自而達雲南昆明省城。初九日。△河南永甯以重征膏捐土行罷。市毀捐局。△江西議辦米穀統捐。初十日。△署專督岑春煊電催解餉四十萬往西省。△廣東商人創設出口洋莊商會。△粵人周羨璽呈請承辦北京電燈。十一日。△學務處奏定進士館部員回原衙門學習部務另訂聽講新章。作為分班。十二日。△英政府聲稱旅順非俄人退讓。英國所租威海衛不能違約交還。△安徽裁員八十一員。△新定骨董收稅例。△外務部咨調各省熟習交涉人員。△直督袁世凱派常備軍一營駐遼河西。十三日。△安徽頒發煙酒菜門牌。以便稽查徵稅。△南京創設運水公司。△安徽重開因利局。以給貧民。

東方雜誌 第一期

爲小販資本。十四日。△俄使因藏英新約。警告外務部。謂侵俄國利權。必不承認。十五日。△廷寄命崧蕃錫良。有奏鳳全延社。會同經理西藏事宜。△外務部拒絕某使借天壇駐兵之議。十七日。△美兵艦擬往象山灣演礮。▲開議葡萄牙商約。十八日。▲直隸津海關道唐紹儀。開缺。以三品京堂候補。賞給副都統銜。前往西藏。查辦事件。△湖南永州府。因派捐罷市之報至。△議自明年。將各省摺差。一律改歸郵局呈遞。△陝撫奏裁陝西糧道。歸併藩司兼管。△直督袁世凱。奏保日本留學生金邦屏。富士英高潔琦。張奎。張鍊。褚沈琨。王宰善七人。請予出身。△美商要求陝西延安府屬煤礦。△練兵處電咨各省。速將水陸各軍營。弁。開具清單。以便咨商北洋大臣酌量裁奪。十九日。△政府催川督速辦川漢鐵路。二十日。△法艦以保護教堂爲名。駛抵鄱陽湖。△政府電告各省。廣籌廣西軍餉。二十二日。△御史某奏請查辦河北大刀會。▲英兵退出西藏。

雜俎

九

乙巳

二十三日。△戶部咨行各省。採辦銅斤。鑄當十大錢。△商部派員。考查南洋各島商務。△浙人高爾嘉。與法商合股四百萬。在天津開設華興銀行。△馬賊不得志。於張家口。竄入陝西邊界。二十四日。△政府決議規復海軍。△河南防營。改習日本操法。二十五日。△直隸提督馬玉崑。軍改習日操。△南甯衛軍兵變。△陝大鐵路開工。△喀拉沁王。請辦蒙古金礦。△意國派領事駐劄雲南。△擬自開通州。作商埠。△俄人欲毀瀋陽城。以便退軍。△俄國獻賄四百萬盧布。於蒙古王。二十六日。△河南懷慶府。白蓮教匪勾結大名府閻元會。匪滋事。教士避之於省城。△署粵督岑春煊。奏請駐劄鴻州。二十七日。△浙人孫詒讓。開辦浙江溫溪礦業。▲以劉春霖。調補湖南布政使。張廷燎。調補廣西布政使。張紹華。調補雲南布政使。▲諭飭商部。遴選委員。前往會同督辦蘆漢鐵路大臣盛宣懷。確查路礦歷年出入款項。詳晰具奏。二十八日。△河南官錢局。印行

銀洋鈔票。△俄國擅入蒙古招募兵士。△廣西右江鎮黃殿臣統黑字五營。并有楚軍相助。在柳州與叛匪大戰三晝夜。各軍死傷甚衆。△商部派參議王清穆楊士琦會查盤宣懷所管路礦事宜。二十九日。△牛莊法領事將牛莊一切事宜歸日人管理。

九月初一日。△淞滬鐵路歸併甯浦鐵路。△朝命兩官庫倫兩大臣密查達賴喇嘛行蹤。△中國電報局自設京津電話線。初二日。△廣西官軍克復羅池州城。△駐藏大臣有泰電請派喇嘛攝理藏事。初三日。△西匪竄入欽廉十萬大山中。△俄使向外務部要索庫倫新疆。以抵制藏英立約之事。△政府電飭駐英使臣與英政府磋商藏事。△總兵處奏請調雲南提督姜桂題軍移駐山海關。初四日。△滿洲義軍自發布檄文後。與俄軍交鋒二十餘次。△匪徒攻陷貴州獨山州城。△直隸提督馬玉崑調毅軍十營赴朝陽。△准設福建全省礦務總局。△商部行文浙撫。催築杭州鐵路。△日人創

設殖民洋行於福建廈門。△俄軍闖入奉天將軍衙門。大肆掠奪。初五日。△開平礦局富平船因載運戰時禁品。被日艦捕去。△新疆回匪又有蠢動之勢。△法使要索自安南至廣西內河航權。△戶部尚書趙爾巽請裁各衙門公費。△直隸提督馬玉崑。請照前次榮祿所加武衛軍餉例。賞加現駐關外各軍。△湘省官紳集議。收回粵漢鐵路。初六日。△御史黃昌年奏參鄂督張之洞。△俄軍侵入蒙古庫倫地方。初七日。△部議准開廣西寶官捐。△電飭駐英使臣向英政府提議。改訂藏約。△鄂督聘日本大佐二人。為軍事顧問官。初八日。△皇上面諭外務部。由戶部撥銀七萬兩。發交江督。在上海采辦各國書籍。交毓慶宮上書房收存。初九日。△毓朗奏請飭各省駐防一律舉辦警察。奉旨依議。△直督議派姜桂題軍移駐關外。初十日。△鄂督張之洞奏。擬於漢口設立源興銀行。十一日。△停辦粵漢鐵路工程。△重慶全城罷市。以釐金局苛索

故也。十三日。△查辦藏事大臣唐紹儀請飭川督架設成都至拉薩電線。△江西三點會匪竄擾龍南縣。△江西景德鐵磁工聚衆千餘與兵格鬪。▲兵部侍郎鐵良至江甯盤查一切。十四日。△法人在廣東遂溪縣屠戮華人。△鄂督議准在槍礮廠內開鑄銅圓。△兵部侍郎鐵良電陳長江一帶情形。△正太鐵路借款五十萬佛郎。由巴黎匯至上海。△川督錫良請將川捐再展限一年。十五日。△直隸提督馬玉崑命方有田率所部扼守小庫倫。△商標註冊實行之期因德使阻撓遂緩辦。△直督袁世凱再請將電話材料免稅許之。十六日。△留學日本東京士官學校學生九十二人卒業。十七日。△馬賊擊敗駐紮新民屯之奉軍。十八日。△鄂督張之洞奏請鼓鑄一兩重銀幣奉旨依議。▲甯滬鐵路開工。十九日。△外務部允准葡國合辦廣澳鐵路。二十日。△以張振勳為考察外埠商務大臣。並督辦閩廣農工路礦事宜。二十一日。△西匪蔓延。

鄰省署粵督岑春煊奏請援兵。△德人要求開放萊州為商埠。△鄂督張之洞奏劾總稅務司赫德三大款並請飭其不准干預藏事。二十二日。△英使催辦九龍廣州鐵路。△京師刑律館交涉新例告成。△總稅務司赫德力請改賦。△戶部尚書那桐阻設國家銀行。二十三日。△比國派設領事於雲南。△御史陳慶桂奏參粵督岑春煊。▲江督李興銳薨。二十四日。▲以周馥署理兩江總督。未到任以前以端方暫署。又以胡廷幹署理山東巡撫。△兵部侍郎鐵良議加土藥捐。△政務處奏請暫緩裁訓導缺。△外務部電飭東海關道將俄國逃艦員弁解往上海。△署戶部尚書趙爾巽奏請開辦國家彩票未允。二十六日。△署江督端方請電諭鐵良不得徒事羅掘。二十七日。△福建人議爭回法甯滬鐵路開工。商泰東公司開採福州泉州建甯三府礦權。△太后又大興中海工程。二十八日。△法人向月隆擬與戶部共籌資本合辦中國國家銀行。戶部不許。二十九

雜俎

十二 正月

日。△粵督奉廷寄不准創辦簽捐。△裁江蘇江安糧儲道。

十月初一日。▲戶部計學館開學。△川督錫良諭飭各屬提撥廟產興學。△外務部爲賠款用金以三事要商各國一鎊虧之數不再算利。一交銀行收存之款按月扣還利息。一按月折中定算鎊價。初二日。△政務處奏准免裁各省員缺。以爲學堂畢業生升途。初四日。△駐美使臣梁誠與美外部議改訂禁止華工例。美外部惟允於上等華人。略爲寬待。△豫撫奏祥符縣因清畝激變百姓罷市毀壞電桿。△駐俄使臣胡維德報告俄國將調兵駐紮庫倫伊犁新疆等處。△命財政處酌籌京師女學堂經費。△練兵處奏請在北京天津湖北陝西江蘇等處設武備學堂。初五日。▲以裕德爲體仁閣大學士。△刑部郎中喬樹楠奉商部諭回晉招股。開辦全省礦務。▲蘆漢鐵路大臣盛宣懷與葡使將廣澳鐵路合同畫押。△商約大臣呂海寰發宣懷與葡使在

上海將中葡商約二十條畫押。△定造礮艦六艘魚雷艇四艘於日本船廠。初六日。△俄軍徵發庫倫恰克圖土人爲兵。△軍機處電告直隸提督馬玉崑查獲俄國敗兵有無竄擾蒙古地方。△英使照會外務部不認長沙租界章程。△戶部條陳籌款三事。一官捐一商捐一婦女首飾捐。△閩人力爭建邵汀礮。擬將華法公司合同作廢。△庫倫郭辦大臣電請改易恰克圖收稅章程。初七日。△電飭奉天將軍增祺。查辦東三省保衛民政局。△署江督端方電飭各屬密防同機會票匪起事。初八日。△政府擬將全國土稅歸外國人包辦。每年認繳一千萬金。興辦海軍又擬仿屯田法駐新軍三萬於新疆伊犁等處。以固西北邊防。△江西實行改釐爲稅之制。將各釐卡改爲稅局十五處。稅口三十八處。子口兩處。△商部侍郎陳璧擬請通飭各省先於通商口岸創設勸工局。陸續推廣。初九日。△諭飭各省興辦礦務。初十日。△檀香山華工公稟駐美使臣梁

誠。及外務部請必廢華工條約。△湖北以有亂黨將乘
萬壽日起事之信。下令戒嚴。△直督袁世凱單銜陳奏
賠款補足錢價事。△鄂督張之洞豫撫陳慶龍魯撫
周馥等各條奏東三省事宜。摺上留中。十一日。△兵
部侍郎鐵良電奏力主賠款用銀。△政府照會美使。決
廢合興公司鐵路合同。△架設京津電話線告成。十
二日。△駐英使臣張德彝電稱英廷謂洋藥加捐須與
土藥一律。因請調查全國土藥釐稅總數。△粵省預認
自光緒三十一年起。每年認解練兵餉銀十五萬兩。△
戶部奉旨電催各省速解廣西欠餉。△練兵處擬定
一式槍械。咨照南北洋製造局湖北槍礮廠。一律仿造。
十三日。△豫撫奏報祥符縣民變已平。△賞已革侍
郎張翼三品頂戴。派赴英國對質開平煤礦局訟事。△
法使至外務部。言將出兵代平西亂。△粵省督撫電請
將葡人運米往澳門之照會作廢。△皖人萬福率槍擊
草撫王之春於上海未成被捕。△新疆巡撫請開辦新

疆礦務。十四日。△商部奏派前江寧布政使李有棻
總辦江西鐵路。△浙江新設湖防水陸全軍統領。十
六日。△戶部銀行商股集成。定在天津開設。△兵部侍
郎鐵良電告政府。擬將南洋陸軍改作四鎮八協十二
標。△財政處通飭各洋關。准其試用湖北奏准試鑄一
兩重銀幣納稅。照鄂省公庫平計算收用。△山西煤礦
商畫稟請開辦京西運煤鐵路。十七日。△署粵督岑
春煊電報已破四十八峒匪巢。△廷諭陝督設敎養工
藝局等。收養無業游民。△紳士反對王之春粵漢鐵路
華美合辦之說。十八日。△練兵處向德國定購軍火。
備銀二百萬兩。十九日。△政府電飭江督在上海設
立銀銅圓分局。△政府允與此次海牙所開萬國和平
會議。△廣東粵漢鐵路購地局定於本月二十四日裁
撤。△德國二等水師提督何贊德。進謁江督。義德兵艦
駛入鄱陽湖演習。△練兵處再電催各省速將水陸
綠營各軍兵弁清查具報。△外務部電告奉天將軍增

祺。防護奉天陵寢不許兩國兵士侵犯之保約。已在京
師畫押。二十日。△俄國哥薩克兵二隊。在回部境內。
劫掠華商財貨。殺傷二十餘人。外務部照會俄使。請撫
卹被害商人。及懲辦兵士。二十一日。△湘撫電奏大
學堂學生謀亂。拿獲十三名。革涉日本留學生奉旨
著將爲首二名正法。餘勿追究。△伊犁將軍馬亮電稱
回漢民人。構釁滋事。請飭由新疆巡撫派兵助防。△直
督袁世凱特設稽查戰地禁貨局於山海關。二十二
日。△總兵處擬設一北洋總機械所。供給山東山西河
南陝西直隸五省軍械。▲浙紳捐建農工小學堂。擬教
墮民。恩除籍。奉旨准行。▲詔令鐵良速赴濱海。濟
鄉兩處。審定局處。並留心查看經過地方營務。毋庸覈
各省督撫。議覆裁撤驛站事宜。△法商大東公司。堅執
不還汀州。邵武建甯三府礦權。更謀敷設福建全省鐵
路。又擬與華人合股開採南口及十三陵左近金礦。

二十四日。△外務部咨行工巡總局。禁止各國人在京
師開設小押。△日使照請外務部。請許日政府所派來
華日員調查藩院一切。△粵省京官奏請減捐禁賭。
二十五日。△湖北銅幣局。擬自開竹山縣銅礦。以供
鑄幣之用。▲濟貴兩營。大敗桂匪於廣南官橋。水源等
處。△德國伯爵璞斯瑪。奉其政府訓令。進謁江督。面論
鄱陽湖屯艦演破事。二十六日。△督辦鹽務大臣貽
報稱俄人在山西以北。收買荒地。約占四分之一。△
鄂督張之洞。派員至上海。貸銀二百萬兩於某銀行。以
銀銅圓局作抵。△太后發內庫金條。約值銀一百五十
萬兩。充戶部銀行資本。△張振勳擬設美澳南洋各航
路輪船公司。△電石林。羅源等至京籌商集股。築一鐵
路。起福州經海港等處。與潮汕鐵路相接。二十七日。
△電諭各省。停議開辦印花稅。二十八日。△署粵督
岑春煊奏准分辦兩廣寶官捐。二十九日。△川督錫
良。決議籌款自辦川漢鐵路。△政府通飭各省。認真整

頓警務學堂。並選派學生赴日本學習警察事務。△晉撫與本省衆紳籌設牧場。△漢口大火延燒千餘家。十月初一日。▲簡曾廣銓爲駐韓公使。蔭昌連任德使。△戶部尚書趙爾巽始設戶部度支簡明表。△戶部准備蘇兩省於原派餉欠百六十萬。其減去四十萬。初二日。△署粵督岑春煊電請政府牒阻法使調兵往龍州。初三日。△電飭駐日使臣楊樞密查留東學生。設立同仇會事。△河南京官議劾豫撫陳夔龍三大款。初四日。△政府命山海關道禁止商貨出關。△某侍郎請在正陽門外添設商稅局一處。以掌火車站稅務。△豫撫陳夔龍奏准每月提支鹽道庫所存鹽斤加價項下銀二千兩。開辦武備學堂。初五日。△政府因義州附近一島與韓政府互相爭執。△廷寄江督轉飭杜欽遣撤全軍。△命鄂督張之洞辦理粵漢鐵路廢約事。△太后諭湖南學政支恆榮整頓學堂。△山西永濟縣以辦柿酒。捐民情不服。聚衆數千。大鬧縣署。初六日。▲

裁雲南湖北巡撫缺。以鄂督滇督兼管巡撫事。初七日。△戶部借定比價。以山西釐金爲質。▲以端方調補湖南巡撫。陸元鼎署理江蘇巡撫。升允調補江西巡撫。夏時補授陝西巡撫。△廣西匪首陸亞發就擒。初八日。△寓滬西人會議開港黃浦事。△戶部寶泉局擬將大錢一文。改鑄重一錢四分。△廣東蛋戶票請粵撫代奏。請援浙江墮民例。准除籍改業。▲兵部侍郎鐵良蒞勘海址基地。▲以禁增祥補授陝西布政使。初九日。△兵部侍郎鐵良奉命會同署江督端方飭江海關道與駐滬各領事磋商賠款用銀。各領事覆以無權辦理。▲在滬奧斯科俄艦水兵二名。砍斃華人周生有。△德使請借鄱陽湖屯泊兵艦。政府拒之。初十日。△吏部工部理藩院奏准裁撤歸併處所員缺有差。△日本公使照請禁止錦州新民屯等處華人接濟俄軍。十一日。△廣西匪首陸亞發凌遲處死。△皖撫誠勤奏請展辦賑捐一年。十二日。△商部奏請推廣內河航業。△

廣東善後局與德商滿德商借銀四百萬圓。△署江督

端方選派水師學堂優等畢業生六人分赴英國兵輪學習管輪駕駛諸藝。十三日△廣西學政汪詒書以

南寧太平泗城鎮安四屬曾經兵燹擬併補歲科兩試并從寬加額取進。△戶部奏陳銀行章程三十二條△

山東曹州兗州又因苛稅肇亂十四日△政府以波羅的海艦隊東來通飭沿海各省戒嚴。十五日△各

國公使要請將三聯單護照收費一事作罷由外務部分電各洋關緩辦。△政府嚴催各省將應解邊防固本

等銀餉年内掃數解清△山西蒲州人民以抽酒稅滋事毀壞官署△湖北新州槽坊以抽稅罷市。十六日△

廣東水師卒業生十四名由直督袁世凱派至北洋練船練習△慶親王保獎承辦慶典各員十七日△

慶山租地交涉議結△福建學務處通飭各屬分區廣設小學堂十八日△兵部侍郎鐵良議以各省土膏捐作爲練兵處經費。十九日△漢軍耿某以遵化州

東陵後恩賞地售與俄國教堂直督袁世凱奏聞奉

旨著左翼監督溥善明白回奏並先行議處△外務部分電各省督撫及辦事大臣速將駐華各國領事銜名詳查電覆△廣西餘匪竄擾黔邊諭飭兩廣滇黔各督撫合力痛勦。二十日△川督錫良因巴釐出擾電請

飭滇省派兵會勦。二十一日△法使因廣州灣法國貨倉被匪焚燬索賠款十萬。二十二日△外務部奏賠款辦法三條奉旨依議△湖北宜昌縣各軍戶因抗糧聚衆毆局二十三日△刑部主事梁廣照因粵

漢鐵路事劾刑部侍郎伍廷芳督辦蘆漢鐵路大臣盛宣懷刑部堂官不允代奏二十四日△兵部侍郎鐵良電劾江西官吏△外務部允德人在登萊沂三府屬二百里內開採各礦△兵部侍郎鐵良電提湖北土膏捐二百萬二十五日△練兵處會議擴充火藥局於京師二十六日△美使照會在重慶設領事△吏部脩改則例告竣二十七日△張振勳請商部代奏准

設立閩廣農工商礦總局。△兩廣雲貴督撫會奏桂桂
寶擾黔邊經各省營合力堵勦現已星散。▲旅順俄艦
五艘逃至煙臺。二十八日。▲旅順俄魚雷船三艘逃
至煙臺均令卸去軍裝。二十九日。△戶部侍郎戴鴻
慈奏請召集三品以上大員在政務處會議國事。▲俄
使要求馬江廈門停泊兵艦。△奉天將軍增祺請仿廣
西實官捐集捐款二百萬以賑東三省難民。三十日。
▲電諭奉天將軍增祺。賑撫東三省難民。△吏部奏准
各衙門主事人員食俸三年者准其開列保送。△湖南
巡撫陸元鼎奏留京官郭立山曾熙彭紹崇充本省各
學堂監督。△晉撫張曾敘奏留在籍道員劉篤敬總辦
山西商礦。△山東紳士崔霖阜集股在滕縣輝縣交界
商家林地方開採煤礦。▲山東濰縣民抗捐滋鬧。
十二月初一日。△廣東奉旨辦團。△鄂督張之洞會同
蘆漢鐵路大臣盛宣懷電請駐美使臣梁誠照會美外
部。請廢粵漢鐵路合與公司合同。初二日。▲太后議

辦貴族振武學校。△浙紳以法人堅索瀘紹航權。電請
同鄉京官轉告浙撫力拒。△俄國以伊犁回漢衝突假
詞保商由土謝圖汗派兵往禁伊犁將軍電請外務部
照會俄使撤兵。△政府與日本所定民政章程辦理。△電飭
駐美使臣梁誠力爭華工禁約。▲賞史念祖道員發往
湖北交張之洞差遣委用。△以德人赫盤西爲江南製
造局經理人。△紐約合興公司電稱已將粵漢鐵路之
比股收回。初三日。△鄂督張之洞電請政府嚴拒德
人要索鄱陽湖屯船演礮。△外務部劄行總稅務司以
江甯山東開作商埠應照天津上海現行章程。凡應納
稅五十兩者加收一成以充商埠經費。△商部行知各
省商會以明年比正月為會事。初四日。△署江督端方
奏鎮江駐防旗營需餉無着請由蘇省撥款接濟。△鄂
督張之洞督辦蘆漢鐵路大臣盛宣懷電告駐美使臣
梁誠聲明合與公司所發小票作廢。▲廣州粵漢鐵路

工程局實行裁撤。初五日。▲以胡廷幹補授欽撫。▲湖北宜城縣衙戶抗官清查糾衆滋事。▲外務部照會英使索還威海衛。初六日。▲粵省督撫電請外務部停辦南非招工條約。▲湖北宜城縣游勇肇亂。初七日。△練兵處電催各省查報兵馬額數弁丁餉項。△政府決議設製造局於萍鄉。△閩省議改鹽灘爲官營商辦。初八日。△美政府照會外務部。以不能贊成粵漢鐵路廢約之事。初九日。▲閩督魏光熙因波羅的海艦隊東來。電商江督訂購礮械。以備不虞。▲浙紳以龍興寺被日僧占領。公電外務部速爲挽救。初十日。▲江督周馥以防務緊急。派員訂購軍械於日本。十一日。△軍機處因波羅的海艦隊將來。電告江督閩督嚴防海口。△各商號以戶部銀行開支太繁。不願附股。十二日。△中國歸還賠款與日本。計百二十四萬有奇。△外商兩部照會法使。改訂閩礮合同。作爲華洋合辦。十三日。△特飭軍機處遇機密事件。以滿文奏聞。△

練兵處奏定新軍官制。分爲上中下三等。每等各分三級。十四日。△伊犁將軍馬亮電奏俄人陸續進兵於喀什噶爾。△政府飭陝督崧若預籌邊防。△前署江督端方奏覆查明浙江漕務積弊。△商部奏請推廣內河行輪。△留美學生電致鄂督張之洞。謂贖路廢約。合萬國公例。十五日。△新疆巡撫潘效蘇電奏有俄兵三千餘人侵入蒙古。△美領事干涉江蘇崇明縣花行抗捐事。△廣東省城罷市。以警局誣捏鞋店窩匪故也。十六日。△江督周馥電阻華人力爭周生有案。△江蘇丹徒縣因加征漕糧。激成民變。△戶部尚書趙爾巽。條陳各省路礮事宜。十七日。△署寧督岑春煊反對鐵良設立土管統捐事。十八日。△吏科給事中熙麟奏劾伍廷芳辦路受賄。△留日湖北學生電致鄂督張之洞。請堅持鐵路廢約之議。△閩省大吏。因土捐收數無多。允鐵良合辦土管統捐之議。十九日。△外務部通告各國。聲辨俄國誣捏我國不守中立事。二十日。▲

東方雜誌第一期

直督袁世凱奏請試辦直隸公債票奉旨依議。△電
命粵鄂兩督密查伍廷芳盛宣懷鐵路受賄事。△刑部
設法律館飭令滿漢司員學習例案並參讀各國刑律。
△商約大臣呂海寰電請設內河輪船招商局。二十
一日。▲江海關道袁海觀電稟外務部力爭周生有案。
△鄂督張之洞通飭各屬通行一兩重銀幣。二十三
日。△西甯辦事大臣電請政府照會俄使禁止俄兵橫
暴。△閩督魏光焘奏陳邊防整頓兵制。▲裁漕督改設
江淮巡撫統轄江淮揚徐四府及通海兩直隸州以恩
壽綱補江淮巡撫。陸元鼎補授江蘇巡撫又以淮揚海
道兼按察使銜。二十四日。△潮州以鐵路事殺日人
禮和瑞記兩洋行允賠華商虧折銀十萬兩。二十五
日。△張翼布告開平礦事質審得直。△御史王誠義奏
參六部滿漢堂官疲弊殘疾難期振作。△奏請裁撤張
家口監督添設將軍兼理稅關事。二十六日。▲粵匪
路礦三月。潮汕鐵路定章。七月。開洛鐵路開工。八

漸次蕩平。△浙撫董錦梁電請外務部力拒法人要索
滬紹航權。△戶部歲入歲出預算決算表成。△商部侍
郎伍廷芳受賄事某邸力爲袒護。上諭着其明白回
奏。△四川籌款辦路議按穀石派捐歲可得銀三千餘
萬兩。△四川議築成都至灌縣枝路。

附錄大事摘要

內政界

軍事 四月。鐵良爲兵部右侍郎。六月。鐵良南下盤查
各省藩庫並勘萍鄉廠地。八月。練兵處奏定陸軍營
制餉章。九月。各省認解練兵經費。十月。練兵處奏
設京師天津江蘇湖北陝西武備學堂。

財政 十月。設立戶部銀行。十二月。直隸奏行內國公
債。各省開設商會。

學務 二月。京師大學堂派學生留學歐美。十月。戶部
設計學館。各省派留學生於日本英美意法德。

路礦 三月。潮汕鐵路定章。七月。開洛鐵路開工。八

月。膠太鐵路開工。九月。甯滬鐵路開工。淞滬鐵路歸併。十月。自辦川漢鐵路。二月。奏定礦務章程。五月。安徽設全省礦務局。九月。福建設全省礦務局。十月。開辦新疆礦務。十一月。贛紳自開江西礦務。律約。正月。商律成。九月。刑律館交涉新律成。十一月。吏部則例告竣。

商埠。四月。自開濟南濰縣周村蕪湖爲商埠。五月。自開長沙爲商埠。七月。議開鄭州爲商埠。八月。自開通州爲商埠。以上兩事辦之事

裁官。五月。裁淮安關粵海關監督及江甯織造。六月。議裁各部差員。八月。內務府奏裁七十二缺。十一月。裁湖北雲南巡撫。十二月。裁漕運總督。改設江淮巡撫。

平亂。廣西亂事稍靖。擒陸亞發。破四十八峒。以上兩事滅之等

外交界

中國中立問題。正月。各國以日俄戰事認我中立。七

月。俄魚雷船一艘逃至煙臺。爲日人捕去。俄巡洋艦一魚雷船一逃至上上海解除武裝。十二月。俄艦五艘逃至煙臺解武裝。俄人宣告我不守中立。辨正之。英藏和約問題。五月。英兵入藏。八月。藏英和約簽字。不認爲我藩屬。朝命唐紹儀赴藏議改約。賠款用金問題。十月。與各國爭庚子賠款用銀。不得。其後議以金鏹補給前欠鎊價八百餘萬兩。各省攤付未清。

粵漢鐵路問題。七月。美人所設合興公司不守約。以路權售歸比人。美工悉回國。粵湘鄂三省官紳合力爭之。欲廢前約。

華工招禁問題。二月。與英人定非洲招工章程。六月。天津設保工局。四月。華工始起程往非。議與美國改禁華工條約。

俄兒會冤問題。十一月。上海俄逃艦水兵砍斃甬人周生。有俄官自定冤犯監禁四年之罰。江督憲道等會議。

權不得。

十二月。朝命盛宣懷督辦其事。

外人要索問題。中葡商約成。德人要索兵艦入鄱陽湖不許。法人要索滬紹航權亦不許。外人要索我廬山租地許之。葡人求築廣澳鐵路許之。

明治三十七年日本事紀

一月四日。▲日俄末次協商。五日。▲兵部諭禁報館登載軍事運動。六日。▲儒履西洋武員奉命歸國。九日。△開內閣特別會議。十日。▲駛巡洋艦四艘於亞爾然丁國。十二日。▲以角田秀松爲竹敷要港司令官。▲政府商請各輪船公司速備輪船三十艘備運兵也。十三日。▲添置一等戰闘艦二艘。十七日。▲遞信省設野戰郵便。二十五日。▲開第一次軍事會議。二十六日。▲首相耶開元老會議。二十八日。▲大藏省外務省海陸軍省四大臣宴全國著名銀行家籌軍費也。二十九日。▲臺灣民捐助軍費銀數十萬圓。

二月四日。▲開元老御前會議。八日。▲與俄人大戰於旅順。▲外務部大臣小村壽太郎會俄使。發兩國絕交書。九日。▲頒行軍條例。▲戰於仁川。壞俄艦二艘。▲議設捕獲審檢所。十日。▲駐韓使臣謁見韓皇。阻其遷徙於法國軍艦。韓皇允之。▲諭駐華使臣以日俄協商後至決裂頃末宣布。▲下宣戰令。十二日。△佔漢城。十三日。▲設大本營於東京。十四日。▲海軍製繫旅船壞俄艦二艘。▲以佐世保爲臨戰地。發令戒嚴。▲長崎對馬各處塞地戒嚴。十五日。▲攻大連。俄軍敗遁。遂登岸。十八日。▲日韓議結國防同盟約。十九日。▲日皇升殿。行授旗禮於預備聯隊。二十一日。▲以吉川子爵爲內務省大臣。二十四日。▲日皇召見春日日進兩艦之英統領二人。賜以旭日寶星。二十五日。▲堵塞旅順口門。

三月六日。▲大本營徙西京。▲攻海參威。八日。▲派候爵伊藤博文赴韓爲慰問使。十三日。▲攻青泥窪。

十四日。▲開內閣特別會議。議定增稅濟餉事。

四月一日。▲帝國議院閉會。九日。▲佔鴨綠江沿岸。

二十六日。▲軍隊渡鴨綠江。二十七日。▲日皇召見

韓國赴日慰問使李址鎔。賜以旭日大綬章。

五月一日。▲佔九連城。鬱蘇溝。三日。▲復堵塞旅順。

五日。▲佔歡子店。六日。▲佔鳳凰城。普蘭店。七日。

▲堵塞旅順事成。十日。▲募償定議。八日。▲佔寬

甸縣。十二日。▲軍隊小挫於蝦蟆塘。十四日。▲敗

俄兵於安州。十六日。▲東京教會會議。▲佔金州。

十七日。▲與俄兵大戰於青泥窪。十八日。▲大隊至

遼陽。▲俄兵退出牛庄。▲占蓋平。大石橋。十九日。▲

軍隊在大孤山上陸。二十六日。▲進攻遼陽。▲佔南

山砲臺。▲艦隊封鎖遼東半島。二十七日。▲支隊佔

南關。二十九日。▲得黃海忠清兩道漁業權於韓。爲

韓皇所許故也。三十日。▲佔青泥窪。

六月一日。▲遣軍隊偵探旅順。▲派紅十字看護隊赴戰

地。▲敗俄兵於李家屯。▲改定臺灣圓法。六日。▲與俄兵小戰於分水嶺。七日。▲艦隊在青泥窪海面掃蕩水雷。八日。▲佔賽馬集及岫巖。九日。▲艦隊攻擊熊岳城。蓋州沿海。十二日。▲發行國債票。國民爭購之。十四日。△黑木大將約與大將合攻旅順。十五日。▲敗俄軍於瓦房店。佔保家屯。至具家之地。▲佔

得利寺。▲商船和泉丸。常陸丸。爲海參崴俄艦擊沈。佐渡丸亦受重傷。▲敗俄軍於富村。佔之。十九日。△向聖賽孟製鋼廠定購軍需品價七百萬法郎。二十一

日。▲與俄軍小戰於綏陽邊門。獲勝。▲佔熊岳城。二十三日。▲旅順俄艦二十五艘出港南下。擊敗之。後遁入港。二十六日。▲大敗俄軍。遂佔分水嶺。摩天嶺。大嶺。三道溝等處。▲大連灣掃海事成。▲佔小平島。西方雙島山。至蘭屯鄉東方一帶之地。▲自旅順背面攻擊俄軍。佔東北之李家屯。及小平島後小山。二十七日。

▲與俄軍戰於旅順口外。擊沈俄艦一艘。▲佔分水嶺。與俄軍戰於旅順口外。擊沈俄艦一艘。▲佔分水嶺。

二十九日。▲運船小野丸。帆船西洋丸。為海參崴俄艦擊沈。▲佔北芬水嶺及連山關。

七月二日。▲巡兵擊退俄騎兵於下馬屯附近。五日。▲

擊退俄軍於摩天嶺。六日。▲佔旅順後路之廟宇。▲

滿洲軍總司令官大山巖參謀總長兒玉源太郎等。自東京起程前赴陣地。八日。▲破艦海門觸水雷沈沒。

九日。▲第二軍擊退俄軍二萬人於蓋平。遂佔其地。

▲與俄海軍戰於旅順口外。▲與俄軍激戰於石門海山塞高家屯等處。十一日。▲大軍逼遼陽。十七日。

▲與俄軍復戰於摩天嶺。十九日。▲與俄軍戰於塞家園。俄軍敗績。▲又戰於高村。佔細河沿一帶。二十日。△軍隊自青泥窪上陸。▲佔旅順西面松泰角礮臺。

▲商船高島丸為海參崴俄艦擊沈。二十一日。▲佔水師營。二十四日。▲水雷艇襲俄艦於鮮生角。破沈其一艘。▲佔大石橋一帶之地。二十五日。▲自是晚

始。水陸兩軍合攻旅順羊皮山礮臺。破其魚雷艇三艘。大谷。往福建安平鐵傳教。▲軍艦八重山駛入青島旋

▲佔牛莊。二十六日。▲自是日始。連日撲攻旅順。▲佔營口。▲猛攻狼山。軍士死傷甚多。△滿洲軍總司令官大山巖自青泥窪上陸。二十七日。▲海陸軍夾攻旅順。▲奪老龍島礮臺二座。二十九日。△議設領事於鎮江。三十日。△軍隊築電車鐵路。往來安東鳳凰城各地。△續運兵往戰地。▲佔析木城。

八月一日。▲佔榆樹林樣子嶺等處。二日。▲擊退旅順港外俄國巡船。三日。▲佔海城及牛莊城。五日。▲

與俄海軍戰於旅順口。九日。△佔鳴鶯西北渾家屯

相近之礮臺。十日。△先鋒隊擊退元山俄兵二百人。

▲在旅順之魚雷擊沈俄巡洋艦一艘。十一日。▲陸軍在小平島擊退俄艦兩艘。▲捕獲逃入烟臺俄艦。

十四日。▲上村艦隊在對馬島附近擊沈海參崴俄艦二艘。十六日。▲攻圍軍致勸降書於旅順俄參謀長。

十七日。△滿洲主營遷往海城。二十日。▲派真宗大谷。往福建安平鐵傳教。▲軍艦八重山駛入青島旋

卽出口。▲捕獲牛莊盜船八艘。△改訂牛莊稅則。加重洋藥稅。減輕官鹽稅。二十一日。△青泥窪至蓋平軍用鐵路成。▲復猛攻旅順。▲上村艦隊擊沈俄艦挪伊克於科爾薩科甫。二十二日。▲佔椅子山。△與韓國訂約。謂以後與他國訂約必經日本許可。二十三日。

▲陸軍在旅順外擊傷俄艦些伐司土坡。▲海陸兩軍與旅順俄礮臺兵隊力戰。二十四日。國民議集捐款組織義勇艦隊。二十五日。△聯合艦隊捕獲接濟旅順帆船二十六艘。二十七日。△捕獲法國船一艘。拖往佐世保。△佔安平。二十八日。△運兵至青泥窪。助攻旅順。▲佔鞍山站。三十日。▲攻破旅順第五號礮臺。三十一日。▲大隊圍攻遼陽。

九月三日。▲佔遼陽全部。五日。▲魚雷艦駛入吳淞。旋即出口。▲佔煙臺。七日。▲內閣增設滿韓局。八日。△攻破旅順兩礮臺。十二日。▲議設佔領地總督府於遼東。△攻圍軍在旅順四圍建築礮臺。十七日。△

與俄軍戰於塔察加島。不勝。△派長谷川大將為滿洲屯軍總統。西大將為韓國屯軍總統。▲與俄軍小戰於平臺子。十九日。▲奪獲旅順礮臺三座。▲陷苦魯巴金礮臺。二十日。▲攻鐵嶺附近之俄軍。不利。二十一日。▲復勸旅順投降。司徒塞爾不從。二十三日。△開鑿旅順隧道竣工。二十九日。▲與俄軍小戰於煙臺及遼河南岸。

十月一日。△改徵兵令。二日。△得韓國元山鐵路權。四日。△先鋒隊擊退俄軍於靈陽邊門。及平臺子。奉天大道。渾河左岸等處。五日。△軍隊進逼奉天。九日。△調臺灣兵隊會攻旅順。△佔奉南三漢錫山。▲自是日始。連與俄軍劇戰於奉南。十二日。△礮艦平遠。在旅順口外觸水雷沈沒。△駐防韓國總長長谷川。派兵駐守咸鏡平安等處。十五日。△募集第三次公債票。十六日。△派人往滿韓調查礮山。十八日。△攻毀旅順瞭望塔。及巡洋艦卑那。十九日。△在英國蘇格

蘭定造冬衣。三十日。▲佔二龍山松樹山。并奪獲東雞冠山北面礮臺。三十一日。▲攻旅順船坞。擊沈汽船二艘。

十一月一日。▲擊傷旅順口俄艦五艘。△佔韋陀山。四日。▲佔二龍山礮臺全部。十七日。▲炸毀松樹山二龍山兩處破臺。十九日。△設保甲局於奉天吉林。二十日。▲自是日始連日大攻旅順。佔二龍山北側山腹。及東雞冠山東南礮臺之散兵壕。二十六日。△旅順攻圍軍毀俄破臺外面護牆。及堡壘數處。▲復據懷仁。二十七日。▲兵艦須磨丸在大連灣觸水雷沈沒。三十日。△政府擬與華商合股創設日清銀行於中國。▲佔旅順二百三邁當山礮臺。▲巡洋艦濟遠觸水雷沈沒。

十二月一日。▲得松樹山東面各堡壘。及附近陣地。▲佔旅順二百三邁當山全部。三日。▲佔顧家子。▲自是日至二十九日。連攻旅順港內俄艦。大破損之。又攻毀

南白魚山。又佔領赤坡山。十一日。△派上田中將為臺灣駐防總長。△派礮師往北烟臺開礮。十六日。△攻毀旅順俄船一艘。十九日。△與俄軍小戰於沙河方面。二十日。擊毀旅順俄魚雷船一艘。二十二日。△戰艦八艘。運送船十五艘。向南迎擊波羅的海艦隊。

▲巡洋艦香港丸日本丸抵新嘉坡。二十四日。▲佔三羊頭村。及小房村。二十五日。▲佔後楊樹溝東面小山。▲佔劉家屯全部。二十八日。▲攻奪二龍山礮臺全部。三十日。▲海軍司令長官東鄉大將。及上村大將回國。三十一日。△與俄軍小戰於沙河鐵路橋附近各地。▲佔松樹山。

一千九百零四年歐美事紀

一月二日。▲美國與阿聯辛尼亞議定商約。三日。▲俄皇以特別之名譽。許遠東總督阿力喀塞克夫。四日。▲美水師進發漢城。保護駐韓使館。▲英相巴爾福外

乙巳

城亦保護使館也。五日▲俄艦隊離旅順以伺日軍舉動▲西班牙船工罷市。六日▲俄開御前會議▲美國海陸軍省請將蘇聯作爲大水師軍港並請款增築馬尼刺與蘇聯兩處增築礮臺。十二日▲新錫蘭首相西段請英國勿許華工至特蘭斯哇爾▲美以百坎年爲駐巴拿馬公使▲美國喀蘭尼安努親王在華盛頓被捕以酗酒滋事也。十四日▲美國議設領事於奉天安東▲土皇允各國之請在馬基頓施行新政並免土耳其與布加利亞之國事犯罪。十五日▲德國佛里茨德之預算委員請在紐奧凌阿蘭塔聖保羅並西阿脫羅設領事。十七日▲德屬南非洲大亂。十八日▲美政府批准中美商約。十九日▲德國下議院等指南非兵雲。二十一日▲俄政府照會各國明認中國在東三省之主權與其土地▲俄國開遠東委員會議俄皇自爲議長▲美國議築鐵葛坡大水築軍港。二十四日▲英開內閣會議德國以日俄事

件開特別國際會議於柏林。二十七日▲德太子被舉爲老成兵會之長。二十八日▲俄開大臣會議。二月一日▲英增設陸軍參謀處▲英意公約簽押。六日▲西南非洲亂黨斃德官二人。七日▲駐俄日使栗野慎一歸國。八日▲土耳其與布加利亞交戰▲德屬南非洲有大戰▲古巴亂黨發難。十一日▲俄皇宣告與日本開戰。十二日▲英德法奧西荷丹及英屬新架坡一帶布告中立。十三日△俄人嚴勦水師提督司塔。十七日△英美各派領事於奉天安東。十八日▲美共和黨魁議員烏罕諾卒。十九日△法設防於英鋒秦。二十一日△意國特派兵艦赴遠東▲土耳其徵集陸軍以攻布加利亞。二十二日▲俄以兵部大臣苦魯巴金爲遠東陸軍大元帥。遠東總督阿力喀塞克夫兼任遠東水陸軍總管▲瑞典徵兵防海▲西班牙發兵一大隊往駐坎拿理海島▲英屬南非洲及朴哥勞新立內閣以哲美生長之。二十三

第一期 東方雜誌

日。▲俄控日本違背公法於各國。二十四日。▲美上議院批准巴拿馬運河條約。二十五日。▲俄革命黨滋擾高加索地方。二十七日。▲英以遼寧為新錫蘭總督。二十九日。▲英改定南非屬地兵制。

三月一日。▲各國陸續派兵遠東。▲英以北艦島總督柏爾茨為駐不佛來大臣。五日。▲英以外部副書記哈丁司為駐俄公使。▲秘魯京城利馬地震。六日。▲德伯爵瓦德西卒。▲俄政府嚴捕革命黨。八日。▲俄募美金一百五十萬鎊備重整海軍之用。十日。▲美以前駐遼寧公使巴爾為駐巴拿馬大臣。十二日。▲英簡安特生為星架坡總督。十四日。▲德皇出巡。十七日。▲俄調水師提督司塔回國。十八日。▲俄設捕獲審檢所於色波斯德波耳里坡旅順海參崴四軍港。

二十六日。▲法政府與教皇決裂。二十七日。▲英以伯爵寇仁為南五港之摩登伯爵。

四月七日。▲土耳其與布加利亞訂和約。八日。▲德國

徵集陸軍前往南非。十日。▲西班牙廢后依柴贊助第二卒。十三日。▲俄東方水師提督馬哥羅甫戰死。十五日。▲俄以統帶黑海艦隊副提督司席理羅夫為東方水師提督。十八日。△法國土龍軍港提督合拉策爾及地中海艦隊提督皮羊械城。二十日。▲英上議院批准進兵西藏之議。二十四日。▲法總統勞畢至羅馬大受意王歡迎並定議變時爭論地中海之事。二十五日。▲匈牙利革命黨暴動。槍斃警察總監。二十九日。▲俄政府不願各國調停戰事。宣告其派駐外國使臣。三十日。▲瑞典丹麥宣告中立禁止俄國軍艦出入港口。

五月一日。▲美國聖魯易賽會場開會。九日。▲巴西秘魯大戰於愛加。十三日。▲法人議增兵於越南。▲英國宣告派兵至藏。十四日。▲俄屬波蘭作亂。十五日。▲奧政府議增籌軍費。十六日。▲俄皇親送基發來軍隊赴遠東。▲俄廷嚴責遠東總督阿力喀塞克夫。

二十日。▲德以西輕男爵爲駐布加利亞公使。二十一日。▲俄與韓戰。二十二日。▲法國撤回駐敦皇宮殿之使臣。二十六日。▲德人戰勝南非竊黨。二十八日。▲奧廷授英皇愛威爲奧國大元帥。三十日。▲俄將苦魯巴金奏請給予全權。

六月二日。▲德比商約議定。▲俄駐西域總督意拉諾卒。

△俄民暴動。國事犯被捕者一千餘人。▲俄遠東陸軍大元帥苦魯巴金請政府增兵防守旅順。三日。▲英統帥楊赫斯奔行抵西藏。六日。▲西班牙派送艦隊於天基亞。八日。▲摩洛哥王與亂民訂約。十一日。▲英法詰責土耳其不應以兵力壓制阿爾美尼亞人。

十二日。▲土耳其宣告禁止俄艦隊通過韃靼納爾海峽。十四日。▲英兵敗藏兵於甘志。十五日。▲俄人始設伊爾庫特信局。▲俄皇詔徵六十一縣兵爲豫備隊。十六日。▲法以摩洛哥事與西班牙議定條約草稿。十九日。▲俄國向聖彼得堡製鋼廠定購軍需品。

價約九百萬法郎。▲芬蘭人叛哈辛福爾之總督府警察署均被劫掠。殺官吏十八人。▲有俄國驅逐艦兩艘。運送船一艘在旅順口觸水雷炸碎。死者約百四十人。二十四日。▲英國與巴西和約已定。英占利益甚多。▲巴拿馬民主國改懸美旗。二十六日。▲英非洲總督辭職。▲德國用兵南非洲。▲英援兵至甘志。與藏人戰於納宜寺旁。二十七日。△英頭等兵艦七艘集於威海衛。二十九日。△海參崴俄艦及魚雷艦又現於元山近處。并攻擊元山沿海。△英皇自繼耳起程返國。三十日。▲德華銀行在柏林議定添新股金二百五十萬兩。

七月五日。▲西藏與英開始議和。九日。▲俄皇徵新兵五十萬派往遠東。十日。▲藏英和議不成。英軍即進攻甘志礮臺。取之。十二日。▲暹羅聘法人爲法律顧問官。▲俄義勇艦斯莫倫斯克經波斯波魯斯海腰駛往蘇彝士河。十三日。△西伯利亞火車一律裝無線。

電。▲亞丁亂平。十四日。▲俄艦又現於日本北海之報至。△意瑞兩國商約盡押。▲英艦隊泊榮城灣。▲英德條約已於二十九日簽字之報至。▲在非洲北方邱納司總督訪法總統於巴黎。十五日。△英將墨克大納爾進兵拉薩。△芝加哥每日新聞館通信船被俄捕去。十七日。△秘魯與巴西議和。十八日。△德國郵船在紅海被俄艦搜去信件。△巴拿馬新設青例禁華人入內。二十日。△倫敦議會以上海為英國商船入冊之地。△英船兩艘在紅海被俄艦扣留。二十三日。△俄人在煙臺東南五英里之地架造無線電塔。△德國運兵往非。二十四日。△英兵進占西藏之克羅拉山地。△美人担保土耳其所欠俄國國債。△英許前特蘭斯哇爾統領歸葬。二十七日。△英船拿伊克們特被俄艦擊沈於伊豆海面。△英許特蘭斯哇爾自明年始改為立憲政體。▲香港新總督到任。三十日。△中立國船可自由往來遼河。△俄內務大臣為虛無黨所殺。△俄艦駛赴津輕峽。三十一日。△芬蘭叛俄。

八月一日。▲俄水雷艇欲逃出旅順港外。被日艦擊退。二日。△俄人購巡洋艦二艘。於南美洲某國。三日。△俄國滅魚艦二艘及軍艦二艘。駛過丹麥東北海峽。向北而行。四日。△羅馬教皇派駐法國之公使回國。七日。△俄兵渡圖們江。至咸鏡道。古復倉店。逼近咸興。△德國許羅馬教皇所派之不爾勒海林好斯。為山東全省主教。△俄鐵船斯浮特越。自毀於遼河。九日。△俄義勇巡洋艦已駛過亞丁海。屢向東而行。△英兵已抵拉薩城。無大戰。△俄艦又捕德船一艘。十一日。△俄巡洋艦一艘。魚雷船一艘。逃入青島。十五日。△印度公司船哥格。在葡萄牙塞班律斯。被俄艦拘留半小時。十八日。△德兵遠征非洲。占泰德堡。△俄波羅的海艦隊。展期東來。▲俄破艦惡忒華時萊。在老鐵山方面觸水雷自沈。十九日。△俄募本國公債一萬五千萬盧布。二十日。△俄哥薩克兵五百人。又南下至韓。二十三日。△俄艦狄耶那。逃至西貢。二十四日。△俄紅十字會會款八百萬盧布被竊。▲俄滅魚雷

艦一船在旅順誤觸水雷致遭沉沒。一艘受重傷。二
十五日△法國造潛魚船兩艘前往安南緬甸等處。
二十六日△俄皇以太子誕生大赦△法馬賽水手罷
工。二十八日△俄國擬派第二軍至奉天。三十一
日△俄皇命波羅的海艦隊折回根據地。▲俄艦一艘
在旅順口外觸水雷自沉。

九月一日▲俄政府增遣哥薩克第三師團起程赴遠東。
三日△俄國船一艘及魚雷艇兩艘在海參崴觸水
雷沈沒。▲俄集殘兵於煙臺。四日△英兵退出拉薩。
△法國陸續修安南防備議增足一萬二千兵額。六
日△逃至西貢俄艦亦允起卸軍火。八日△俄兵在
太子河掠奪豆船百餘艘。十三日△俄軍設防於哈
爾濱。△俄國調兵防守薩哈壁島。△俄皇詔集奧達薩
省二十二州之預備兵及其武員將以選派遠東。△苦
魯巴金又請增派六軍團兵東來。十四日△俄波羅
的海艦隊由康達脫起程赴東。△俄艦黎那號至舊金
山。十七日△俄軍突破臺於鐵嶺。△俄波羅的海艦

隊泊立暴海口。△俄艦黎那從美政府之命起卸軍火。
△英美兩國均擬改用奧撲克機所造新式各礮。十
八日△俄艦游弋加拿大。△意太子生。二十五日△
各國法律家開萬國公法會議於蘇格蘭。△塞斐亞國
王行加冕禮。△美政府命兵艦駛赴太平洋口岸。保護
美國商船不許俄人破壞中立。二十八日△美俄政
府協商西藏新約事。△俄皇現任維爾那陸軍總長
格立奔白克爲滿洲第二軍司令官。△俄貝加爾湖鐵
路開車。二十九日△瑪尼刺不用墨西哥銀圓。三
十日△俄皇太后皇后往爾勒物爾閱波羅的海艦隊。
十月一日△俄在法國船廠定造巡洋艦四艘魚雷艦十
餘艘。△南下韓國之俄兵北退。二日△俄皇至奧特
薩閱視東征兵士。△俄皇至立暴海口送艦隊東行。△
秘魯新舉理司怕圖爲總統。△葡萄牙宣言嚴守中立。
△俄軍收買糧食於新民屯。四日△俄增設東土耳其
其斯坦戍兵。五日△俄命近衛兵及狙擊兵赴戰地。
六日△非律賓發見煤油礦。八日△亞列喀麥克

夫逃閱海參威破臺。△俄皇命亞列喀塞克夫速歸。

十日。△葡萄牙派兵往南非洲木賽米提斯苦納平亂。

十一日。△海牙爭和會會員訂定十月初五日議決。

日本征抽外人房稅事。十二日。△俄兵三千散見韓

國咸鏡道城津北青等處。十三日。△波羅的海艦隊

四十二艘已由動物南至立暴。△俄軍佔十里坡。△俄

軍佔白牛堡。十四日。△英國擬以四圍海岸爲海軍

軍泊所。十六日。△薩遜國王翹奇卒。△德國派兵至

非洲霍登明脫靖亂。△波羅的海艦隊已駛離立暴海

口。△俄派水軍往海參威。以補艦兵士缺額。十九日。

△法廷擬自明年起凡從東亞運來之絲貨每件納稅

九佛郎。△南非洲委內瑞辣有亂象。△俄兵之在韓國

漢原者已退。△俄向南美洲亞爾然丁等國購巡洋艦

六艘。△俄廷飭全國兵士預備調遣。△俄國再派八軍

團兵赴戰地。二十一日。△葡萄牙內閣總理辭職。△

英國新定徵兵制。其步兵以九年爲正兵。三年爲預備

兵。△波羅的海艦隊在北海破擊厚爾地方漁船。▲俄

軍在白塔堡虐殺土民七十名。△入藏英兵退至春丕。

二十三日。△德屬南非洲亂黨奪據諸基司地方。

二十七日。△南非洲西南德國屬土傑廷地方之亨特

列克維蒲衣凱黨劫德國辦事大臣盤斯陶夫。△俄皇

命苦魯巴金爲東方陸軍總司令官。亞列喀塞克夫仍

爲遠東總督。二十八日。△英海軍戒嚴防俄也。二

十九日。△俄人運動各國欲開黑海艦隊之禁例。

十一月四日。△美法訂新約。△英船脫皮里牙斯在海參

威口外觸水雷沉沒。六日。△波羅的海艦隊一繞好

望角。一由蘇彝士河將會於馬達加斯加島。△俄旅順

守將司多塞爾出戰受傷。△德屬南非洲堪米龍地方

大亂。△法議院提議與英聯盟事。七日。△美與俄比

所訂之約已畫押。△俄定造驅逐水雷艦十三艘於法。

八日。△美命洛克希爾爲駐華公使。九日。△俄擬

撥款二百四十兆。漆造戰艦。重興海軍。△秘魯與巴西

訂約已爲比國承認。十日。△美國新製寶星賞各將

校之平定義和團有功者。△美總統羅斯福被委再任。

十二日。△美擬籌經費八百一十五萬鎊增造兵艦。

△法相提議政治宗教宜各分權限。十三日。△法擬募安南緬甸土人當兵。十四日。△在華道勝銀行開採撫順南渾河之煤礦。以濟俄軍。△美海軍擬增兵至六萬四千四十五名。△法與英邊所訂之約已經議院批准。十五日。△土耳其允俄國黑海義勇艦七艘駛過達旦納爾海峽。△法政府批准與英國所訂之約。

十六日。▲美葡訂盟約。十七日。△葡萄牙國皇及其后赴倫敦。△波羅的海艦隊新加入義勇艦五艘。△墨西哥改例不許民間自由鑄造錢幣。惟仍許自由出口。十九日。△俄黑海義勇艦七艘將開往非洲西岸。與波羅的海艦隊會合。二十一日。△巴拿馬開鑿運河。擬招華人前往作工。二十四日。△俄波羅的海艦隊有一隊已從格里的島之堪內亞起程。二十六日。△俄政府命苦魯巴金為滿洲水陸軍總司令官。二十七日。△英俄北海交涉案盟約已於聖彼得堡畫押。二十九日。△俄於聖彼得堡三日內調集陸軍將校一

千六百員派赴戰地。

十二月一日。▲德意商約畫押。五日。△俄國新頒猶太人充兵令。八日。△俄皇命第三艦隊赴遠東。△波羅的海艦隊有二十二艘駛抵紅海濱阿刺伯之竭蒲賴爾海口。△俄請土耳其政府許其新購兵艦。借額土旗。十日。△俄在美國船廠定造兵艦百艘。十一日。△聖彼得堡有亂。十二日。△澳洲禁鴉片入口。▲美美新約在華盛頓畫押。十六日。▲俄國滿洲第三司令官楷爾斯袞至奉天。△美人阻止招募華工開鑿巴拿馬運河。十九日。△俄國募借國債於荷蘭德國。共二億五千萬圓。二十日。▲俄皇召集百官會議國政。二十二日。△美政府又照會各國。提議開第二次平和會議。二十三日。△西人享其亞擬開鑿第二蘇彝士運河。二十五日。△聖彼得堡有上流人六千人聯名請俄皇改行立憲。二十八日。△法與瑞士所訂條約畫押。△剛果國籌款設防。三十日。△俄太平洋總司令官歐勒曼洛夫自海參崴回國。

小說

小偵探
小說 雙指印

英國培福台蘭拿原著

第一章 麥監脫案之緣起

英女子路山者。美風姿。尤善豫節。給事於帝國大行之衣肆。客來肆者。豔其服。覺式製之新無與匹。度肆中他衣必稱是。購者屢至。路酬接日旁午。主者獲利則大曠焉。

每晚八旬鐘。路輒出遊。往來於白力克司登路。爲多。適有遺燈皮於道者。路誤蹴之。幾仆。有二男子踵至。亟拔以手。得免。路凝視。且重致謝。二男子亦脫帽答禮。時道周頗有屬目者。報之新聞部。且列其事矣。

嗣路仍出遊。遊必於白力克司登路。數數與前二男子遇。始交語以目。旋習則不復能默。路乃知其一爲惠廉。一爲查爾士。同業寫字。同僦某弄之逆旅。比室以居。每星期將晡時。路必詣惠查許。惠查恒共治具。羅諸案。若巨鯁。若多汁之魚。若軟餅。輔以精鹽一器。酷類白力克司登食式。相與語。蟬鳴不得休。路頗示愛情於惠查。惠查故未婚者。意尤眷眷。而卒不能掬

小說

二

正月

其臆。蓋惠查所業也。微奉之入。七日僅僅得金鎊者三。是曠而困者。雖揭櫈於日電報以求偶。恐應者闇然。矧其人爲帝國大行所倚重。舉止妍麗。逾越恒衆。偷驟與議。縱強於顏。而力不自度。人將謂此鰥僂也。夫男子之娶。猶航海家之以飄檣涉巨浸也。雖衣食足一世。而有時勞累。且不可思議。矧路所事之者。得尚不足。澤其躬。而重以謀室。則綢繆星戶間。何往而不寓風濤礁石之憂耶。故惠查卽戀路無已時。而語不及婚事。實自顧財力弱耳。

路雖昵於惠查乎。而於惠尤摯。蓋惠能得路之心。術工於查。路所嗜者爲雪茄煙。爲威司格濃酒。惠輒投以所好。查之贈路時。或重逾於惠。路視之一出惠下。然路雖愛惠甚。亦不忍輕絕查也。

一日。惠飲酣。查有事出路。適來據椅而坐。惠有酒。所突自後持路。驟接其吻。路倉猝不及避。頰頰戰而言曰。汝何以爲此。惠以未逢怒也。復持之路。肺葉震擊。不知所爲。卽起立方欲有言。適查自外入路。卽默與惠故澹然。若無事。頃之路興辭。惠查送之。各相語曰。良夜幸圖晤。

惠力執路手爲別。路佯若不知者。

路在衣肆。主者故刮目待爲治臥室至精。示殊別於衆。或且目其臥所爲狸奴之鞶韁架。蓋妒之者輕薄口角。時有所聞。路之別惠廉歸也。入室默坐。茫乎若有所失。忽不自覺移身卽

妝鏡。脣及其影。蓋迷離惝恍中忘其爲已。及首觸鏡爲懼然驚神。稍稍定。憮若燕支暈矣。自惟何以感情之刺激如是。大有異乎平日之纏綿於女友者。方寸悶惱。無可舉似。益悽然自憐身世已。

某夕惠晤路。值查外出。惠路遂乘電車飛織於白力克司登路。夜色微茫。雜樹森道。左往來暗綠中。輪碾茸草。聲膩然不揚。惠與路喁喁相語。情更篤於曩日。遊已。惠復送路還。脫查爾士之姑不亡也。彼二男戀一女。未知其若何歸宿。今查之姑逝矣。遺囑以三千金鎊予查。查以告惠。惠故黠者。其平日重財甚於查。費亦視查爲夥。其交查也。亦藉以便貸貢。情若至莫逆然。查又曰。辟爾惠之小名。吾友。今吾得此金吾之身值。將異於往日。竊意路山之視我二人也。亦必有異。惠驟聞。大愕眙。查復謂曰。吾雖有金。吾則不悅以金。故使路愛吾二人之情。有異於曩日也。惠且聽且思。目瞪也。注查面。查曰。吾爲此言者。吾誠不願路於吾二人有偏愛也。蓋查竟未知路之偏愛者。已在辟爾矣。查又曰。竊意不宜令路先悉此金謀。定而告未爲晚也。子謂何如。我將赴鄉。售吾姑家具。返約以星期。吾喋喋有屬於君。惟勿以金告路耳。惠曰。諾。且可使路自決。勿以金移其心也。惟君誤測路之本心。抑甚矣。路外更有一人。君與商。當有濟。查急問誰。何惠曰。非他人。君之良友卽僕也。君固愛路而欲娶之。僕則無意。惟

小說

四

正月

深知其用情於僕之深淺。明日脫僕試向求婚。彼必辭卻。查喜形於色。曰。君意然乎。惠曰。然此不易之理也。兄之慮金固其宜也。幸勿先告若。所以觀其戀兄者。將身耶。抑金耶。星期之集。僕託故他適。兄可獨與路共以覘之。查曰。良友哉。吾辟爾也。君之度路果無謬耶。抑君真無意於路也。惠曰。君淺之乎。視我矣。豈不知吾生計之絀。吾外衣且敝。直尙未償。欲易新而無力。烏有一衣之莫購。而婦是求。噫。吾其無望。以釆終復何辭。

查爾士之赴鄉瀕行。乞假於其主者。主者夙知查富才幹勤敏。謂之曰。使汝能置二千金鎊於本行。吾將以股主許汝。果爾。每星期之俸。可立至五金鎊。後復有再益之希望。在查既去。惠與路山復駕電車以遊。車中。惠語路曰。今吾其示汝以愛。路曰。無須爾。姑待後日。蓋路意示愛。仍以吻也。故卻之。惠輒然曰。非此也。吾欲有利於汝也。汝聞查姑事否。路曰。吾友配吳來所告事乎。惠曰。非也。吾所言者。查之姑死。遺囑以三千金鎊傳查。汝聞也未。路曰。未。意若甚震驚者。夫三千金鎊。未足爲巨富也。明矣。然以路所處。視之。直不啻倍蓰。其數之重。惠曰。吾并三千先令而無之。吾其與汝絕矣。雖然。吾又安忍坐視汝墮其術中而不思所以拯之耶。言至此。路凝視惠。欲有所詰。惠又曰。次星期。查必舉以諱汝。其非以金相告。其將隱金而探汝之情篤與否。路怒曰。惡是何言。孰意其猶詐乃如是。惠曰。吾思語遲。未出。惠蓋

意有所計。路又曰。彼亦自覺其詐耶。惠曰。彼甯自覺。雖然。未屆時。汝亦不必以彼爲謊言者也。查之主者絲商也。曾慙查入股事成。其俸每期必益至五金鎊而或過之路。曰。未識查得金作何用。惠曰。多錢善賈耳。以千金飾家具。汝願婦於查。則汝將居沈沈者。或汝友辟爾來。則有冠且裾之女侍。闢謬門而逆入。路急止之。曰。母刺刺言。何其愚。惠曰。汝其自愚矣。吾所言汝宜審昧。母貽悔。每星期有五金鎊之入者。必不徒步竭來白力克司登路也。果熟則口之花灼灼。則手之時乎不遠。幸勿自失。語次。相與憩於樹間欹椅。椅爲某逆旅所設。寬足容二人坐。惠臂繞路腰。不欲使纖質帖椅脊。致不適也。路佯爲欠伸。欲卻其臂。路非作兒女態者。意以爲辟爾。汝母以此說。余蓋甚憎惠之不自言。而惟查之言良久。乃曰。勸予歸查者。君耶。惠曰。是也不歸。則愚莫若。路乃引手向後推惠臂。惠駭且悔。呼曰。汝以此報吾之厚汝乎。吾言無他。爲汝利也。路不對。面他向。非此。則惠必見其淚涔涔下矣。自知愚甚。要之不忍絕辟爾也。作而言曰。行歸乎休。惠自度且見棄矣。心快快。負樹癡立。時夕日西隱。林陰翳然。景色淒寂。俄路語惠曰。吻妾。既而曰。此次與君最後之誌也。君當知予肺腑。惠曰。願如言。頃之車旋別時。惠復力持路手以示膽。

星期既至。三人集飲甫畢。惠佯憶有要電未發。是日爲星期。電局收發。閱時至促。惠若不得

不亟往者。查路以惠暫離十分時也。不之阻。惠潛語查以睫。舉武時於路亦然。惠旣出。查曰。吾欲叩汝一言。路乍聞色動。如有欲言而恐不能盡意。僅呼曰。嗟。查曰。路山無他。特問汝願嫁吾與否。路居恆喜觀優。凡種種演情之劇。並印於腦。此際若有所觸。且亦知機之未可輕去也。卽應曰。查爾。汝意誠實耶。查曰。吾生平所爲事。誠實無逾於此。路乃效劇中之詞曰。但。但。查急對曰。無。但字之可言。祇有然否。路乃趨趨矚其目。仍效劇語。視查目而言。曰。查爾。吾之愛汝。汝已知之熟矣。查喜心翻倒。跳身起。不自覺其踴於路前。路頰引查手。查曰。汝其嫁吾乎。曰。否。否。幸勿及此。查曰。何以故。查之言此也。聲洋洋然。不類失望。彼以爲無論何種之阻力。有物焉足以移易之物之重莫如金。有金則無所爲阻力者。路又以巾掩目曰。我與若不宜有是想。吾愛汝。婚恐不利於汝。汝再思之。吾甚樂爲汝婦。特不忍以娶吾。而殃君之前途。時巾離目。淚隨聲下。並爲查整髮。覺髮剛於惠。查曰。脫吾有金足贍家室。汝其爲吾婦乎。路收淚曰。汝母歎吾甚。樂爲汝婦。使吾有財。嫁汝復奚言。今繁榮貧女耳。又何忍累汝。查臂繞路體而言曰。卿乎。請勿過慮。吾姑卽世有金見遺。吾且爲所業之分主。路以手抵查臂。注聲橐橐。由梯而上戶。闌而雪茄煙氣先惠而入。味觸鼻觀。知煙得於賤值也。查歡呼曰。辟爾。目不瞬。卽問曰。汝說然乎。查卽對曰。無虛言。路挽查使近已。雖無言而有莫可舉似者。俄履

遠賀我路山已許爲我婦矣。惠漫答之。須臾路別去。於是路查情日深。偕覓得居室。購具實之。凡婚事所需。罔不鑄且備。婚有日矣。前一夕。惠查聚語。查手覆惠肩曰。汝欲吾有所輔汝乎。欲則言無隱。吾輩心交久處。患樂與共。非恆泛比。惠曰。吾固將有瀆。惟自顧不當有與汝相商之權利也。查曰。無害。願明示。惠曰。汝識前在亞母士酒肆所見之亞格拉脫其人乎。曰。然。書商也。曰。吾識斯人久。昔業酷致富。今設書肆於四達之衢。近頗厭事。彼願以息六之一分贈。吾但以二百入。卽分主矣。查曰。書肆固業之至無易者乎。曰。然。則以利何業而可。曰。吾知之。惠曰。查爾。吾所言之業。利亦良厚。吾非漫呼將伯者。汝果欲助予。敢以請。成則每星期吾能獲六金鎊矣。曰。如許多乎。曰。不徒此也。每星期吾可節三金鎊以歸汝。查曰。雖然。吾願汝爲他業。曰。他業難得。卽得二百金亦無補。今以此數假余。他日余得自立。此實基礎也。查於是探衣袋出銀券簿。一若初次接銀行而以券簿誇人者。然旣注二百金數於券。授諸惠。惠曰。每月朔必以十二金償。即書爲息壤。言次。復謝厚意。

翌日。查就娶。惠仍以友誼往。欣然賀。查路成良儺。已而惠目覩彼新婚夫婦。投甲令義路之瀟車。行遊以度蜜月。婚後二星期。查始理生業。其主者於買山里設分肆。約以每夏季。查詣彼作一月留。冬則主者往以均勞逸焉。

惠所業頗得手。月如約償。查無或爽。值賽馬之季。宴於查第。見新婦舉止。視未歸時尤楚楚。呼之爲查夫人。查意得甚。夫人則側目而視。查自後患屢執查夫人手。執且堅。不復顧夫人。約指之切膚矣。七月期至。查往買適。買地熱病盛。查不敢攜婦行路。亦不以未偕爲意。蓋歸查雖未久。厭夫之念已萌芽方寸間。查所以未見其弱點者。以燕爾之曠。未察其本性。路酷嗜酒。盃鑄無虛日。不數月而酒債山積。威司格及沙打水之癮。復日益深。且以賒酒更得縱飲。查愛之。不以爲非也。路性復懶。不能操家政。查居三等屋。既湫隘。復不潔埽。除琴書塵積。路晨常幕食。午始起。自謂前給事衣肆。過勞心力。及今不節。非所以衛生。乃一意自暇逸。傭一僕。朝夕事悉委之。喜怒不測。求稱意僕。更難。自查之行。益鬱鬱不自得。素嗜之威司格酒。嚮甫飲卽心開。今不復能遣愁寂。第舍杯杓。心更不知所寄。愈憊愈益沈醉。每酩酊時。晝空咄咄。咨嗟扼腕。惆乎有誤適之感。一日坐妝次。作小簡曰。辟爾鑒。面窗兀坐。蕭寂無憊。能左顧馨積。懷幸甚。無任盼。妾路上畢躬投諸郵編。以號若不勝鄭重者。

曩日惠每接路書。當開緘時。輒心神蕩驚。手爲之顫。今則迥異。其不能無嫌於路可知。彼雖素嗜威司格酒。其昧特不欲所嫌之婦女共領之也。

惠廉與亞格拉脫之營業。皆於亞母士酤肆爲之肆。有女傭曰寶蘭。與惠亞久相習。意不能

無繫。度惠勤奮。不久居下者。已傭保耳。微賤。何敢望援附。特寶耐辛勞。力圖自振。復嗇縮衣食。所得值。已積至二百金鎊有奇。儻別僦一舍。自業酤。貶價以招亞母士之舊客。私度。若得惠亞之助。必屢填其戶。知亞已娶。惠則鱗其偏愛惠也。固宜。惠亦憐其多情。力贊成之。相與握手致意。寶所欲僦居者。爲一蒸酒房。其經事人亦識寶。知寶所爲。然房值需四百金鎊。寶有其半。餘商貸於惠。惠諾而無以應。焦甚。僂指良友。僅查爾士一人。奈宿逋返未半。再則弱於顏。且知查實無此巨數。蓋查得三千金後。以二入股。餘一則以五與路。二假惠。復購家具。存無幾何矣。欲貸於路。自悔曩旣私也。而復給取其金。胡可是日。寶謂惠曰。今兩星期矣。日且迫。君如不亟爲謀。所居將爲他人有。惠窘不知所爲計。比返家。讀路書。意嫉嫉然。感而自語。吾不路之貸。而誰貸耶。期以他日償。其必秘不使查。知彼於他私事。猶不洩。則此尤可信。脫彼聞吾之婚。而見嫌也。則彼固有夫。而私於吾。吾何畏。薄暮。逕趨路所。路逆入閨戶。而告曰。妾已命女僕他宿。願與君偕出。鑰在吾。握出入可自如。君其吻妾。惠曰。吾甚憲。幸勿趣。吾偕汝。況此遊實多礙也。設或有見。而聞於爾夫者。其笑以掩飾。路和威司格於鹹荷蘭水。曰。舉此母多慮。天曠黑。不患人見也。惠中。迫不能安於坐。強笑無言。路踞惠膝。環其臂。手引杯。問曰。辟爾乎。汝何憲。喪乃爾。惠婉答曰。常令男子厭悶者。吾竟遭此語。次卽隱度。以何道。

善其辭。路曰。其兒女子私情耶。雖然。母以妾爲可憎物。抑實有他女煩汝慮耶。噫。彼何人言已。驟卻其臂。惠曰。汝幸勿自愚。路曰。妾固自知非其人也。惠曰。汝豈不知吾無他戀耶。惠固善誑。以此術售者屢矣。則何怪。路之深信也。臂復如故。小語曰。君不得於中者奈何。其亟諱。妾曰。用窘耳。路曰。妾駭若。言吾夫道及君。輒云近且利三倍。所入豐於彼。惠曰。然。顧貢販耳。優劣何常。重以亞格拉脫性怪異。所獲之利。斬不令先取。吾輩每星期僅得數金足朝夕。必俟歲暮。利始獲均有之。吾積數得二百。惟俟期不能紓吾急。吾獨何能無怒然耶。路曰。當爲君籌之。惠曰。吾之二百金亟欲得於一星期內。吾曾言於亞格拉脫。彼持之益堅。曰。生意者。迭生不盡之意。胡亟亟爲味。其言良是。雖然。不得金。吾憂何能釋。路曰。歲暮時。君所獲果無誤耶。惠曰。然。不徒此數。且可冀增益。路曰。設妾以此數假君。何若。惠曰。汝果有此數耶。路曰。然。汝豈未知查爾予妾五百金爲婚禮。茲所存尙二百有奇。惠曰。吾知之。故造此路。曰。吾存金雖日減。尙能以二百假君。歸必以年終至期。妾所需必是數迺可。惠聞言默計。路塵金何若是多也。卽曰。年終必返汝許。假否。路曰。夫不有畫指券乎。惠曰。需券耶。路以指旋惠鬚端。徐應曰。然。凡貸者。例以券爲息壤。是舉然否。惠私度。路欲取息也。乃匿笑而引臂繞路腰。曰。尙有何約。路曰。有。下星期之一爲銀行假日。君可偕妾作麥監脫遊。何如。惠聞而適然驚曰。

此事恐有險。路曰：聊與相羊耳。何險爲？惠曰：獨不慮人寓目耶？路曰：其誰見之？惠曰：麥監脫富遊躅，假日尤廢集。路曰：君膽細殆若咳嬰之兒。惠曰：吾固無慮，所慮恐病汝。蓋寶畏寶或值而生妒耳。路曰：母慮妻，妻自能避險。惠曰：諾。約定矣。雖然不宜偕往。曰：云何？惠曰：吾將電華立格而逆旅。定虛室二，一以汝名，一間以他名。二室相聯綴。路曰：何意慎若是？惠曰：是法最善。路曰：善則善矣，以何時往？惠曰：翌日下晡。吾不能先是而往。吾決於星期二返倫敦。路曰：汝意決，吾復何阻？意若有不適者，蓋路以此行至少須畢一星期。而惠復促之。惠曰：吾將去電使汝知吾乘何列火車，首塗詰朝十一句鐘。電以汝名發，視回電若何。要之一切皆以汝名。無有隱路。傲然曰：然則汝亦以汝名而無隱乎？惠曰：非也。逆旅筆客名，客或不名已，而名他人也。亦習聞事。且茲遊非余意。是以不余名而以汝名也。汝可告查爾，以獨居岑寂，欲安吾心，不知其喋喋耳。

惠既與路約，即踵寶居而告之。曰：事定矣。金可母慮。寶聞色喜。不然，惠殆不能取信於寶矣。

寶曰。金何在亟將之。惠曰。約以星期二。寶曰。果否。惠曰。假自家姑。彼售其業。星期二即收値。之期。明日吾將往取。設不獲。吾誓不返。寶曰。妾當告前途以必歟。惠曰。寶蘭非至禮拜二。吾不能面。汝。寶曰。當僂指以俟君。至惠曰。願汝勿以吾往爲戚戚。寶曰。君能攜二百金歸者。非惟不減君行。固深願耳。

翌晨。查夫人屏女僕治嚴。午後一句鐘。得函一云。華立格爾逆旅中。一切已定。居室二列號。二十三四。麥監脫快車於五句鐘離維多利亞。母失時行李先置車。吾將持車券。遲汝於月臺。辟爾。比及時。惠路自維多利亞乘火車至麥監脫。既至。則雇馬車二駕而至華立格爾逆旅。是遊也。暎曩之電車。竭來於白力克司登路。情若宜益。摯庸詎知其轉薄於往昔者。何也。蓋男子旣別有所眷。則於舊歡若相嬗而土苴矣。卽陽浮道與之神故不屬。惠之於路。旣如此。路性驕傲。懵懵然不知惠之實。不自知惠之贅已。惟以惠之漠然爲快。快乃謀所以媚惠者。時泥酒以妍其態。冀以動惠。惠益以其頰放而睡棄之。故恒日夕有違言。星期一。惠忽若甚懷路者。路久鬱於惠之落落。驟見其低首下心。溫言柔色。若惟恐不當已意。心鬯然大慰。堅挽惠再作數日留。惠復理假金事。路曰。汝能稍安者。吾何斬卽付。方是時。惠路均至客室。室接臥所間。以壁路探革囊。取銀券簿。握楮簽名。及署銀數。問曰。書付華納乎。抑來者惠

曰。付來者路書如言。填以翌日期畢。授惠曰。君心懶乎。惠曰。矢勿誤路。曰。君近何不樂之甚。抑敝屣妾也。惠曰。汝殆妄思矣。吾意天壤間愚無若汝者。路曰。君今之愛妾不能半昔者。儻妾之愛君。即四之一。君猶不及。惠曰。甚矣吾憇。特神有不逮耳。非愛減也。路曰。信如君言。盍示以據。惠曰。何示。曰。妾欲至星期杪始旋。君能與同居也。則信。惠曰。吾先與汝約。翌晨必往都城。言且載券路曰。君且辭焉。惠曰。期必達。吾已告汝。烏能易吾意。相與呶然爭執者久之。明日卽銀行假之次日晨起。惠就路言別。路則大恚。不復能忍。乃舉其向之怨情懸念。鬱結隱伏於中者。遽搘折出肺腑。厲聲言曰。吾信汝欲殺吾。汝欲吾死。適逆旅傭者奉朝餐入。聞此語焉。惠魄且憤。憤其當傭前而擢其罪狀也。未幾。路聲漸抑。惠別去。與逆旅人會計訖。遂投快車赴都。

抵城。卽持券詣銀行。行中人詢欲何等幣。曰。金幣。悉予以金先令。惠以紫色紙囊藏幣去。趨亞母士酒肆。寶觀其驪然來。知不虛望矣。乃逆執其手曰。昨肆事。倥偬累人。今晡時得暇。可他適。願與君偕。

時寶已別貰一小室。與惠約二旬鐘集此。卽乘電車詣格里祛園。暮回倫敦南音樂會堂。以此爲娛樂也。如時惠至。寶許授以二百金。與偕出。旣入格里祛園遊曠。喁喁商權。擬次星期

往註婚冊所。行婚禮焉。惠與寶聯名。寓書諸友。將權輿新業部署。忽。日暮。遊客漸散。惠寶相與入簷肆食。未進。惠就閱星報。未一行。大駭。心陡戰。再讀。聲抑抑不能舉。色轉白。若蒙桌之巾。少選。扼腕歎歎而呼曰。天乎。天乎。寶陡見惠持報倉皇失度。首頸尙未諦其色。聞聲驚問。時室中幸無他人。在惠舌縛。莫能答。寶就惠手奪報。觸目見一行印大號字。揭曰。命案。麥監脫之某逆旅女屍在床。凶徒逸去。巡捕有眼線。下四號字曰。今晨麥監脫紛傳某處有命案。聞者多皇。本報訪事由警察所刺得。言非無稽。惟探秘其事。不宣耳。據云女名孟禿客。不名實與謠不得而知於前星期三餽華立格爾逆旅一室。鄰壁旅客華納與相識。逆旅傭者某曰。今晨見華納入死者室時。死者悲啼呼曰。吾信汝欲殺吾。汝欲吾死。少頃華納就逆旅主帳者會計訖。遂去。俄而傭復入室。視其面色如土灰而僵於牀。察此知死者於絕命前似經爭鬪。警察及醫者至。至遲不得救。警察力搜訪女之姓氏居里。未由得實。居室係電傭所發電話。已毀去。擬訪諸郵局。及檢死者衣囊。得銀券簿。始知其真姓氏。其末次載下連票署本日期。並二百金數。警察已獲兇徒蹤跡云云。

寶蘭業酒肆侍役。素嬾俐狡黠。讀竟詰惠曰。君名華納乎。惠領之。寶曰。死者爲君姑乎。惠聞大愕然。如溺者之見柴即握。知非有救而爲者。蓋非此則且立斃。故憫然無以對。復領之而

已。寶曰。兇徒母乃君耶。惠曰。非也。天乎。卿幸勿以是疑余也。寶日敏有識。特漫詰之人於此。不能無疑於惠者。寶則否。良久謂惠曰。君貌及服已識於警察。其速易他衣食。即不能下。強進之。使無疑汝爲華納。議定。寶以新聞紙裹餐。呼役計所食。役往兌銀。寶曰。君宜慎。距此十數武。有市冠所。量君冠大小。妾將爲購一紫色軟呢者。役回。遂攜餘銀出。惠握外衣。寶持食至冠肆。寶竊語惠曰。君先赴彼角。旋至通園之路。須臾。寶至與偕。曰。來此昏黑中。返捲外衣。置彼椅。必有來取者。抹此冠姓氏。使冠扁平。攜之。相與回大道。僦馬車。一往老開路焉。既至下車。辭御者。步行無幾。又僦一車。達寶室鄰近。途次。寶由車窗擲舊帽出。月暗。途闐。無聲。寶以籥啓一戶。是日爲假節。室主他出。無見其歸者。乃謂惠曰。此案君能以未犯誓乎。惠曰。寶蘭。他人不知者。或以吾爲疑。不謂亦於卿見之。嗟乎。誤矣。寶曰。君無他名耶。惠曰。然。但寶急謂曰。他事不遑及。妾所信者。君決不爲此案罪魁也。惠聞言色駭。寶曰。妾不忍聞餘事。心甚惱。君宜秘勿洩。母輕出。偷眞兇得。迺無恙。今夕。君臥余榻。余將往就妹寢。翌晨。當雍若鬚變。若貌。惠乃引吭而鳴曰。天乎。寶立捫其口曰。止。速默。不默則禍。及更欲詰君一語。君姑予君金。願耶。抑出之謀奪者。寶言次。肢寒心慄。惠曰。非謀奪之財也。彼予吾以昨夕。寶曰。誠然。固可信。脫不出彼願。又安肯簽字於券耶。但願眞兇即就拘。則一波不起矣。幸勿疚慮。明日。妾

復來語畢。吻惠而別。

第二章 寶蘭自述

予本爲麥來哀特呂氏。惠廉則以寶蘭呼予。予不嫌二名。亦不以有係於麥監脫之案爲憚。有著述家賴華者。常以此事詢予。欲因以白斯案之顛末。予思此私事耳。政府似宜懸令甲。禁署述家不得以他人私事宣於世。蓋若輩多以己意妄測。鋪敍恆失實。予何必爲傾吐。賴以見拒也。滋不悅。手撚鬢言曰。然則吾將代若言之。予曰。君何因而欲辱予。賴曰。汝誠無疚。於此案者。即暴諸衆。其無辱於汝必矣。予曰。然。予夙知若輩著述家之所爲。曩在亞母士時。白力克司登寶可品報。鏤來司胎來報。暨他報之主筆。常相聚。故知之。諭賴頰首若不敢與同。日論者。予又曰。予知若輩少年性。且知若輩若何逼人以輸實者。賴曰。汝非真知吾者。惟實情不易得。故凡從事者必兢兢。乃指屋角之蛛網曰。實情猶蛾也。蛾可見而不可冒。冒則傷身而亡其美質矣。予曰。君不惜時。予惜之。予於一句鐘前。具三十人之餐。賴拾帽對曰。費時耶。其見恕。他日吾代若言成書。將以一編贈君。予曰。君雖渴欲得實。然未識君以予言或有增損否。賴艴然曰。若詰吾至此。使吾奇駭。予曰。倘予書以實。君能就所書而不易一語乎。賴曰。吾誓爲之。脫不信。請以銀代歟。予笑曰。若輩之旦。其不足取信久矣。往往赤兩手。徒

以口爲息壤。即指一懸版曰。獨不見所署言乎。曰信之亡。因無償而亡之也。賴曰。口給哉。若貌及語。固皎皎。前途未可量。予曰。止。予非好人諛者。予自書。實勝君代。書君書當必隱。有愚予者。賴曰。若語即失實。吾筆決不能鑄。若之僞。予知其語含譏意。予豈受譏者。即曰。然則予必自書。君不得易一字。易則鳴君侵版權之罪。賴曰。諾。予曰。若訟。予能以最廉之費從事。二三律師常來此。非不識者。予書君印。君并無評註之權。君烏容於此譏予哉。賴抑聲自語曰。譏者猶初礪之刃。稍撫之。即傷於不覺。予曰。詩人善譏。刀能割割。皆不可少之物。徒以屑何用。君言令吾厭聞矣。賴無以答。予又曰。當治具飲。君曰。無須爾。予笑曰。除君外。吾未見著述家辭飲也。賴默然啓戶。曰去矣。祝若享好日。予曰。君覓樂勝於好名。其勉之。賴去握手。若甚快。快。蓋始頗易。予謂必能受給也。及語次。連拄之。卒詞索而逸。予業此七載。非無以籌張。欲嘗予者。而卒不得售其技。賴乃藐視予。故以其道還治之。予最不喜男子與語。而撚鬚作謔態。予亦不自知其所以然。茲余臚此事於簡。可自信。賴必不能易一字也。書如左。

當予之未主此肆也。業於亞母士酒家。來沽飲者。罔不識。若輩亦善。予顧待賴不薄。予初識惠廉白克於亞母士。惠業寫字。常薄暮造飲。雅有辯才。予甚喜與周旋。更有客亞格拉脫者。嗜博進。輒負易盛氣。人不樂與言。惠則每博必有獲。其注也不逾一錢。其言曰。吾懼重注之。

小說

十八

正月

也。利吾無貪念。不利數至微。無害。卽灼見可必得者。吾終不搖慮而厚其注也。予之所以留意惠者。以所見迥與流俗殊。博徒往往濡首入局。稍雋。卽不惜傾其囊。圖大捷。其終也。或闕而入於老敗來。老敗來者。倫敦新開之會審所。或席捲所儲。甚或手梏母頸。攘其飾。斥以償博責。則卽以博論。惠之過人遠矣。默思得夫是子。當勝流輩。某夕。亞格拉脫分惠以一星期內所獲之利。且曰。辟爾乎。汝能以資合吾。則資一切當可減。惠曰。善念且久。誠欲覓一得當處。以貯吾餘。亞曰。汝意然乎。曰。然。曰。辟爾。吾頗惡囂。欲稍憩。汝但以二百金入吾。將以股之六一與汝。業且蒸蒸。則汝已知。無待余贅。惠自謂有銀者。讐言也。至此。當蹠蹠。然惠洋洋若。固有轉有希望心。嗣辟爾果以二百金併焉。於是與亞格拉脫共主之。亞任之篤。諸務悉委惠。後數月。聞黃鷄蒸酒房與亞母士鄰市。不日且大集。謀欲得之。詢值四百金。期以兩月。予所積有其二半。則待籌。乃意及白克焉。予在亞母士久。亦善博人。以此樂近予。予固自信能奪亞母士之利。若亞格及白克爲之助。則業益起。察惠固懲予者。告以故。惠喜。諾曰。此舉宜先立二百分。約得此數。則興業有時。且君仍可就肆設匱治舊業。惠曰。甚善。必得金以報。比期近金。尙杳。予不能無疑。至銀行假前一日。惠始來告曰。事諧矣。姑以舊業所入。許如數以貸。星期一日。當走取。次晨。惠卽往。而麥監脫之案出。是日午前。惠返。喜形於色。不待問而知其得金。

遂相與約二句鐘時偕遊格里社園。及時惠至。授予三百金。卽彙藏之。餓車至園。共語至日夕。就食饗肆。惠偶取暮報閱。注目行端。已而報漸近睫。似諦審小字。面向下。俄報紙微動。若手震。繼漸至膝。突聞其呼曰。天乎。予驚問不應。見其面無幾微人色。亟就報讀。訖。予以爲惠或與死者識。故驟覩不能無駭慄。忽憶惠曾以華納名爲博事揭槧。又是日所授金數適符死者券。頗以爲詫。然予竊睨惠色。雖非人。而與凶殘事發噬瞿僥閃者異。脫惠爲此案罪魁也。閱報必強自持。佯若平常。決不至失聲顫諱。以自呈其鱗。則惠之無罪不必疑。不然。予亦必立時絕去。豈甘涉老敗來事耶。惟信其無罪。則營護之念急。予之愛惠固深。且篤姑詰之。曰。君其華納乎。惠無言。微點其首。予以爲死者或其姑也。惠離彼後。彼爲他人謀斃而疑及無罪。予不忍見無罪者揜首於公庭。若對簿敵獄者。非予所識。恐不能爲道地。計必先探悉此案宦交。而後設法辯護之間。曰。死者爲君姑乎。惠仍若木偶然。似以首爲對。予意惠得金時。彼姑尙未死。否則何能簽字於券報。所謂有爭鬪事者。臆度之言耳。要之惠決不斃其姑。欲得實。不厭數問。曰。然則斃姑者。豈君耶。至此。惠始能聲。自己之無罪。食至。惠不能舉刀匕。予餕少許。裹其餘。令惠去其淡色服。出。又詢其冠之號。目大小。別購之。在園隱閣處。棄淡色服於椅。是時惠服異往日。旣易兩車至予居最近所下。予引惠入室。擬匿惠。俟真兌得而後

出。并欲爲惠去其鬚。易容以避禍。又告主居者。以惠爲兄。自鄉里來也。予晨必往紀肆事。九旬鐘後二小時稍暇。當取薙具過惠。意躊躇定。翌晨飲加非一錢。報至手讀之。注意麥監脫事。而報載昨晚警察已測厥案底蘊。死者非其姑。乃其友之妻也。意辟爾乃眷他婦。其愛予僞也。予誤矣。當是時。予氣若山涌。不復能遏抑。設惠在予前。予之怒正不知若何能盡洩也。讀竟。覺其蔑信義。蹈凶忍直。非人類。捕者又自郵局而知兇徒曾由白力克司登電鐵麥監脫旅室。卽死者所居逆旅。主者同時得電云。華納僦一室。與前室比。二電字出一手。予識其筆迹爲辟爾書。惠數數自白無罪。其詭幻乃至此。且銀行中述取二百金者之服貌。與惠無異。死者非其姑。其外婦也。欲娶予。又畏其爲梗。故不恤手斃之。當予未議往註冊處時。惠固嘗在死者所隱廻蕩。心待時而發。險巇哉。得金猶未足。意必死之而後快。旣就。余復娓娓以甘言媚。其聾盲我也。咄。辟爾。予豈特不欲匿爾已哉。予立起駕而過石末。捕所在焉。其主捕者數人。暇輒就肆飲。故識之熟。徑入室。見主捕約翰生。與警察吏語。見予卽迎問曰。寶蘭汝曷爲來。將無肆有酗酒者。曰。非也。來報汝耳。麥監脫案之兇徒。非已。鬼脫耶。捕所悉達。惟其容飾之似是。求汝。非欲名捕之耶。約曰。是也。吾等知其容飾。汝母欲知之否。抑彼爲汝友。予曰。然。約目灼灼。若思予言爲與彼誇謔也者。予又曰。若輩尙遷墳未獲耶。予特來以蹤跡告。

約曰。賣蘭乎。我知汝好戲。戲於亞母士矣。復戲於捕所。其以誑爲謠也。予曰。子何未審。予甯以戲言蹀躞。若欲捕華納。渺不可得。予則知其人。並知其所匿。何謠之有。約見予正色語。乃舉武就眎。余釋蒙面網。自覺怒色變。讀報時顯露者。至此尙未盡隱。約手闢一私室。曰。入願明告我。孰爲華納。予曰。非他。卽惠廉白克也。君亦與甚習。約默思良久。曰。何在。曰。牌署北路甲四十二號。爲予僦室後樓。一華納在焉。約作而語。曰。然乎。母謠謠。則不利於卿。脫簡探往。捕不得。謠言之咎。雖夙昔交厚。吾亦不能爲汝地也。予曰。其以予爲無知而不之信耶。約曰。吾若不知汝與惠有白頭約。吾卽確然不疑。曰。約在曩日。今已矣。鬼蜮而虎狼。吾復何踐。約喜曰。孽卿與彼已有違言。曰。非也。予特悉其隱事耳。彼方蒙然坐。待餉以朝食。君速具短葦取之。約曰。臨衢之戶易入乎。曰。易。有鑰在。母忘後樓梯而登。以指剝啄。彼必以爲予至而鬪扁矣。言至此。卽起別。謂約曰。一事乞君。勿以妾名涉此案。君其許我。約曰。諾。予遂回亞母士。是夕。諸報章皆瀝瀝敘。若何偵索。若何捕逮。惟歸美於主捕。謂渺茫無着之案。窮日時且不得影嚮。迺不旋踵而凶徒就絊焉。微捕者思精力捷。不至此庸詎知有踵門而指示者。且捕所破案。疾若鳴掌不及。以炫其奇敏。亡慮其有類於斯。於乎。獨捕所乎哉。

第三章 約翰生述

小說

二十一

乙巳

余不知諸報所登者實與否。余所知則自寶蘭獲兇亦以寶告也。賴華先生云。此案甚可疑。今竭思究其實。并請證以極微極遠者。余計斯舉必無濟。雖然。先生曾贖獄所。請爲惠廉辨護。苦證據無實。今枉詢。余無以對。亦舉余所知者語之耳。

余自識寶蘭四三年矣。亞母土諸女傭。寶最麗。最有姿。酒人爭趨之。若蟻附羶。寶今主黃雞酒室。於星期三來捕。所平日故好。諸謠。斯時則色甚嚴。語及麥監脫案。余戒以法非可戲。寶莊語。兇徒蹤跡。余愕然久之。以所發者爲其訂婚之惠廉白克也。

余嘗於休沐時。與惠就亞母士飲。且與競馳馬。具悉其爲人性頗高邁。余初不信其爲此案罪首。得寶言始信。復憶前聞。寶惠婚有日矣。則寶之告又不能無疑。繼思寶之首惠也。色若甚懼。其甘心於惠。以惠眷外婦。以欺己耳。嫉妬之爲毒甚矣哉。非此則尤惠也。無期一語。之發。其奏功也。雖盡蘇谷蘭耶。偵者之心力。舉莫能並。大抵疑獄之發覆。或半由於婦人。而出於妬者。爲尤力也。

余即與衣常服之二人偕。車首北路。途次。余謂偕者曰。釋若轔。而梯蓋。恐兇徒聞聲。生變也。行將至。相率下車步。歷甲四十二號戶階。啟鍵入戶。闔去轔。余一指。抑唇手轔。率二人循梯上。轔置地。旋屏關。不得關。徐彈以指。聞榻戛然似有躍下者。俄微聞曰。汝寶蘭乎。卽

聞啟鑰聲。余等擁門入。惠猛見慄。詫亟退數武。余三人一趨當牖。一以脊拄扉。立惠驚呼曰。捕來矣。余曰。然。來逮汝。惠曰。吾知若爲麥監脫孟禿客夫人之案來此。余曰。毋刺刺。卽狡何益。惠踞榻。手覆面。咄咄已起立。強若無懼者。曰。若輩取吾至捕所乎。曰。然。速衣汝。衣車在門。汝自入。吾不復輩。汝恠慄失意度。衣不能寬袖。少焉低語曰。乞許吾一飲。取盞中壺吸之。日已具行耳。嘻。吾猶鞭。卽持其鞭。面槁然若久病者之強笑。余謂守門者曰。泊格亟助之。余卽代其守。惠旣繫。以其冠覆首。余輩亦著繩竟。相將就車。回以惠付當事者。下獄焉。余電麥捕。俄三人自老開來持惠去。翌日。鞫於麥監脫捕所。惠之辭則皆足資有罪之證者。余所知盡此。

第四章 賴華述

余有事於律師總會泰姆不耳。老開公廨會鞫之末日。余小極未往聽。余夙與律師蘭孟馬太同居王橋路。諸案具歷歷紀本末。人爭欲覩。居恒適泰姆不耳時。爲多對簿者。事愈紛。所誌愈富。雖小說家言。余獨臚列事實。無涂飾者。八月余在麥監脫養疴。聞此孟禿客之命案。事離奇甚。當初鞠時。余聞其各證語。犯者雖不自辨護。余則覺其無辜。後愈推研。愈不能不加以罪。余嘗諦人色。得所隱。什八九中。蓋中虛。則色之動有異。今犯者不然。雖然。余旁觀耳。

知有司傳會以成讞。以所證足以致之死也。蘭孟馬太爲告者所請。將事裁判。所以讞詞付其副。將定獄於女石。余決意爲女石行。余非能爲力者。特一傳爰書。無辜受戮。雖旁觀不能心憇。彼夫當罪罔疑。幽囚犴室。時或就考訊。數銀鑄出入牢戶間。始卽刑典。尙不堪其慘累。況在無罪。其冤鬱愁苦。又當何如耶。

至女石訊期。余復病不能往。日薄暮。余就椅坐。輒不自甯。五中若沸。惟引領翌來電。蓋馬太曾許以結讞之詞。電告焉。旣一傭者。拗戶入。得電函。余喟然曰。如定罪。其必縗首矣。及發緘。則僅書有罪二字。余不覺勃然曰。固知執法者。無一能平亭疑獄。卽未定讞。亦無有能昭雪之者。是時余痛心益甚。度總法司必謂犯者曰。汝有罪。按法當經死。願上帝恤汝魂。犯者知必死。卽冤憤填胸臆。亦垂首杜口耳。試思之。不自知其涕流之橫集也。頃之傭復來。呈九句。三十分。馬太來之電。余心稍安。及時馬至。面視常益灰白。入室去外服。擲囊於几。坐地爐側。時涼秋。以病故置爐火。余見其有張皇狀。詰之。馬曰。病也。與君同。君殆染。余曰。欲飲藥耶。馬曰。君不能自藥而欲藥我。余曰。然乎。曰。然。犯已定讞。將縗首矣。吾亦與君信其無罪。余亟問曰。何物亦使君懷是意。曰。無他。君下疑種於吾心。今萌芽矣。始不能無疑於犯者之罪。顧第可與子語耳。要亦乏轉移法。余曰。余意亦然。必詰余何以疑其無罪。余亦無以對。特察其色。

覺不無枉抑耳。馬曰。吾從事重獄且不一推勘之。參決之懼以疑似間誤入其罪。此案則各證明確。無一不集矢於犯者。又烏從爲之辨護耶。余曰。然則奈何。馬戚然曰。雖曰無罪。君與吾無干涉權。又豈能自是而非主讞者。卽疾呼其誰。信人將曰。馬太鹵也。余曰。盍鳴諸上。曰。否。有司之語犯曰。汝罪當有死而已。以不平鳴。必有責。吾多事者。且吾言諸上官。上必問主讞。主讞者必告以諸會讞者之見。與己同。吾欲駁。訟實據。上官將誕我。余曰。主讞者誰。曰。女皇之參謀雅克生也。吾嘗與之言。犯者罪恐不實。雅克生謂吾大愚。吾不得不緘口。不然。以愚見譽。於吾業至不利。吾不願蒙此。吾好名者也。余正色曰。已好名而謂人不惜命乎。馬立起。繞室而步曰。天乎。冤哉。吾非漠然也。其如已定獄何。余曰。慘哉。縲刑也。馬曰。吾自女石乘汽車回。日茫乎無他見。惟階下囚髮鬚鬚闔面飲恨狀。厯厯在眼簾。輪轆地聲若驟風雨。恍惚憶犯者。吭急噎噎。叫天無辜焉。余曰。坐君受感更甚於吾。吾等固無能爲耶。馬曰。然。君無與吾讐。則助彼執約以急其縛者也。質各証人而使彼因機索言以攻犯者。吾不得謝責也。其斃也。謂吾亦與手焉可。余慰之曰。毋害君之盡職。固如是爾。馬曰。非獲真兇。吾鬱不醒。當雅谷生賣罪狀。吾細究之時。犯者之目瞪視余。蹙然若有莫白之隱。欲言不能言之狀。此境吾沒齒不能忘。吾慮囚多矣。前此未之見。天乎。吾不願復見此也。脫復見。吾誓去吾業。賴華

小說

二十六

正月

乎。吾之腦且大震。吾不能自主矣。余傾威司格酒。和以鹹水。授馬。馬畢飲。余度彼尙未食。舉餅合近之。彼急於言。若未覩也。又曰。吾謂前此未嘗見犯者作爾許愁狀。稍近者則莫若回力揩太之犬。君亦憶回與吾等習羅馬文備試。忽病狂深疾。平日最愛物。余曰。吾亦聞之。馬曰。回畜一犬。澤而敏。珍之甚。當疾作時。犬伺於側。若欲有所助者。此時吾亦坐回室。其僕甫離左右。回驟發狂跳。取杖猛擊犬首。吾亟起奪杖。犬受擊者三。血沫交下。余曰。誠哉其慘也。馬曰。犬卒不迴身。觀其主目血全涌。慘色不可狀。此象至今印吾腦。當時吾竭治犬。卒以創甚死。余呼曰。冤哉。馬曰。此特犬焉耳。其狀猶堅印腦際。況枉者爲人乎。余曰。前捕所兩次鞫。繇即自謂所以被逮。以麥監脫孟禿客夫人命案故。是言也。犯無從自解。其二白力克司登郵局之女婢白。八月銀行假日前之星期三。犯至郵局。婢先見此人數來發電。能識其筆迹。是日電爲犯手書。電云。麥監脫華立格爾逆旅鑒。請示空室號。欲就一星期。以翌晨始。白力克司登古亞路十七號。孟禿客字。婢司收。不司發回。電無由知。逾半小時。犯又來攜電函。二。一云。余定餲二十三號室。約一星期。午後來孟禿客字。一云。定餲二十四號室。今日乘汽車來。開勃登路七十號。華納字。開勃登路七十號者。爲管新聞紙某所居。犯嘗以此號爲收函。